



葦閣詩藏選目

漳浦趙 炎二火輯

嘉善錢繼章爾斐

無錫陳玉璠椒峯

晉江林嗣環鐵厓

吳江朱鶴齡長孺

吳偉業

徐 勳

錢謙益

陳 鴻

楊思聖

彭而述

魏裔介

龔鼎孳

王崇簡

成克鞏

梁清標

宋 琬

錢繼登

王廷宰



邢昉

錢棻

杜濬

趙進美

王廣心

丁澎

沈荃

顧大申

周迪吉

傅霖

黃虞稷

趙賓

張士楷

楊才瑰

毛士鸞

莫大勳

顧有年

莫秉清

鄭重

汪森

尊閣詩藏選目終

尊閣詩藏

漳浦趙

炎二火輯

一名璵亦名潛一字雙白自號荔民又號尊客

嘉善錢繼章爾斐

無錫陳玉璣椒峯

定

晉江林嗣環鐵厓

吳江朱鶴齡長孺

吳偉業

梅村

枳籬茅舍掩蒼苔
乞竹分花手自栽
不好請人貪客過
慣遲作茗愛書來
閒聽雨攤詩卷獨
樹看雲上嘯臺
桑落酒香盧橘美
釣船斜繫草堂開

自歎

誤盡平生是一官
棄家容易變名難
松筠敢厭風霜苦

言苑 卷之一
魚鳥猶思天地寬，鼓枻有心逃甫里。推車何事出長干，旁人休笑陶弘景。神武當季早掛冠。

功臣廟

畫壁精靈間氣豪，鄂公羽箭衛公刀。丹青賜額豐碑壯，棨戟傳家甲第高。鹿走三山爭楚漢，雞鳴十廟失蕭曹。英雄轉戰當年事，采石悲風起怒濤。

寄房師周芮公先生

惆悵平生負所知，尺書難到雁來遲。枕椰月暗巖城閉，鷓鴣風高画角悲。湖裏逢仙占昔夢，洞中遇叟看殘碁。脫身衰白干戈際，筍屐尋山話後期。

北府風流坐嘯清，蕭郎白帽愛將迎。蒜山望斷江干月，荔浦愁看海上城。劉寄關河雖險塞，盧循樓艦正縱橫。莫嫌戰鼓鄉園急，瓜步年來已用兵。白鶴青猿叫晚風，苦將身世訴飄蓬。千灘水惡盤渦險，九曲雲迷絕磴空。廣武登臨狂阮籍，承明寂寞老揚雄。巨源舊日稱知己，已誤玷名賢啓事中。

七夕感事

天上人間總玉京，今年牛女倍分明。画圖紅粉深宮恨，砧杵金閨瘴海情。南國綠珠辭故主，北邙黃鳥送傾城。憑君試問雕陵鵲，一種銀河風浪生。

送張玉甲憲長之官邛雅

錦官春色故依然，料理蠶叢半壁天。葛相祠堂尋有蹟，

譙玄門戶訪誰傳還家杜宇三更夢寄遠菖蒲十樣箋
此去壯遊何所恨思君長問楚江船

立夏日陪園次郡伯過孫山人太白亭落成置酒
分韻得人字

春盡山空鶴唳頻亂雲歸處鎖松筠江湖有道容奇士
關隴無家出俊人招隱起亭吟社客散仙畱冢醉眠身
一瓢零落殘詩在誰伴先生理釣緝

新河夜泊

百尺荒岡十里津夜寒微雨溼荆榛非關城郭炊烟少
自是河山戰鼓頻倦客似歸因望樹遠天如夢不逢人
扁舟蕭瑟知無計獨倚篷窗暗愴神

徐燠

駱賓王墓

文齊三傑擅名家寂寂楓塘古路賒先代蛾眉驚草檄
千秋馬鬣莽袈裟螢飛遠火秋雲暗蟬咽殘聲落日斜
荒塚無碑誰下馬西風吹落老槐花

送林吾宗之金陵

青絲游騎踏春蕪二月王孫入舊都柳色東風村店路
杏花微雨酒家壚斷橋野草尋朱雀古碣荒苔辨赤烏
挾得紅妝歌子夜寒潮雙槳莫愁湖

送俞本之游楚

寒臯木落水連天雲際孤城望漢川隔岸數聲湘女瑟

中流千里鄂君船
鷓鴣夜叫黃陵月
猿狖秋啼赤壁烟
挾得離騷經一卷
行吟長對楚江邊

會稽懷古

獨上高城問廢興
萬家鱗次暮烟凝
斷碑碧蘚曹娥廟
古木蒼山夏禹陵
剡雪霏微迴客棹
樵風來在送漁燈
越王霸業長消歇
極目荒臺感慨增

錢謙益

春日過易水

驅車信宿驛程閒
雙鬢蕭蕭騷春又還
易水到來偏易感
酒人別去更相關
暮雲宮闕愁心繞
落日衣冠古道閑
老大不堪論劍術
要離墳畔有青山

南歸感事

單軻衝風滯楚州
淮陰南下又無舟
誰人解唱公無渡
對此真令我欲愁
墨浪黏天排宋鶴
赤雲夾日炙吳牛
頻年跨下橋邊水
照我勞勞已白頭

漂母祠

韓侯釣水遶城垣
青史猶垂進食言
人以千金知老母
天將一飯試王孫
孤生書劍霑新淚
逐客簪纓感昔恩
欲薦渚蘋何限恨
寒鴉落日滿祠門

吳門春仲送李生還長干

關風伏雨闇江城
扶病將愁起送行
烟月揚州如夢寐
江山建業又清明
夜烏啼斷門前柳
春鳥銜殘苑外櫻

尊酒前期君莫忘藥囊吾欲傍餘生
十月朔日抵廣陵

隋苑荒臺葉不飛竹西歌吹正依稀
流螢尚作蕪城夢跨鶴真同華表歸
舊事月明空在眼新愁水調欲沾衣
笊籬灣畔孤墳在萬點寒鴉送落暉

悼鶴

殘年百事苦傷悲更報胎禽去曉池院落又如亡
變子寢門應比哭相知乘軒任爾誇新寵爭樹還誰占舊枝
商畧雲山瘞仙骨玄黃祇恐未相宜

瘞鶴銘云裹以玄黃之幣

陳

鴻

字叔度侯官人

衰柳

依依芳質怨年華却憶淡藏小小家
委地誰憐啼露葉隔江偏妬拒霜花
淒涼舊巷空嘶馬搖落長堤尚聚鴉
不似漢宮寒食候東風輕送萬條斜

淮陰旅懷

一帶淮聲繞郭流黃昏人上水邊樓
經時尺素稀聞句此夜孤燈隔楚州
楊柳已凋終結恨蘼蕪雖歿亦關愁
客心處處驚搖落古壁西風蟋蟀秋

過曹能始先生石倉園

水滿清陂徑鬱紆夾堤山色望中殊
艸堂似卜東西瀼畫舫如過裏外湖
鶯喚曲欄春臥穩鶴窺深戶夜吟孤
問奇日載花間酒莫謂投閒一事無

言苑 卷之一 五
楊思聖

入閩

煙林葉脫瘴初收二月輕寒氣似秋
驛路齊編方竹柵
蠻兒多着木綿裘青山對岸猿移樹
細雨驚灘客泊舟
回首可憐鄉土異浮雲不斷是神州

江鄉晚泊

天涯况復是新秋楓葉蘆花並客愁
故國有情人北望
遠天無際水東流日沉夕鷺迷沙嘴
風起歸帆泊渡頭
底事壯心蕭索甚幾從射虎覓封侯

窮歲

斷蓬久矣歎無家坐對壺觴送物華
醉裏關河渾不定

愁邊雲樹晚相遮寒天絕塞麒麟病
暮雪淡山橡栗除
總是飄零無可慰傷心落日復悲笳

卽席贈丁野鶴

把酒相看笑敝袍悲歌起舞客能豪
論心不惜酬雙壁
快意何妨脫寶刀落日黃雲沙塞合
霜天秋色太行高
飄零京國還詞賦遮莫尊前歎二毛

送別宮紫玄

慷慨愁聽扣角歌歸歎客子意如何
書沉南國風霜異
賦到西京涕淚多落日昏鴉迷上苑
清秋疋馬渡渾河
壯懷激烈天難問未許斯人老薜蘿

送喬文衣之任萊州兼訊王玄芝諸季丈

楊柳風吹遊子顏東萊馬首隔燕關一生宦跡多瀕海
到處奚囊不厭山春老鶯花誰共醉夢迴島嶼幾時還
故人倘憶長安客爲報疎狂鬢已斑
彭而述

武昌別李蘅若同季

春山薄霧寫黃昏楊柳煙寒帶雨痕往日悲歌憐易水
十年賓客憶梁園洲頭草載襴衡色樓角雲留太白覓
江上逢君須盡醉離觴况對漢陽門

庚寅八月六日憶母

遺恨千年阻太行難堪此日又瀟湘安東未遂憐溫嶠
黨錮無名耻范滂萬里依人空作客十季遇主尚爲郎

蕭騷短鬢經秋日鴈杳江城憶故鄉

漢上逢韓繼之同年

十年屢雨憶連牀短鬢蕭疎雲水鄉不謂士龍空入洛
却憐司馬舊遊梁杯前草色流鸚鵡笛裏梅花繞鳳凰
今日欣逢漢武帝與君莫話老馮唐

段庄晤孫憲章高俊夫

三湘五嶺鼓鼙頻百戰空餘未死身誰念伏波傷薏苡
枉教充國畫麒麟舊遊却憶山陽煨官况惟存漉酒巾
暇日長林多布穀作書今欲報同人

魏裔介

秋牡丹次趙問原韻

且莫飄零嘆轉蓬孤芳蓓蕾閱西風爲憐趙氏三珠樹
不是楊家一捻紅霞起赤城依月窟香還國色傲江楓
年年開落心常在誰道陽秋有異同

秋夜

素懷難斷古丘墳皓首誰窮鄴下文世事唯餘原上月
鄉心但寄隴頭雲烏衣古巷誰能識麥秀悲歌不可聞
北眺黃花連古戍十年何幸靖妖氛

春日過蘆溝橋

桑乾直下連滄海天矯青龍控帝畿寥落長空寒過鴈
朦朧煙樹曉聞鷄香山晴氣歸天闕榆塞風霜上馬蹄
咫尺五雲頻眺望春風已到帝城西

清明日同諸年友送葬張義門外過天寧寺觀塔

因憶先塋有感

雨後郊原亦可憐雙柑斗酒共陶然誰家灑淚北邙下
使我懷歸南陌前草茁長堤分野色花飛古寺蹴春煙
揭來車馬何多事欲棄人間學大還

龔鼎孳

春日遊粵秀山

木棉花爛四山紅春晝攀蘿到梵宮樹色迴浮樓觀日
經聲晴捲海潮風香消歌舞珠簾外頭白登臨戰馬中
臺上鷓鴣啼碧草霸圖猶憶昔人雄

偶感

東鄰先生昨墮馬西第相君今免官盈虛門雀幾朝暮
摧頽棧豆空盤桓袁絲亡何惟飲酒曼容薄祿代掛冠
君勿拔劍歌行路太行沙道紛千盤
赭衣有客行紫塞丹戟一宵生白楊朔風悲笳莽蕭瑟
東園秘器新輝煌賜環予玦事不意遺簪敝屣恩何長
當時䟽傅重骸骨同日上書歸故鄉

遊峽山寺

夕陽停棹亂峰迷仄徑蒼雲插峽低戰後地憐飛錫斷
陰多天逼老猿啼蕭梁人代空碑碣帝子亭臺總蒺藜
十丈懸泉驚落幔快遊真羨倚崖題

送魏子存司理成都

錦官城壓錦江流駟馬翩翩負弩游戰地鶯啼花漸發
人家虎氣樹全稠何季鬢影吹春市自古才名盛益州
遙羨草玄亭下坐玉壺竒字足淹留

兼東楊猶龍方伯

訪于皇於雞鳴山下薄暮值雨中道遽返悵然
杜陵草堂聞最幽巾車日暮遙相求未知草堂隔遠近
但見山色橫清秋江雨欲來樹忽暗臺城無人雲自流
何時力疾更策杖坐爾高軒散百憂

和秋嶽登滕王閣兼美蔡中丞脩復

海徼晴峯偃八蠻江流明月映刀環雲霞橫吹曾千騎
今古憑欄只遠山詞客名隨芳草在烟波地接戰場閒
婆娑漫羨南樓屐廣廈春風已萬間

燕去朱門落照淡龍沙風雨未全沉檻空吳楚高城目
天入悲歡獨立心鐵戟烟銷臺榭出風潮遂起柁樓陰
千秋開府憐才意莫遣鳴笳蔓棘侵

送鄧孝威還邗上和吳園次韻

惜別朱絲欲罷彈側身天地可全安路經分手風烟改
香息當門出處難鐵甕一軍江樹暗銀簫五夜酒盃寬
離亭日落休回首柳市車塵已耐看
舊雨竟銷入雒裝滹沱水合又褰裳身孤盜賊忘羈旅
俗薄公卿諱醒狂此去名山淡歲月向來吾黨有風霜
難堪到日茱萸水北望秋城隔一行

王崇簡

姚若侯至感贈

側身天地歲時遷豈意重逢北斗邊萬里風波雙眼內
三季悲喜一燈前獨宜縱酒聊借俗何處狂歌可問天
莫向帝城懷往事五陵庭榭半荒煙

九日和李古津

鳳沼烟迷蕭后臺徘徊幾欲陟崔嵬風吹落木秋聲壯
雲散高天鴈影來舊苑半隨荒草沒西山猶向夕陽開
登臨莫作傷心賦籬下黃花照酒盃

送鄧元昭假歸

鑾坡暫去莫淹畱醉擁驪駒動客愁楊柳春風荒驛路
海棠夜月舊山樓高人歸橐琴書潤仙棹臨門水石幽

計日征轅期蚤北好懷休戀故園秋

不寐

寒花香氣一簾通
輾轉深宵堂更空
蟲語弔殘秋露白
雞聲叫徹海雲紅
新涼燈火銷殘夢
半敝衣衾怯曉風
倚枕悲吟還起舞
傷心難聽北來鴻

成克鞏

字子固號青壇大名人

秋興

銀河玉闕倚高清
陸海神臯舊有名
但擬黃圖煩卜筮
屢聞赤鳥自經營
潮迴碣石成粉社
屏擁醫閭作鎬京
萬國朝宗還此地
無勞宣室訪諸生
闕宮恩綽慶傳宣
詔領金鷄下九天
仙杖曉分華省露

王程秋滿御爐煙
羣公翠軸裁冰篆
上將雲臺議土田
何事周南獨畱滯
焚香視草向甘泉

梁清標

送施長也比部守紹興

朱旛裊裊送君行
百里諸侯負弩迎
蘭渚舊臨逸少宅
春潮自落越王城
花淡臥閣啼鶯緩
雨入芳湖縱櫂輕
久領西曹推砥柱
東南待奏海波平

新秋感興

黃金臺上舊嵬峩
鄒衍諸賢曾此過
卻憶漁陽鼙鼓動
只今碣石暮雲多
時清雪雉通王貢
日落長鯨立海波
燕市可憐賓客散
漢家重奏大風歌

送宋玉叔僉憲之任隴西

兼學政及茶馬

吹角蕭蕭出塞雄，雙旌遙下暮雲中。
錦裘行部衝邊雪，清嘯登樓對朔風。
牧豎飯牛諸葛壘，巢鳥哺子隗囂宮。
少陵此地詩篇在，千載何人綵筆同。

寄懷王敬哉季兄

兩季聯珮鳳池頭，把臂論交想勝游。
花下開樽頻問字，月中聞笛醉登樓。
故人魚素經時隔，大陸風煙入暮愁。
三徑知君長自掃，可能寂寞憶羊求。

夏日次家少宰韻

官閒清晝簿書稀，無語開軒坐落暉。
征稅東南連歲急，烽煙嶺海幾人歸。
采真久負三山約，閉戶從知萬事非。

遙憶西疇新雨足，韓河月冷舊漁磯。

送姜滙思侍御巡視茶馬入秦

繡斧稜稜漢使豪，離思黯澹動干旄。
沙寒古驛丹楓晚，風起黃河白鴈高。
善馬如雲調苜蓿，清笳對月醉蒲桃。
埋輪知爾憑三尺，塞上秋霜拭佩刀。

慰友人居塞外

生別妻孥出塞門，嚴城哀角動黃昏。
文章自管憎時命，痛哭終當感至尊。
漢吏多持廷尉法，中朝誰舉鮑生旛。
此行學道君宜進，不必投詩弔屈原。

宋琬

贈龔芝麓太常

仙客朝回散玉珂
薊門春色未蹉跎
人從鄴下風流健
詩入關中涕淚多
漢時猶傳朱鴈曲
祠官新紀白狼歌
子雲寂寞耽詞賦
肯許狂生載酒過

鐘聲

玉漏丁丁秋未央
金鐘杵杵帶微霜
千門曙色聞長樂
六代餘聲在景陽
紅葉樹搖山寺曉
白蘋風裊客船涼
無端只解催殘夢
不遣愁人到故鄉

笛聲

千家搗練夜沉沉
長笛誰爲出塞音
嶺上落梅應駐馬
山陽宿草倍沾襟
劉琨北望供長嘯
馬援南征多苦心
寄語人間行路者
風波何似五溪深

雨中飲汪茗文齋中

文章誰復狎齊盟
共說吳江陸士衡
官自左遷忘世法
人從垂歿見交情
小山最愛淮南賦
大雅空慚稷下生
暇日追隨頻載酒
看花莫負雨初晴

任城晤王蘭陔水部畱贈

偶隨征鴈過西軒
乍解綈袍意自溫
笑插黃花驚我在
能添白髮是君恩
移燈欲代秋蟲語
剪紙還招客子覓
回首六橋明月夜
濁醪一石獨畱髡

仙郎近拜白雲司
四載驅馳帝念茲
舊執玄圭祠伯
禹新攜丹筆檄馮夷
歌成瓠子秋風夕
客散桐廊夜雨
時何遜梅花無恙否
重吟佳句倍相思

追送家艾石兄赴蜀臬任遇大風雨越日重九始
霽登燕子磯作

渺渺孤帆指石城
峭寒風雨助江聲
正愁欹枕佳辰過
纔上危磯曉日生
斷鎖沉戈迷舊跡
浴鳧飛鷺喜新晴
茱萸高會猶能及
蜀道青天萬里行

庚戌元旦

三泖浮家願已違
百花西里送春暉
癡兒漸解呼梨棗
故國空慙老蕨薇
江燕若來應舊識
塞鴻莫遣又先歸
爭知京洛彈冠好
怕見緇塵染素衣

元日祀先大夫兒輩相隨拜跪頗能成禮喜而有
作

華髮支離嘆鮮民
椒觴獨薦每沾巾
松楸又歷三冬雪
俎豆新添一輩人
拜舞宛依嚴父膝
登臨能掖老夫身
明年小塾誰先入
篋裏遺經爲爾陳

蕭瑟生平庾子山
生兒猶未識鄉關
外家近在吳趨里
齊語徐歸莊嶽間
舊繡補衣增旅困
新橙勸酒破衰顏
老妻書札盈三尺
竹馬秋來定北還

元日日食陰雨不見越四日微雪不成夜乃大雨

排悶賦詩

歲云改矣寒方劇
日有食之雲氣微
柳色偏于南國早
雪花長似北人稀
愧無旨酒會鄰里
且擁殘書眠竹扉
堪笑兒曹強解事
闌街簫鼓試春衣

初春寓吳簡姜如農給諫

久向江天理釣綸杖藜相見轉相親如君豈屑吳門卒
許我來爲洛社人鄉曲舊曾陪宴尾煙波今已屬閒身
飽聞鄧尉梅花發蠟屐追隨莫厭頻

剪韭重將竹馬論驚心碩果兩翁存殊方春色催衰鬢
是處人情勝故園澤國同尋麋鹿伴池塘堪痛鵲鴿原
他季兒輩稱膠漆吳下朱陳又一村

松江大水後將返棹姑蘇偕尊客又文登細林山
亂蟬嘒嘒艸萋萋歸權蒼茫問泖西古木看來惟見杪
小舟牽去已無蹤白波萬頃迷秧鼓落日千村哭鷓鴣
別後應須愁米價移家何處武陵溪

錢繼登

壑專堂集客

有女郎在坐

客逢傾釀與傾城艸煖風薰試小鶯靜女不沾脂粉氣
高山盡入管絃聲愁當酒盞先心醉老傍花塲看日成
燭滅畱髡無遽別西林涼月未三更

贈歌者蘇崑生

向在左寧南幕遇之甚優寧南
東下歿于軍後流落吳楚間

鳳凰臺上夕烽團黃鶴樓中落照寒江左君臣同戲劇
晉陽兵甲掃衣冠隋宮詞曲成塵久蔡女琵琶入拍酸
今日旗亭聊貰酒逢人羞說舊伶官

徐竹逸使君過訪山中

誰訪龐公剝啄輕漢南徐庶舊知名厭聞塞土人間事

來聽松濤雨後聲千頃汪波逢此日一拳丘壑見平生
桑麻說罷無他語應恕山翁不世情

吳山懷古

剪風絲雨透重裘極目吳山最上頭天地未分滄海氣
越杭如限大江流荒涼臺社無三戶

吳山之西萬松嶺為宋行宮故址

滅歿秦城只一坵

山之東址望仙橋舊為秦檜賜第當時獻語者有秦城王氣詩

西湖又西去鬱葱松栢岳祠秋

客有諷余出游者謝之
禿鬢紋顏一病翁筇杖來往綠陰中絲絲不斷春殘雨
浩浩無邊海畔風擬戒書滯愁晝永欲環遊轍嘆途窮
惟應斫笋澆花外盤膝繩床睡眼矇

寄贈二火

近日中原旗鼓紛連城價重獨推君去鄉聊作鴟鵬徙
遁世甘同鷗鷺群學脈自承閩浦緒隱操常擬北山文
他時快讀藏書盡不數桓譚服子雲

王廷宰

登黃鶴樓

白雲黃鶴已飄然眼見高樓出楚天秋色武昌楊柳岬
人聲漢口管絃船江山緬邈迷殘照詞賦淒涼弔冷煙
檻下征帆如鳥翼客心先落洞庭邊

中秋抵沅江署中對月

停舟稍覺省風湍好月中庭盡興看闍吏已傳魚鑰上

家人常苦鴈書難
煙林澹澹青燈出
野水茫茫白露寒
半是居民半沙鳥
不知何事也除官

九日雨花臺登高同李存我

輕陰酒幔簇層臺
把菊簪萸我亦來
日氣正含雙闕迴
江聲猶瀉六朝哀
寒蕪戰壘低平楚
古栢荒祠冷劫灰
信是此邦行樂地
管絃人語沸如雷

邢昉

黃州寄杜于皇

葦岸風淒日漸微
長隄繫艇晚依依
十季紅樹辭鄉去
八月黃州見鴈飛
燒罷林廬殘址在
戰餘茅屋幾家歸
翻憐此夕君思我
楊子潮回木葉稀

錢棻

家斐翁六十

筆床角逐昔年豪
今日相看盡二毛
烽火屢驚盤谷穩
行藏祇覺布衣高
新詩脫手堆山翠
鐵笛穿雲湧海濤
屈指宗耆成六逸
扶筇鎮日醉霜螯

江右羅世兄過訪卽別

三徑荒寒鴈到稀
停橈把手欲沾衣
挑燈愁見花頻落
話舊驚看鬢漸非
伏櫪暮年心尚壯
及門經術願空違
知君早向溱陽路
好趁薰風舞綵衣

谿默觀梅次杜于皇韻

竹林晴晝共栖遲
石路長依高下枝
覓句過橋凭畫閣

尋香度嶺傍清池。名花靜倩名流賞。宿鳥聲惟宿客知。盡日流連添晚翠。膽瓶茗椀鎮相隨。

張友鴻祖德堂

燕翼深心未忍忘。河梁飛蓋理清觴。茂先博物圖書府。顛旭高名翰墨場。三徑草香能媚客。九峯雲霽欲登牀。習家景致何奇絕。不數盧鴻舊草堂。

老友錢而敕見枉賦詩次答

西風落日剡溪舟。班艸連床話未休。往事關心雲過眼。蒼顏對面雪盈頭。驚人詩句千江月。出世襟期萬壑秋。一徑苔荒三十載。得君屐齒倍清幽。

杜濬

除夕同忍齋先生賦

幸舍三遷傍赤松。忍齋有赤松齋客心無賴轉從容。一年又逐明晨去。千古回看昨夜同。身老依依煨芋火。吟殘隱隱隔林鐘。先生不守團圞歲。何況棲遲在九峰。

一冬不晴復無雪。黯黯黃雲何日開。客子出門到今夕。英雄失路從古來。江東步兵善部署。竹林小阮還追陪。布被熏香圖穩睡。千家鑼鼓胡為哉。

元旦

大泐浮來楚水萍。今年今日在朱涇。閒眠喜聽兒傳雨。老秃寧論鬢有星。不分椒花沿舊俗。因尋梅蕊遶空亭。一盃細酌非無意。怕對風塵倦眼醒。

甲辰獻歲淹江北底事江南復未歸季子無裘纔免敝
伯通有廡數相依空思報國功橫草何處看山咏采薇
獨自懷淡明發後爲季先子捷秋闈

趙進美

金陵懷古

內橋雙闕翠烟重鐵甕城高夜舉烽朝罷虛陳芳樂宴
粧成已失景陽鐘鼓輦風急離宮雁雨雪山寒寢廟松
零落烏衣王謝盡長干車馬自相逢
水犀壁壘未全荒返照煙生朱雀航虛說連營屯鵲尾
豈知高艦下龍驤胭脂列肆開中苑烽火傳書置御床
舊館夜寒刁斗急天風淅淅落枯桑

王廣心

渡浦

滬瀆東吞碧海潮當季戰伐未全消船開楊僕分吳練
客散田橫斷楚招沙岸至今銜壁壘村煙幾處宿漁樵
我來欲唱滄浪曲莫遣魚龍觸權驕

天馬山觀獵

元戎講武獵場開畫戟朱旗曉色催山勢欲飛天馬動
甲光如練水犀來兔盤赤燒逢鷹掠鵬沒黃雲抱箭哀
較罷健兒還擊劍干將石上畫銜盃

虎丘卽事

蒼然絕壁掛城頭蠟屐登臨榭徑幽片石正逢歌管散

高臺偏喜夕陽留，慙公泉上將軍樹。短簿祠邊相國樓，
一代繁華憑畫檻。肯將遺跡問吳鉤。

玉峯晚泊

布帆無力送歸鴉，捩柁雙橋倚岸花。秋水寺門羅帶遶，
晚山城上玉簪斜。棕櫚隔浦搖晴翠，絡緯捎窓泣露華。
惆悵阿瑛賓客散，鄉關樽酒向誰賒。

冬至

長安客舍傷靈臺，宿霧寒雲節序催。自惜朝衣綠病捲，
誰憐官燭向愁開。東堂宦興銷殘雪，南國鄉心散早梅。
不是陽回倍惆悵，春風曾見十季來。

送施愚山督學山左

雙旌嫋嫋岳雲移，東國文章一代師。列帳曉縣滄海日，
捲簾晴對嶧山碑。千年魯殿親聞瑟，百歲轅公總受詩。
天子好儒開虎觀，施讐論難莫歸遲。

得項兒入都信

雙魚谷口寄平安，萬里關山尺素看。風偃濁河帆百轉，
雲銷晴嶽樹千盤。趨來大陸牛車滿，到日天門雨雪寒。
却念衰親傷南國，征裘蕭瑟淚闌干。

送俞天水年兄任延安

之官上郡亦雄哉，絕塞高城萬里迴。鄜時月明羌笛遠，
宜君水綠石花開。村經銅馬無巢燕，夢到揚州有落梅。
更上蘆關憐愛弟，鴈門秋日斷鴻來。

送向西崑奉使還蜀

廿季不到錦官城
捧詔今看使者行
亂後草堂江燕在
春來劔閣杜鵑鳴
橋邊玉節驚司馬
天外峩眉識向平
尚有焚香諸父老
相持盃酒話銷兵

浦行遇風

春申鑿浦東趨海
寒日孤舟百浪催
豈有潛蛟爭壁起
可堪神女弄珠來
盤灘捲岸雷常鬪
暝樹粘天霧不開
捩柁長季喧入港
江湖爾是濟川才

野泊

潮落蛟門萬壑枯
西風一艇傷菰蒲
吳娃綠勝嬌相問
野老繩橋醉不扶
千頃木棉飛雪盡
幾家土鼓入春孤

可堪路接袁安宅
啼殺三更繞樹烏

送宋荔裳入都

上客征帆昨夜過
江邨風雨別愁多
東山自慰蒼生望
郢市空憐白雪歌
野寺開尊棲鶴雀
空梁撥棹散龜鼉
承明到日應前席
須話桑田總逝波

夏日邀陳昌箕小集依韻奉酬

偶與仙翁草閣期
清樽碧簟晝樓遲
才名不忝三君後
人物能談萬曆時
綺季行藏巖桂老
少陵家國杜鵑知
可堪日暮山陽笛
泪落江城自詠詩

元夕

海國勾芒一日春
笙歌三五接芳辰
明蟾半吐高城柳

細雨先銷綺陌塵
塔院華燈么鳳舞
管門疊鼓螭龍振
河橋此夕紛車馬
士女誰憐白髮新

薊門雜詠

薊門秋色滿蓬萊
象管銀笙次第催
王母玉山乘鳳到
漢皇水殿射蛟來
含香細霧麒麟合
太液晴風菡萏開
今夜六宮明月下
何人團扇獨徘徊

當季椒寢有仙宗
詔啓祇林俯碧峰
漢時已銷天女碣
秦官還識大夫松
朝壇霧接金門樹
午閣雲流玉殿鐘
閒與山僧尋往跡
御書題處綠陰濃

天寧寺訪宿來

碣石秋風散野煙
閒尋鹿苑鳳城邊
人逢陶令歸田日

僧話隋皇造寺年
雷斧碑陰秋半圻
佛衣塔影晝雙懸
攜筇更望西山樹
漢寢秦園但惘然

懷歸

蒼煙白露靄燕關
薄宦經年苦未還
客裏秋蟲王粲宅
夢中春草陸機山
雙鳩倚處萊衣隔
獨鴈過時錦字斑
何似買田臨谷口
海雲親舍一鋤閒

直方夜過憶臥子談詩

偶逢宋玉過西隣
把酒重論故國春
一榻早懸陳仲舉
九歌親授屈靈均
衣冠白社沉秋艸
賓客黃初散洛塵
醉裏寒星空自數
天門騎尾竟何人

春夜書懷

笙歌良夜隔重城，依舊蓬門似水清。
春雪覆堦紅藥短，寒蟾銷霧碧窓明。
佳人挾瑟調金縷，公子燒燈醉玉京。
老大漸忘年少樂，土牛鞭後只歸耕。

丁未

寒食簡嚴補闕顯亭

塞北春光最可憐，東風三月未知還。
崖冰斷壠驚新草，野燒空林廢禁煙。
燕子怕歸寒食候，梨花愁夢曲江邊。
故人漫作蓴鱸約，京邸音書又隔年。

秋夜病起寄洪畏軒光祿

中庭露白井梧殘，向夕懷君遍倚欄。
病起釋愁吟自苦，別來無恙訊俱難。
茆簷月出昏鴉噪，山館燈清旅夢寒。

此地不嫌歸鴈少，愧將衰鬢報任安。

移居東山崗

東岡霽色散微涼，消夏山居薜荔長。
半畝自鋤堪秫酒，一身無地可藜牀。
看鴻盡日凭孤檻，行藥疏泉過女牆。
谷日子真相識，舊白雲來去到滄浪。

施尙白少叅將赴湖西枉訊舊居以屬和舍弟青桂篇見寄遙酬此作

蘆中人去十季餘，寂寞誰過問謫居。
公叔詞交雙涕淚，子卿無恙數行書。
仙人桂樹秋能賦，小弟池塘夢久虛。
但到洪州莫西望，吸江樓外暮雲疎。

見燕

杏葉新陰拂女牆。風吹小燕過池塘。相期定似逢寒食。
乍見爭如說故鄉。弄影不教沾柳絮。銜泥何惜點琴囊。
雙栖竝翅真憐汝。愁殺盧家春晝長。

送鴈

頻年送汝長爲客。底事分飛不憚勞。秋去更嫌春塞苦。
南來只傍北風高。秦關月冷迷砧杵。湘水雲深惜羽毛。
莫把羈蒐付瑤瑟。鄉園木落總蕭騷。

早發河山驛

青林朝度雨濛濛。古驛荒榛一徑通。樹密人行淡霧裏。
山昏馬卧亂沙中。王尼車上家仍在。阮藉愁來路豈窮。
髀肉盡消黃鵠逝。不堪鄉國任颺蓬。

沈荃

望焦山作

江流東下入滄溟。孤島巖嵒聳翠屏。貝闕虛無浮蜃氣。
僊臺寂寞闕丹經。扶桑日起晴相抱。大壑龍吟晚自聽。
我欲揚橈風色阻。碧天寥廓倚空青。

寄懷陳頡仙憲副湖北

念爾中邦建節旄。旌旗重拂楚雲高。頻煩羽檄仍揮翰。
日上戈船且佩刀。丹井春深消沆瀣。洞庭月白醉蒲萄。
祇憐畱滯周南客。短髮星星過二毛。

馮介臣客武陵酬寄

八月瀟湘木葉催。天風吹下尺書來。多君獨縱珊瑚管。

贈我真邀鸚鵡盃時有名
巵見寄橘浦霜黃千樹老龍巖雲擁
一門開桃源若在應須問折得花枝手自栽

送祁文台方伯之粵藩

重臣分陝五羊城玉節戈船壯此行荔永珠明迴夜斗
錦江花發動春旌銅標自著文淵績新語初傳陸賈名
遙憶羅浮天半雪寒帷日日聽啼鶯

寄懷君化宗叔時季七十

谿上老人五柳門廿年高臥對朝暎義熙日月閒中紀
商洛衣冠亂後尊秋老漁簑吹鐵笛春回江岫擷芳蓀
何時再訪東軒下濁酒黃花細討論

送杜蒼舒歸三原

露井高梧一葉飛杜陵才子賦將歸河梁夜雨纔隨馬
關路秋風早拂衣樊水月寒菰米熟輞川霜老鱖魚肥
公超閭巷原成市只恐金門未忍違
射策猶憐並馬時論心却後十季期一麾我愧投冠晚
三禮君仍獻賦遲野戍秋新吹簫築孤城日落倒鸕鷀
不堪瓠子魚龍夜短燭淡更別項斯

寄答蜀藩楊猶龍先生次原韻

劍門雪嶺望嵯峩天末懷人一放歌京國追歡徒望切
周南畱滯奈愁何西風野戍砧聲急明月清江鴈影多
隔歲音書真間濶幾時樽酒重相過

清河道中卽事

炎風路阻清河曲逆浪檣移古岍邊千里艸青沙浩莽
一天雲白鳥聯翩羈心鄉土晴煙外客夢關山落日
春半出門秋又近尺書珍重故人傳時伊人攜家信至

禹城道中見蝗

祝阿南去路如何大國遺風攬轡過旱潦幾季悲轉徙
蝻蝗此日困催科林間亂水歸河駛天外遙峰傍岱多
爲奉簡書行邁急遲徊忍聽二東歌

飲同季李曉生少叅署

古栢修篁蔭晚軒征夫况瘁此停轅喜逢地主真同調
誰道天涯異故園靜按紅牙頻換燭狂呼白墮更開樽
清秋月色渾如畫歸騎無愁草露繁

顧大申

九日渡京江錢明府移席追送

木蘭爲柁桂爲舟吹簫伐鼓放中流筵前送客重陽酒
江上登高萬歲樓山入秣陵晴渺渺潮平瓜步晚悠悠
豈能對景無杯酌故使黃花笑白頭

早春泛淞江

不到江鄉二十年澹雲遲日泛吳天平疇芳草搖晴綠
遠岸垂楊弄曉煙春鳥自啼修竹外人家如見亂離前
青帆桂楫今吾事老去綸竿把釣便

武英殿引見

建章宮榜弄春陽清旭輝輝碧瓦芴仙掌金盤浮湛露

昭華玉瑄奏芝房分班鴛鴦聽魚鑰當殿夔龍數鴈行
素食遲回頭暗白十季東省愧含香

趙堡口見阮亭壁上詩

平明渡口策征騾四月輕寒正早蠶廢縣城荒波渺渺
晴沙風細柳蕤蕤鶯花刺眼春無賴出處縈心老更慙
我正思鄉歸未得那堪聽唱憶江南

彭城懷古

孤城削立枕河流日夕風濤遶戍樓日送千山迴客騎
天開一面出徐州霸圖自昔襟吳越水國何人辨馬牛
舞榭劔臺俱寂寞登臨無地可埋憂

浦口渡江

澄江浩渺綠無波渡口新妝照綺羅兩岸揚舫風乍正
萬山浮翠雨初過潮平戰艦明蒼兕草長龍洲臥橐駝
桂權權歌渾不改芙蓉欲采奈愁何

渡江駐長干寺周櫟園前輩招飲秦淮水榭坐中

袁籜菴太守歌者丁繼子皆七八十歲老人昔
所同游也

龍江煙雨動蘭橈執友馳書枉見招水榭陰連桃葉渡
歌喉低轉鳳皇簫到來親故清尊好垂老賓朋綠鬢凋
十六季前宦遊地世情回首愧鷓鴣

櫟園時以少司農左遷憲副

至虔州

知是虔州好風景白波空翠寫衣裳千山亭障蠻荒路

萬里梯航賈客裝
梅嶺開花通桂嶺
貢江流水入章江
城陰鼓角淹清晝
一樹高栴六月涼

南州獲晤周伯衡大叅枉辱贈詩率爾賦答

一自星霜辭魏闕
幾季流滯在彭湖
爭傳宦拙貧偏得
細讀新詩體更無
海內弟兄思諫草
天南涕泪出窮途
鬢毛漸改知交少
相對陶然二老夫

大孤山

彭蠡芳湖繞翠微
大孤壁立到應稀
湖光渺渺疑平岸
山氣蒼蒼欲拂衣
遠浦風帆溢口樹
荒村落日女兒磯
迴看五老青天外
惟有白雲頭上飛

周迪吉

金陵憶舊二首

南枝花發古梁園
邸第朱旂繞禁門
萬里江濤迎帝子
百季陵樹識王孫
鏡歌鵲渚星辰動
羽獵龍潭風雨渾
獨有淮揚一片月
橫吹短笛是劉琨

鍾陵王氣鬱嵯峨
舊內重經翠輦過
南院才人迴玉勒
西園狎客醉銀珂
潮移京口邊關近
雲繞華林第宅多
報道甘泉烽火急
吹笳浴馬渡黃河

九日龔芝麓先生招集慈仁寺

清秋忽聽上方鐘
木落天高思倍濃
圍寢雲淡傷檜枯
鄉關夢斷憶芙蓉
猶從貧賤知袁虎
已分詩書付祖龍
瘦馬軟塵行處好
朗吟同對寺門松

退直登臨敞翠微，霜林紅葉淨寒暉。好逢節物無風雨，
莫問朝家有是非。上客詩成花影亂，天涯酒熟蟹螯肥。
六街街鼓催人急，醉插茱萸信馬歸。

涿州道中

驅車沙磧凍雲中，已分征衫付轉蓬。雙眼乾坤誰我輩，
十年風雪竟衰翁。桑乾水改人今古，督亢圖成史異同。
此去梁園初授簡，陽春屬和更雄風。

閏端午集張奉常宅

燕山已過落梅黃，又汎蒲樽北海堂。續命何妨添綵縷，
辟邪還擬換蘭湯。榴花疊結朱房小，菰葉重牽碧帶長。
最是沅湘哀怨處，不堪更說是端陽。

傅爲霖

酬黃俞部

殊方相對喜開顏，坐論能教鄙吝刪。亂後文章驚白髮，
客中風雨負青山。雄才君且頻揮塵，失意吾思欲掩關。
最美秋高雙鬪健，冥冥雲路許誰攀。

集諸軋一玉山草堂得林字

才名世共歎嵒，嶽身占諸峯。家細林花徑，杯添金谷滿。
草堂人對玉，山澗蓴鱸獨。許分清話丘，壑相將足素心。
贏得南陽且高臥，興來梁父易成吟。

徙倚

徙倚茸城感慨多，西風落日照金戈。酖人不信羊開府，

顧盼堪憐馬伏波忽聽三秋新鼓角空餘百戰舊關河
中原聞道銷兵早江左軍容近若何

賦得滿城風雨近重陽

薄宦天涯歲月長滿城風雨近重陽
儒冠誤矣非今日蓬鬢悲哉是異鄉
白眼逢人原寡合黃金結客盡何妨
滄江日暮頻搔首欲採芙蓉幾斷腸

酬趙雙白

僕馬南歸還北去艱難話盡故人情
山川兩度原無恙風雨連床尚有聲
往事關心驚未定新詩作客喜初成
季來峯泖供幽興屋角蓴絲近苧城

贈黃鶴洲守敘州以金華司馬陞轉

三年臥理東陽地滿郡荆榛賴有公
我已飄搖思叔度人今饑溺待文翁
芙蓉樓月孤琴外鸚鵡洲雲一櫂中
何處鄉關漫回首巴山亦有荔枝紅

書懷

輕衫短鬢怯春寒閱世應歌行路難
四海烽煙悲杜宇五更風雨夢邯鄲
聊將往事看雙劍却笑微名誤一官
門雀不須傷寂寞祇今吾道好加餐

贈江念鞠守九江以蘇州司馬陞轉

佐理名邦藉德鄰况多連榻論交真
九江花柳遷鶯信七澤風流夢筆人
陶侃欲來鼙鼓息賀循將去野棠新
相思不獨蘇臺月芳艸天涯更愴神

訪吳梅村先生賦贈

向來閩嶠挹宗風此日吳門識鉅公
百畝花閒秋色裏十年官冷鶴聲中
士龍入洛名偏重司馬游梁賦愈工
祗恐蒼生猶在望未容高枕戀江東

重到金陵感懷

白門煙樹夢中生馬首無端復此行
王氣已知銷六代宮花空自鎖諸瑩
大江魚鳥忘今昔荒壘東南閱戰爭
欲向烏衣問王謝春風吹暗石頭城

黃虞稷 字俞邵晉江人

次林茂之先生八十自紀韻

八十才名邁九州七朝遺老自今留
聽談舊事開元歲

蚤識先人萬曆秋藜杖尋詩荒徑外
松風坐客小樓頭乳山咫尺能招隱
我欲從公一遡遊

讀李舒章遺詩

嘆息才名四海知那教臨老嫁燕支
烏頭不白生還後墓草猶青歿去時
凝碧烟淡空悵望河梁日落更愁思
飛揚信爾平生志不願詩名異代垂

趙賓

夫梁

金鋪何處問朱門草長王宮野霧屯
酸棗秋高紅斷壘晴沙風起暗平原
千尋自湧空中塔萬里誰招水上覓
良嶽可憐歌舞地青青螢火照黃昏

言苑 卷之一 三十一
腥雲宿莽匝城牆鬼火宵明古戰場邸第樓臺纏野蔓
中原簫鼓斷斜陽玉魚畫出麒麟塚紫燕春迷玳瑁堂
漫遣東風吹御柳隋隄梁苑總荒涼

張士楷

字端卿號小越漳浦人

宋事

福安城闕事倉皇閩海波濤失二王秋水雁群飛月冷
故宮梧葉下霜黃乾坤一日猶南北金鼓雙厓且廟堂
况有慈元班竹淚南溟風雨接瀟湘
景炎少帝衣冠地尙在碭州永福陵移鷁一時凌浩渺
黃龍何意紀祥興詔書且阻文開府臺諫猶彈陸左丞
獨有占城亡相國艱危頻動羽書徵

楊才瑰

巳亥季春廿八日

上御瀛臺再覆試江南丁酉科士

命大臣王熙引見

首題瀛臺賦

諭光祿

賜茶賜飯賜燭詩紀其

盛

鷄人籌唱露華妍閨闔弘開拜舞先左掖松青珂色映
西園槐綠水光連虹橋瑤沼環三殿鸞蹕仙雲馭九天
蹶踏尙書躡履處貂裘得到玉墀邊

花濃上苑曉芬芳雲裏鐘聲度未央仙掌日臨鴛鴦肅
龍池風暖芰荷香三千玉帛開蓬島十二樓臺拱建章
漢室雄文難得似微臣今又賦長楊

西山佳麗儼蓬萊御柳烟光水殿開宮扇雲移鳩鵲觀
 金爐香裊鳳凰臺瀛洲花燦青陽駐太液霞飛紫氣來
 賦就甘泉頒饌玉承恩媿乏子雲才
 菁蔥樹色隱昭陽茵蔯風生別苑香太極圖涵天地秘
 允孚齋納斗星光三場首題擬御製太極圖序次題
孚齋說齋為上宮中讀書之所
 金華蓮燭傳中使冰瀝山珍賜上方才遜子虛知諫獵
 賡歌先獻萬年章

闡畢奉母命歸途中聞捷音偶成

扶杖呼兒日倚闔金門安敢曳長裾公侯蔡澤原天命
 心指曾參實性初聖德無疆弘雨露是科詔賜四百名進士野
 人有母樂耕耨力田侍膳多餘暇化沐唐虞好著書

讀古蓬茅母卽師

余四子書毛詩周易俱授自母

鴻儒出處訓予思聲

虛一聘羞殷浩窮上三書恥退之秋水重披蘭蕙春心

不夢鳳凰池白雲引去桃花馬奚待如飛杏放時

驅車暮度萬峯西疊疊山高月影低野鶴依雲狎漢遠
 歸鴉擇樹繞林啼琴書蕭瑟辭燕薊星斗高寒入魯齊
 遙望鄉關江鴈杳馬嘶人語總淒淒

上苑風和拂柳斜束裝人忽半程遐車輪推轉關山月
 馬足驚飛澗水霞白首孤燈惟念子青衫故物只知家
 斑斕差勝宮袍舞一任長安爛縵花

兩月思親勝十秋野心不受看花畱昔人捧檄曾為喜
 此日題名半是愁榜第齊賢虛鳳詔雲輝韓魏負龍樓

春衣未試歸來早千里川原一敝裘

作賦裁詩覲 帝光布衣曾襲御爐香

余兩次御試
欽取第五名深

恩未報新恩渥近日還歸愛日堂應媿浮名鐫鴈塔何

言題枉做仙郎微臣不上陳情表魏闕賡颺候正長

廿年鄴下總虛聲繡虎雕龍浪得名螭陛未傳雲五色

鶴亭仍讀月三更萱香菽水貧中樂桺汁衣裳性外榮

遙拜金門歸故里小臣恩渥勝懷羹

松例給俸以錢壬子除夕對錢有感拈錢字

青衫曾惹御爐烟春雨瀛臺

曩蒙 御試有
春雨詩瀛臺賦

鳳闕前對

策職應支五斗陳情願改做三鱸治安草石皆調燮

喜
手

品第詩文亦選銓自笑寒羶殊不小領來官俸幾

千錢

紙牕竹屋已蕭然微雨淒風歲暮天刀貝養廉誠纍纍

丘園束帛愈寥寥何堂昔慨樵薪士鍾粟曾悲負米賢

罔極心傷余更慟一文不及拜君錢

耻做侏儒飽獨全 皇恩涓滴敢余偏分言羣隸毋沾

酒持論諸兒蚤着鞭嘯竹唵梅當管笛烹葵剝棗代肥

鮮雲間亦有貧於我躋我公堂共此錢

癸丑孟春月課諸生歸接家漢臣兄書

時有分俸
曾貧示

央熟麥新秧俱付河伯淮民
飢甚愴然淚下仍拈錢字

云客歲清
水潭口又

淮南淮北久淒然浩浩湖波又接天

瓠子歌殘沈壁馬

裊斜鑿盡悵谿淵田禾種後歸新浪戶口招來復遠遷

要害兩河堪痛哭 朝廷百萬費金錢
尊鱸江上繫高賢 我厭尊鱸歸興偏
淮水已無漂母飯 泖湖何產杜康泉
官山煮海難陳策 飲雪衣霞祇學僊
安得文章生羽翼 漫天化作解囊錢

曹叔方毛翼公趙雙白張洮侯同集余齋限紅字

不必春郊繫錦驄 小牕邀坐萬山叢
有手植 盆景 蒼茫詩富

輞川畫瀟散人高 洛社風淮海蟹螯盤
苜蓿余峯蘭笋 酒新豐慚余醉客無
多釀空對桃花人面紅

湖光案景說相通 峯是飛來案亦同
泛棹人疑白石外 賣花聲想翠堤中
慚無珍錯畱嘉客 侍有林泉供醉翁
坐坐勿言歸去晚 一天明月代燈紅

毛士鸞

與楊元次甥訂玉泉諸勝之遊

商量蠟屐覓雲巔 好趁垂楊二月天
新譜細評鴻漸茗 舊槭多貯薛濤箋
聯翩白恰探金谷 次第青溪達玉泉
但使山靈休厭客 春來未少杖頭錢

靈峰寺與義空上人

十載兵戈殫此身 靈峯寺裏話前因
因斷松煙鎖會畱 偈荒徑雲連尚隔津
兩世交遊存我道 數行血淚灑先人

先君與義空友善 山花蘿月須相過 杖策譚經莫厭頻

蔣眉岫偕余觴張洮侯研銘聞九朱再荀董蒼水
馮寶初於趙二火尊廬喜晤同鄉曹叔方年伯

卽席分得先字

禮法疎慵媿四筵多情猶見主人賢
盃浮綠蟻遲寒月花媚紅兒入素絃
錐志未酬毛遂末鞭功敢望祖生先
三千里外多同調話到鄉心倍可憐

寄遍雲上人

閉門枯坐學安禪每憶堆藍思悄然
鶴性從來難自制猿心今始借師傳
源間活水三千丈夢裏名山二十季
我亦徧徵徵不得踉蹌哭向夜燈前

呈郡伯李雨商老師

玉山高映漢江清皓月臨空影自橫
人向黃堂歌北斗我從絳帳拜先生
登龍門下爭言李倚馬階前爲識荆

贏得途謠通

帝座金甌况是舊知名

莫大勲

字魯巖宜興人

湖心亭

高閣中流四眺明六橋新柳轉新鶯
行從冰鑑堪依棹坐向玻璃好濯纓
雪意似先梅上白月光偏傍鏡中清
舟停不願頻移棹恐擾涵虛澤一泓

北高峯

北峯高出衆山頭海日江雲縱眼收
寶壙擬同銀漢接青嵐時與白雲浮
仙人吹笛乘黃鶴學士題詩跨玉虬
鐘磬一聲清曉發上方下界共悠悠

三生石

逸士高僧道契真三生重見再來人煙霞不記當時面
金石猶尋異日身共向馬頭還夙業疇從牛角悟前因
遺將存性勤修語留作千年妙法輪

贈陳其年遷居

幾載遨遊仗劍回高蹤暫爾寄城隈書披百尺樓前月
賦就三都洛下材試聽喬柯鶯語亂還看新壘燕飛來
幽棲不減楊雄宅竹戶時因問字開

和吳星若見贈原韻并訊同年何敬庵

多君訪我鶴湖傍暑冷情溫酒數觴展齒蒼蒼春雨潤
盤餐小碗野蔬香攜來佳句囊應滿醉後高譚談自忘
此去若逢何仲子為言勞吏苦時荒

村居寄答唐翰宜見懷之作

一從梅綻刺歸航知爾新樓就辟疆地僻尚違黃叔度
詩來猶憶孟襄陽晴蜺飲練遙開雨遠水含秋早受霜
吾亦夢前寒鼓動夜深戍火是何鄉

寒夜集友人齋因覽亡兒遺稿和雪筏韻

情聯骨肉及良朋此事今宵竟不能千古解懷惟有酒
高人清話每兼僧枯藤半壁家家杵獨雁前村樹樹冰
慙媿苦吟非李賀銷魂終痛讀書燈

鄭重

再登鐵獅峯遇雨限韻

忽降滂沱漲百川登臨兩度雨為緣風生巖壑迎新瀑

雲護松篁起暮烟峻嶺光浮花氣合空山霽後鳥聲傳
擬將扶杖窮諸勝高思閒情寄遠天

立秋日別鄧子方

風前深柳聽蟬鳴獨倚冰壺送客行
結綬新知畱密語歌驪此日媿高情
滿天月好人方去一葉秋飛感自生
抱得棊來難化俗爲君却譜別離聲

和王北山給諫寄贈

日度花磚步玉堂文芒萬丈映奎光
掄才峻潔追班馬讜論憂危陋孔桑
虎阜峰迴驚月落湖亭鶯語向雲翔
三槐舊烈新霖雨猶冀江城種召棠

贈家姪肇修

沙堤風雨柳瀟瀟仙客乘槎萬里遙
自是履聲傳御苑應移蓮炬照星軺
鳳池染翰千波湧鰲禁濡毫五嶽搖
翹首長安清夢遠不知何日近瓊瑤

舟次維揚別張任公李新藥

扁舟促膝渡長河話別維揚獨寤歌
君去越吳離北遠我遊淮泗隔南多
千山落木悲秋至萬里征鴻送客過
分榻不忘風雨夜天涯回首意如何

贈識如弟初度

一官霜雪類蓬麻弱弟寒燈話冷衙
俸儉公餘時種秫被長江永每看花
松風入夢雲生閣雁影排空月滿槎
願進霞觴應共醉鄉思漫爾賦天涯

贈別魏卜臣兼懷魏廓園先生

當季抗節九州聞大雅風流又屬君
已信批鱗曾貫日行看奮翮欲凌雲
金門獻賦才名重燕市論交聲氣分
幾度鴛湖思仰止那堪把袂復離羣

澄雪上人昭雪誌喜

幽人寄興水雲鄉物外忘機自徜徉
却羨楚鷗能放逸詎知驕隼妬疎狂
織羅欲斷三季雨平反今消六月霜
從此入山修淨土蒲團坐破善行藏

感懷

笠仕山來凜素絲臣心似水映江湄
聖明有意求良友迂拙無能答
主知幾見懸魚稱耿介謾言馴雉真

英奇憐予早放歸田去鋤月畊雲性所宜

閏七夕步韻

雙星遙隔在西東何幸今年兩度逢
自訝佳期難再得却憐孤怨倩誰通
蛩聲愁入淒風裏鵲影輕搖澹月中
脉脉忽驚秋色曉聊將心事寄疎鐘

前宵別盼轉秋波此夕雙星又渡河
自是人間歡會少翻疑天上隔離多
芙蓉帳冷欣重聚鵲橋成喜再過
兩度綢繆猶恨促那堪月落迅如梭

汪森

同徐耀庵泊舟白蓮寺訪成中開士因晤皖山上人

結侶扁舟問薜蘿松門唯見舊烟波
鴛湖雨歇漁歌起
鹿苑花殘雁影過
媿我勝遊非謝眺
憐君多病似維摩
欣逢更有湯休在
日暮其如欲別何

中秋欲赴虎丘之約不果述懷

最憐今夕是中秋
幾處笙歌遍虎丘
本擬同心聯畫舫
那堪異地獨高樓
雁飛荻岸人初靜
月滿梧溪水自流
遙憶白隄深夜坐
嗚蛩落葉總關愁

尊閣詩藏選目

漳浦趙 炎二火輯

嘉善錢 茶仲芳 江都席居中允叔

華亭王廣心伊人 龍溪高維檜西懷 定

申涵光 汪 琬

程可則 王士祿

王士禛 吳懋謙

錢德震 董 合

張淵懿 董 俞

錢繼章 沈 淀

錢 穀 丁棠發

成光

王睿

孫纘祖

張彥之

黎允中

谷文光

蔣延齡

沈浩然

劉佑

曹垂瓌

馮樾

徐軋學

柯聿

高暉

董閻

吳聰

吳元龍

鄺蜚煌

尊閣詩藏選目

尊閣詩藏

漳浦趙

炎二火輯

嘉善錢

棻仲芳

江都席居中允叔

華亭王廣心伊人

龍溪高維檜西懷

定

申涵光

無才

窗下平田細路分樵歌幾處遠猶聞濤聲夜落漳南樹
山色晴分冀北雲曲岍人家依紫蓼衡門客到煮青芹
無才合就窮途老車馬休驚白鷺羣

九日遲客不至

今年九日寒太早菊花未放風淒淒野檻無人草半死

沙村多雨蟲亂啼已命山妻開臘酒頻看稚子摘霜梨
好客不來秋易過况聞西南多鼓鼙

山中回寄吳下故人

西來雲木隱秋山草屨孤筇信往還半畝家畱烟水外
十年身老亂離間燈前濁酒酬黃菊江上殘荷待白鵬
橘柚滿園烽火絕幾時雙槩問吳關

甲 妹家久寓太湖歸寧四載復南旋予病送至清源

命弟護往作詩寄妹婿路三吾徵并乃兄蘇生
長河風浪擁秋暉送汝扁舟掩淚歸弟妹一時俱海畔
煙霜千里隔庭幃病當離別擊盃懶老戀家園作客稀
爲報太湖雙隱士白雲常護故山薇

汪琬

送蔣給事之任九江

暫辭封事賦南征騎吹喧闐按部行峰壘似屏圍楚塞
水流如帶遶湓城渚邊蘭杜紫離恨江上琵琶感宦情
最是庾樓宜夜月且停清嘯一論兵

送魏推官之任成都

楚城楊柳爲君攀西去高軒指散關望帝愁覓春樹外
臥龍故壘夕陽間天懸鳥道連三峽地入蠶叢控百蠻
明到不妨頻弔古訟庭草長簿書閒

劍南名勝接巴東捧檄初逢道路通玉壘雲開千嶂曉
錦江花落一川紅
棘僮竿馬來荒徼蒟醬椰漿自土風

言苑 卷之二 二
公暇爲詢諸子弟幾人詞賦敵揚雄

贈程五舍人

三年旅食厭風霜初掌絲綸直建章
過嶺梅花鄉夢遠翻堦芍藥晝陰長
承恩祇在金螭側賜對頻依玉几傍
故舊彈冠誰最切欲脩書札報維揚

落句指王揚州

宮鶯高轉萬年枝才子爲郎退食遲
垂袖內家催應制珥貂中監乞題詩
月明寓直趨鸞掖日晚濡毫對鳳池
同作金門供奉客馮唐獨愧鬢如絲

寄許甫草

秋風颯颯鴈頻驚何事飄零任子城
魯酒只如交態薄濟河堪比客裝清
每因見月思鄉國猶爲停雲念友生

一幅蒲帆好歸去蒹葭楓葉足關情

雲間登生生閣

江邊高閣倚層空景物淒涼一望同
客路自臨秋水外鴈聲長在夕陽中
五茸衰草蒼蒼積三泖寒煙宛宛通
回首祠堂還二僑故碑零落起西風

送王十一之任揚州

淮海蒼茫路萬重行旌遙候禁城鐘
荒堤柳色春前放袁閣梅花雪後逢
入洛故人空悵望過江才子幾從容
舊遊好憶長安月會對慈仁寺裡松

湖上感懷

雨霽湖流漲綠堤停舟一望倍含淒
鴈聲鷺影依依遠

蘋葉菱花處處齊野寺半臨荒嶼北亂山多在廢臺西
可堪白紵遺音散唯聽漁歌繞故溪

送陳給事之任福建

掖垣風采 至尊聞詔領雄藩到海濱藤島竹鷄啼暮
雨蕉花橘實暎斜曛羽書競逐征南府芻粟遙供下瀨
軍但使閩江無戰伐漢廷先論轉輸勳

程可則

重遊五羊觀和曹秋岳先生韻

城隅勝蹟自幽偏幕府規模異管季觀為藩府重修見築畫欄
將闕迴看栽奇樹與雲連觀新栽龍鬚樹益遠海移種云煙生故國遊
仙夢鐘斷高樓落鴈天惆悵故人三徑在野花猶發石

壇邊

長安春望

東風何事等徘徊望遠當春思可哀倚樹每愁花落盡
登樓不見鴈飛來鏡中鬢逐燕塵變夢裏舟從粵客回
昨夜青郊有離別教人無那獨銜盃

虔州

章江迴合女牆低不見行人但鳥啼往日聊城誰射矢
至今函谷未封泥風吹舊巷惟沙礫日落前營尚鼓鼙
欲上鬱孤臺上望亂雲殘雨草萋萋

送魏子存之任成都

誰說蠶叢不易行春風三月馬蹄輕銅梁舊枕秦山險

玉壘新連楚塞平
芳艸綠齊過漢口
杜鵑紅盡到綿城
知君篋底多詞賦
諭蜀文應似長卿

送曹顧菴歸武塘

秋風吹斷鬢毛稀
兄弟天涯酒屢揮
何事忽隨南雁去
知君不爲鱖魚肥
迷陽道路無安轍
回首煙波甘息機
我亦江皋顛顛者
每逢落木苦思歸

居然天外作閑身
大笑東華十丈塵
既有門生能抗疏

謂廬陵學士

不妨夫子獨垂綸
伯牙臺上誰千古
范蠡湖中又一人
祇是故交憐話別
菊花時節淚沾巾

王士禛

賦得丹鳳城

丹鳳城南秋夜長
關河寒近落微霜
那須錦字論長恨
自有清砧使斷腸
破衲沙頭鴻欲去
拂雲堆上草初黃
傷心不及邊城月
猶照盧家瑋瑁梁

秋柳

千條萬縷最堪憐
夜帶栖烏曉帶烟
天畔星光仍黯黯
風前笛思轉綿綿
折來玉手曾三月
種向金城更幾年
是處經秋總惆悵
傷心不獨渭橋邊

送魏推官之任成都

碧雞祠畔草痕生
白鹿山邊按部行
織罽夔人傳好句
當壚少婦避行旌
新開印笮通蠻徼
舊種芙蓉號錦城
此地宦遊良不惡
况逢沔漢已銷兵

遙題宮紫玄春雨草堂次韻

雨霽青山映草堂春波分綠上垂楊聽鶯選樹那愁寂
菰菊開畦太劇忙花嶼夜漁迢遠響木蘭晨露墜初芳
若為點筆幽吟處苔長松陰白石牆

懷程周量舍人使濟南

薊門分手異郊垆關路風烟各杳冥董相宅邊荒草合
周量東行所經韓侯戰處亂山青余西來所歷仙人待爾華不平注

名士逢誰歷下亭惆悵明湖好風景菱歌蟬韻不同聽
風阻同無言偉男孝愉上人復上焦山絕頂坐量

周上人山閣次韻

為愛山幽興屢乘不辭捫壁與攀藤何季布衲全遺世

此日芒屨信得朋雲鷓自盤巖際樹天風畱坐閣邊燈
斜陽欲下臨窗望嵐影江光見幾層

北埜邀遊石壁山寺

亂山層裏象王家乘興幽尋路未賒叠磴窅疑連洞壑
遠峰蒼不借烟霞靈禽聽法聞成果寺傳鳩鵲二僧事云曇鸞之弟子也
靜女題碑似散花寺有房隣妻高氏書鐵彌勒頌碑斜日橫襟最高頂
并汾秋色浩無涯

王士禎

秋柳

東風作絮糝春衣嘆息人間萬事非扶荔宮中花事盡
靈和殿裏昔人稀相逢南鴈皆愁侶好語西烏莫夜飛

欲繼風流問枚叔梁園回首寸心違
秋來何處最銷魂殘照西風白下門他日差池春燕影
祇今憔悴晚烟痕愁生陌上黃驄曲夢遠江南烏夜村
莫聽臨風三弄笛玉關哀怨總難論

淮安新城有感

澤國陰多暑氣微一城煙靄晝霏霏春風遠听江籬長
暮雨空堤燕子飛四鎮蟲沙成底事五王龍種竟無歸
行人淚墮官橋柳披拂長條已十圍

迷樓懷古

鳧舫鷄臺蔓草荒偶尋故蹟一霓裳綺羅何處空隋苑
風景依然在蜀岡桃葉陳兵猶且暮楊花聽曲益淒涼

景陽宮畔臙脂井江北江南總斷腸

文選樓懷古

何處登臨起暮愁蕭梁人代幾悠悠心悲寶誌詩中語
淚灑維摩江上樓玄圃風流人已盡蕪城日落草先秋
銷沉故蹟遺書在佛火寒鐘對暝流

落葉

回首東風宛洛津柳枝蕙草各矜春淒迷遠浦猶流水
蕭瑟微寒漸中人司馬江潭應憶舊仲文庭樹欲沾巾
蒼然日暮重關閉弔古何堪更入秦

秋日漫興

露下秋高蕙草摧楚人搖落感恢台猿啼白帝江聲合

鴈入蒼梧木葉哀海氣不分韓信壩邊風如近李陵臺
清商慷慨燕歌發潦倒吾廬且盡盃

長安西接鳳翔東漢闕唐陵感慨同驪嶺但餘官瓦綠
曲江虛見野棠紅三秋渭水寒雲裏萬里嶠函落照中
束馬投戈諸將在不知天險爲誰雄

江南郡縣金陵麗虎踞龍盤舊帝鄉四鎮軍容同蔡博
一時高臥失荆楊功臣廟在丹青老太子湖空蔓草荒
南渡當季餘將相鐘陵松柏自蒼茫

秋來日日報烽烟楚塞風高羽檄傳飛曠衆軍全出甲
熊湘千里盡開邊中原身鼠多空壘江介鷓鴣少鬪船
壯士恐憂輸輓竭大農蚤計水衡錢

吳懋謙

立夏日同宋荔裳觀察周釜山董閩石蒼水沈雪
峯朱雪田飲王農山侍御草堂得無字

十載歸田一事無草堂折簡共葺鱸門前爭避監司馬
花裏猶穿御史烏綠酒池臺忘歲序白頭賓客半江湖
接離醉倒吟方劇相送扁舟月色孤

冬日武林漫興

片帆遙指越城開極目微陽草樹迴孤館寒花人醉後
一江明月鴈初來西湖歌舞空遺榭南渡君臣有廢臺
歲晏飄零心獨苦野烏啼罷角聲哀

送宋荔裳入都

欲賦驪歌谷水濱，十年江海逐飄塵。
梁園授簡原詞客，漢殿彈冠舊侍臣。
別後夢魂吳岫月，燈前風雨薊門人。
葛衣頻灑臨歧淚，相送河梁意轉親。

一時才望總雲霄，六月揚舲客思遙。
碧草炎天憐去路，黃河落日上征橈。
彤墀紫綬推元老，綺陌鳴珂待早朝。
此去定應前席問，可能書札慰漁樵。

送別閩中陳昌箕

離亭樽酒勸加餐，送爾閩江道路難。
抱膝每譚天寶事，揮毫時戴鹿皮冠。
向人白髮千絲短，作客青山一騎寒。
老去鄭虔工嘯咏，平生落拓但漁竿。

贈婁東許九日

相逢莫自嘆飄蓬，老去文章興不窮。
六月炎消風雨後，一亭花落酒盃中。
談詩鼓角江雲白，落日城頭海樹紅。
許椽久推名下士，飛揚今日爲誰雄。

石城送別錢扶升

白楊花落策孤筇，別後山川何處逢。
短燭夜歌桃葉渡，一城客散景陽鐘。
遊梁賦就空司馬，入洛才多豈士龍。
底事壯心蕭瑟甚，酒酣隨權出芙蓉。

金陵賦贈姚非菴

御柳絲絲覆落霞，秦淮歌舞舊繁華。
蔣山玉殿迷荒草，吳苑金莖噪晚鴉。
青眼漫逢青鬢客，白頭畏見白門花。
多君詞賦遊京洛，弔古驅車輦路斜。

贈宋旣庭

松窓竹塢話無窮
畫角荒城返照空
垂老弟兄零落後
傷心鷓鴣夕陽中
十季舊事晴雲綠
一夜高歌蠟炬紅
搔首壯懷銷不盡
曉鐘殘夢落江東

與方敦四

扁舟乘興到吳關
翠竹蒼林信在還
岼憤羽觴申浦月
解衣鶯筍陸機山
燈前顛曲三江外
花底論交一醉間
王粲客遊名轉盛
風流誰許得追攀

春日題藻野閣四首

春堤新柳覆長渠
燈火樓臺百戰餘
避地十季猶漢臘
灌園今日尚農書
徵君松菊畱殘榭
宗伯文章滿故廬

俯仰昔賢誰繼跡
畫簾修竹對清虛

空林細草雨茫茫
南浦東風鷓鴣數行
老矣最憐花到眼
春來贏得月當床
高樓獨許袁安臥
濁酒偏容阮籍狂
不道登臨梅信早
板橋曲水似柴桑

獨菴高隱此菟裘
何意傷心在石頭
賣餅國亡山北向
種瓜人去月東流
窓中雙塔懸清漢
檻外層城繞畫樓
我已卜居君舊業
藥欄花嶼總堪愁

靡蕪青欲滿天涯
風急城頭響暮笳
四海交遊名士籍
百年蝦菜野人家
竭來綠酒盃中月
夢入青山雨後花
可似蓬臺吹鐵篴
東臯萬里夕陽斜

中秋張越九招飲虎丘

時寧都魏叔子廣陵宗子發萊陽姜學在松陵丁會

公吾郡張帶三梅巖思咸玉行沈賁園許葵園父子朱民則溯本上人同集卽席賦成

平巖瑟瑟起秋風千里相逢意氣同
白髮心驚時序後
青山人在月明中生公臺畔
天花落玉簪祠前暮靄空
遙望九霄雲影盡短簫橫笛聽無窮
何處煙林宿鳥呼半生踪跡狎江湖
勝遊且自依紅袖
乘興還來溷酒徒一帶歌聲沉暮閣
幾行燈影亂平蕪
月光不放人歸去萬樹參差似畫圖

題西村趙雙白蓴廬

飄零西郭亂蓬蒿小築蓴廬老布袍
安枕青山雙鬢短
放歌黃葉一身高花前月白鳴焦尾
酒後鐙明出孟勞
共訝句成桑柘裏竹籊閒聽落松濤

錢德震

人日將約計子山吳日千過村居值雨不果

浮陰漠漠起朝烟蟻汎青缸色自妍
正擬弟兄尋令節
那教風雨失占年鶯遲細語春塘外
梅作新寒雪徑前
搔首江村碁局暇匡床無計只高眠

過訪趙蓴客

西臯木葉又驚飛竹舍棲遲旅夢違
半壁琴書聊坐嘯
一川蝦菜竟忘歸風前蟲羽趨秋架
空外磬聲引夕幃
身過得窺文藻盛知君勝賞傍清暉

喜聞賢倅篤情私常向花邊送酒資
涼露一天延草闥
烟波千頃摘蓴絲歸航欲問青龍渡
遠信難憑黃耳祠

何日紅蕉螺女畔夕陽偕理玉參差

過硯銘山齋同髯淵步原上隔溪與个臣共話

徑繞疎籬漾白沙高原雲物望中斜潮衝晴堰分魚騰
鳥過春塘破杏花翠竹有鄰仍易看香醪無地作交賒
風前懷抱俱堪放帆落空汀動晚霞

雨中宣城沈方鄴過訪招日千漢倬同集得絲字

瀟瀟涼雨散西陂有客扁舟向曉移半榻夢迴驚擘袖
十年人遠促銜卮窓橫蕉影窺交態風送鴻聲改鬢絲
到處逢迎才自壯囊中莫忘白圭詩

冬夜集龍潭送張僧持還白門丁弋雲還西泠

城西落照凍雲邊
萬浦鳴榔歸渡船蕭寺鐘聲流素月

離樽燭影動青烟夢迴聞鴈長干近游倦尋梅葛塢偏
兩地相違情共繫溪橋風雪耐吟鞭

張登子招同李仲木張書乘徐彥和范祖生毛大

可子璧弟集南華山館

水邊疎樹亂飛花石徑高亭映玉沙洞有藏書承北闕
人臨解組悟南華邀賓筵外青山近薄醉歌中鳥匿斜
終擬紉蘭來結伴老年蹤跡媿烟霞

姚越士邀遊柯山與轉叔方蔣絢臣丁飛濤張洮

侯家去病過張美中草堂夜集遂止宿山樓分

韻得流字

崖壑橫空碧澗幽陰陰古木鳥相求雲溪行盡林疑斷

花落歸隨水亂流村舍釀川芳草岸酒杯詩社夕陽樓
東風沉醉憑高臥豪氣猶能紀勝遊

偕李仲木丁文博飛濤方文虎胡韋若王叔道張

長威姜汝臯游土城山赴金子闈之酌得紗字
喜從載酒汎春槎埜水流雲帶若耶粉蝶尚能隨舞扇
杜鵑何處問宮花筵間彩溢琉璃硯石上痕餘菡萏紗
勝友幸逢呼快飲爲言梓澤不須誇

張响公觀察枉駕北莊

東谿雲物潤松筠喜見扁舟繫水濱不是幽棲忘禮法
每緣晚節厭風塵樽前難忝歡相接宦後漁樵計未伸
負米北堂煩慰念徑迴芳草盡長春

董含

送宋觀察荔裳入都

莫辭簪紱臥東山聞道君王早賜環萬里秋高羊角
健九天煙鎖鳳池閒鳴珂重沐金莖露擁傳爭看玉笋
斑此去栢梁懸絕唱五雲深處許誰攀

春日集趙雙白冷鷗堂

移家三度苧城春小築西田學隱淪袖手獨吟聊自賞
典衣長嘯不知貧多君作客能邀客顧我逢人欲避人
此日看花拚一醉巾車莫惜往來頻

中秋燕集陸鶴田侍御園亭

亭臺迴合鎖江濱古樹蒼枝薜荔綉風颭亂蘋朝駐漿

月明叢桂夜留賓參差竹徑行偏遠窈窕溪流境轉新
聞道昨宵雙鶴下小樓絃管祀花神

李竹西招泛東湖同王徵宣倪石麓分韻

重來湖畔繫扁舟九派秋濤遶郭流分罷詩籤才共勝

石麓攜詩牌
分韻賦詩

勒成觴政量偏優

徵宣著
觴政圖

誰人宦路稱同

調我輩交情肯漫投夜半老龍眠正穩月明齊上弄珠樓

駕自上陵迴恭紀

鸞輿十月上陵迴夾道懽聲動九垓八駿豈從瑤水過
六龍初向沛宮來朱纓都尉前驅入毳帳詞臣後騎催
歸近居庸還大獵漢家虎圈幾時開

周櫟園侍郎遠頒大集獎籍逾分寄呈

江左風流有代興相思千里欲擔簦謨謀北闕公還壯
躑躅東臯我自憎愛士久知情婉戀著書長憶氣飛騰
白門楊柳啼鴉暮何日維舟御李膺

酬陳山農

移家十載傍邗溝又挂征帆帝里遊路出射陽芳草合
沙迴督元玉泉流講堂業就雄多士幸舍才高傲五侯
暫到獵城勞問訊一樽須爲故人留

張淵懿

宿湖口

石鍾山壁矚彭湖湖上驚濤捲舳艫日落榜人收短纜

言苑 卷之二 十四
宵分估客計長途荆吳路折東西姊妹祠連大小孤
明發預愁波浪惡占風數起問檣烏

登滕王閣

豫章城堞枕江斜高閣登臨縱目賒錯繡山川吳楚地
亂帆雲樹粵閩槎晴煙落檻浮青嶂雪浪當簷捲白沙
帝子風流應不沒王郎詞賦至今誇

中秋後二日同髯淵邀尊客及諸子集臨流堂次

尊客韻奉酬

曲巷秋深蔓草多故人情重一相過夕陽乍散寒塘柳
微雨輕沾碧沼荷絳蠟窺顏須縱酒霜華入髻且高歌
坐中更愛連城壁皂帽行吟奈若何

董俞

次湓浦

卸帆又宿湓城下九派煙江瀟淼間獨客夜淡風共雨
孤舟天末水連山最憂蛟蜃寒江怒空想鶯花故里間
聞說衡陽路正遠斷蓬飄泊幾時還

題蘄州如是庵

野外招提乘輿過層樓突兀俯滄波春時修竹鶯聲合
雨後寒沙虎跡多倦客偶來瞻寶鬘紗香終日繞烟蘿
殷勤老衲操吳語久住蘄春鬢已皤

灘江

灘江南下灘形險暫借羈程半日風水送石聲春樹外

崖翻月影曉船中間關鳥哢珊瑚碧珊瑚越易名的燦花開
躑躅紅愁絕五湖畱滯客此時唵嘯有誰同

贈陳元孝

弱冠才華衆共聞艱難末造更憐君孤臣哭向西臺月
孝子心傷南海雲幽築荒江疑世外清樽畱客坐宵分
相逢一笑忘機久應許同遊鷗鷺羣

禹碑

禹跡茫茫空想像空碑嶽頂亦奇哉三千餘年照巖壑
七十二字護風雷蒼頡蟲書堪比擬岐陽石鼓皆後來
摩挲欲讀讀不得丹壁萬丈常崔嵬

錦石

一葉飄然錦石村湘江煙草又黃昏多情斑竹皇英淚
無恙幽蘭屈宋竟傍水月明人獨坐還鄉夢醒酒猶溫
船頭誰弄桓伊笛屬玉驚翻碧浪痕

人日集黃復仲寓齋

故人情好仍似昔逆旅那愁同調孤綠酒滿瓮宜春酌
白魚跳網供晚廚天涯荏苒客欲老江岸搖落梅幾株
醉後輾轉歸思苦便當別汝還東吳

望海珠寺

海珠寺在久無僧江上逢人話廢興落日但看波島島
寒扉空掩樹層層聽經龍已潛深壑施食禽猶繞古籐
時有客檣巖畔宿夜分疑是佛龕燈

席上送江夏鄧宗臣之雲間

君向吳兮我適粵，羈遊兩處數江程。
鷓鴣落日黃陵廟，尊菜秋風白苧城。
酒罷便分岐路去，客中還動別離情。
不知誰賦歸來早，悵望晴川月正明。

讀澹歸大師丹霞別傳寺集賦呈

毳衣櫻笠鬢蕭騷，運畚揮鋤不憚勞。
夜靜經臺嘶白馬，秋空寶樹掛蒼猱。
世人轉訝文心慧，山鬼知欽道德高。
擬叩宗風歌一曲，朱絃肯許腐儒操。

贈雙白移居蓴廬

十載騷壇肆冥搜，近來詞賦更風流。
天涯求友情何切，客裏移家路轉幽。
一徑荳花山寺雨，半溪楓葉野田秋。

與君常結漁樵伴，白恰青鞋物外遊。

送趙尊客遊衡嶽

浮雲黯澹夕陽橫，此日離筵送爾情。
已矣行乎彈鋏客，傷哉貧也下帷生。
征衫半染靡蕪色，驛舍初聞猿狖聲。
莫道衡陽無雁到，素書珍重寄柴荆。

吾聞衡峯七十二，仰視一一排雲煙。
妬爾胸中多秀句，題詩應在祝融巔。

登臨漸覺羈愁遣，風雅還逢地主賢。
謂黃述之大參日暮瀟湘唵望苦，知君將續楚騷篇。

錢繼章

秋日園居

山堂燈影亂秋蟲，碧樹低垂月半弓。
涼色到蟬雙杵急，

迷天沂雁一行通榻安翠竹秋聲裏門閉蒼江晚釣中
景物不知人事改蘋花還逐亂流東

曹秋岳過小園夜集

十年蹤跡類殘枰執手難忘編紵情寧有詩篇醉李白
重煩車騎訪侯嬴人從亂定知初見語似春潮漸細生
引勝莫嫌紅蠟短一園松楷照生平

乘車戴笠願從公好景嘗嗟未得同高士舫衝谿剡雪
故人酒過石尤風茆堂隔歲商花信竹戶聯床聽草蟲
同入亂離生計拙高情終擬五湖東

公贈余詩有神武掛冠之句

幽居遣興

餘生已付北山隱
春老秋殘總不知
林有鶴毛風定後

荷兼鷺影月涼時
世緣盡斷堪強項
家務都捐并放眉
惟有詩筒與碁局
花昔鎮日得相隨

秋懷

寒雲枯篠滿空園
百感偏驚楚玉魂
水落魚龍歸大壑
天留煙月護柴門
山圍松栝霜威肅
身歷漁樵士氣尊
獨媿太阿克佩久
此生何路報人恩

空菴夜靜水涓涓
細雨茶香落木天
逐伴鷺鷥踪更遠
效人鸚鵡舌方圓
將何娛老消禪榻
若問封侯愛酒泉
輦鼓漸消鯨浪捲
祝篝新數太平年

鎖牕時聽畫眉啼
桐樹陰陰罨午谿
曉牖破寒雲毋粥
貧廚壓醉水晶羹
身如秋蝶黃無力
園比春山綠不齊

索句老僧時杖響便教精舍擬招提
登登築杵集農場九月先看早稻黃
簫鼓社邀新傀儡
雞豚村闢舊畊桑河占靈鵲初斜角
蔓引牽牛早過墻
萬事不如風月好蕩開幽默細銜觴

冬盡

不晴不雨但增寒尙戀荷衣與籜冠
廢苑亂鴉千古恨
素箏濁酒五湖寬孤花盡日稀
逢蝶溫火經冬擬護蘭
筋力已衰游興阻草堂兒女穩團樂

贈趙尊客

紅蓮落盡白蘋愁又見人間趙倚樓
偃蹇九州誰可客
蒼涼五字莫能酬雁鴻節近斜陽澹
蟋蟀家臨畫角秋

尊客有家在新
霜蟋蟀聲之句聞說徵詩徧朝野定知聲價起羊裘

沈淀

別兄良久秋日還家將一葦楓溪復病足寄呈

鶴鴒原上本同遊何事分飛春復秋
楓岸門通三泖汝
莘川帆接五湖流詩成騎驛煩漁父
病起朋簪狎海鷗
強欲扶筇秋色裏何妨笑蹙滿樓頭

偉南先生楚還同孫霄客過訪賦呈

紫芝曄曄映華顛屑玉當筵贈韋絃
百里秋風滄海濶
三年春雨洞庭偏芷蘭猶是思公子
屈宋於今讓後賢
便擬移家侍晨夕徵書恐復下林泉

寄懷興安郡司馬王愚谷

車笠分途彈指過同心今日幾鳴珂右軍才調人間少
司馬威名海外多夾漈著書應不減九湖靈蹟近如何
龔黃治術能千古媿我譚經老薜蘿

霄客閩還具言鯉湖禱夢事甚靈異喜賦

令子出門君賦歸時芳巖北上燕南閩北恰相違白雲迸袖

囊方漉丹荔榮顏體不肥王粲有文多唱和何仙錫夢
早瞻依話深動我煙霞思壺嶺龍淵已色飛

家繹堂典試浙闈事竣便道旋里寄懷

回望川巖錦樹明東方車騎盛逢迎為邀 帝眷春風
蚤纜動鄉心綵鷁輕水鑑自知南箭美玉壺嘗映客囊
清三三峯畔思君舊佳氣朝來滿苧城

錢穀

上巳後二日集張登子齋賦贈因憶大樽先生

一官早棄詠歸與江左歌思十載餘視草尚傳金馬詔

登子由內翰為李官臨池肯示鐵門書家藏永師千文真蹟永和修禊今還

昔太史占星客共余却憶孟公驚座日幾回辭賦滿園

居

人日子猷先生招飲眾芳樓同孫雪崖鮑乃茲和孫韵

高陽里第逼城闈客至椒盤對早春頌酒豈辭常醉日

登樓還是未歸人他鄉剪綵愁中見故國探梅夢裏新

遣悶好憑金石句謂雪崖交情更有叔牙真謂乃茲

贈張憲副爾成時督糧中州

鄧侯轉運績非微
早簡才賢出禁闈
旗影每翻嵩岳樹
爐香猶帶侍臣衣
風先九土勤王事
雲擁千帆集帝畿
下士執鞭逢暇日
軒車一顧借光輝

和別王幼輿

秋淡天末伴隨陽
越鳥南歸莫怨傷
路繞金隄沙似霧
江明鐵甕月如霜
徜徉且息馮驩鋏
牢落何知趙壹囊
祗悵故交分手易
來年葭菼賦蒼蒼

寄上成師相

十載黃扉啓沃虔
近從休沐臥林泉
松邊鶴警餐霞去
花外鶯簧曳履前
負郭有田惟種秫
鑿池依圃必栽蓮
東山雅志南山壽
何似朝端佩玉韉

送沈彥徹之澶淵

行矣休文詩思多
奚囊不復戀煙蘿
離尊落日蓮花浦
客袂秋風瓠子河
人遇班荆新意氣
我曾攜劍舊經過
故交若問山中况
爲道幽棲阻笑歌

贈成仲謙二首

綵服庭趨足壯猷
君家奕葉重金甌
床分泌閣書千卷
巷擁鳴珂客五侯
報國每懷丹鳳闕
承恩親賜紫貂裘
石渠虎觀還虛席
接武三公在黑頭
論交深惜孝標文
那管家山星野分
縱酒共銷燕市月
飛書常下洞庭雲
綺窓同席探鴻寶
逸興揮毫溢練裙
氣誼十季蘭茝重
陳雷膠漆似輪君

贈閩中趙尊客

座擁臯比漳浦尊知君少小託龍門悟來聽易義文見

客至歌詩禮樂存漳浦先生所著易象正授徒鄴山講學時士大夫造訪者修士相見之禮

進退皆歌詩章公弟子也故老鱣堂空蔓草平時珂里亦

荒村因茲放浪銷孤憤剩有交遊重虎賁

攜家避地學梁鴻葺椽誅茅半畝宮耕釣涵同流水曲

琴書遙徹小橋東喜尋蓮社肩嘗並懶向朱門足未通

吾輩締交原有道維駒終日對高風

若為蓴菜到華亭數載淹留處士星閩嶠暮雲千里斷

江峰秋鴈五更聽牀頭金盡還浮白海內詩來便殺青

聞道栢梁賡和切碧紗籠字慰飄零

丁棠發

雜感

歸路江南橘柚天倦看雨雪孝廉船相如舊抱題橋恨

高密今逾拜袞季旅寺依然秋未老殘編無恙硯將穿

芙蓉不逐春風嫁空負東皇絕可憐

江客翻從薊北行悲歌酒市失荆卿身因淪落慚名字

才為窮愁近老成梧苑何時收國士籜冠此日誤儒生

唾壺長傍花前醉夜半敲殘意不平

送林漸于先生歸閩

壺觴陶令蠡湖西為問鱸魚返舊谿路出桐江春水漲

雲藏榕葉暮鴉棲囊畱玉笈三山記詩咏銀塘獨樹梨

別後扶風相憶否執經花裏月初低

贈別姜西溟

來逢寒食柳如絲藕葉驚看綠滿池賦草十季傳姓字
客居四壁近茅茨濟時共抱蒼生志洙翰還推黃絹辭
此去渡江梅雨漲夜濤聲入孝娥祠
會共看山到習池蕭齋殘漏話尊絲鄉關慷慨劉蕡涕
花月淒涼杜牧詩孤館獨憐人去後數行須記鴈來時
祇今風雅君應擅家在句餘到處知

研露堂文會懷寓匏昆季

琴樽相聚隔三秋風雨論文數舊游獨向客程增旅思
翻因良會起離愁洞庭清暑歸應早京雒雲山屐尚畱

寄語故園新漲後銀塘曾泛李膺舟

緘書來自薊門秋別後殷勤問昔游雲樹遠天如接語
雨窓鏤管更多愁柳州猶識遺風在譙郡能將大雅畱
座客最憐王粲去酒闌遙夜憶歸舟

成光

贈張憲副爾成

凌雲辭賦重金門幾載天中憲節尊轉餉故淡蕭相績
虛懷偏渥信陵恩欲披朗月趨鈴閣正喜甘霖擁畫轡
國計民依均有託何辭斗酒一畱髡

中原解甲靜塵埃畫戟牙旌駐鄴臺曙色度河笳鼓發
春風入貢舳艫開家依鳳闕天常近客向龍門日未回

莫訝故人貪握手清秋劍佩指蓬萊

送錢子壁師南歸

自昔人歌行路難歸途雨雪幸加餐明珠未合塵中擲
神劍須從斗外看淡歲春風畱絳帳數聲秋鴈急征鞍
躊躇分手情何限玉局清尊午夜寒

捧檄遙遙壯志違蕭蕭匹馬復言歸關情白髮娛新綵
回首青山憶舊薇畫閣簾開梅欲放春缸酒熟雪初飛
趨庭饒有天倫樂未信風人季女饑

函杖從遊幾載間風塵僕僕鬢毛斑承歡每動瞻雲思
問字殊慙立雪班黃菊尊前憐握手青楓浦上好怡顏
來季下榻還相待攜策燕轅欲共扳

盧溝橋

帝城西去控盧溝萬國輪蹄此上游玉螭晝橫連遠嶽
神蛟秋怒斷中流宮雲縹緲蓬萊近陵樹依稀霜葉稠
回首三年仍故道悲歌誰識旅人愁

飲衛輝蘇給諫齋歸賦

微雨瀟瀟暑氣清歸從高宴暮雲平雕梁鼠竄中涓第
寓舊中涓廢宅畫閣烏啼帝子城濁酒更傾畱月坐芒鞋莫滯
看山行遙知一夜蘇門下入戶泉聲漱玉鳴

百泉夜坐

蘇門山下百泉幽雨後清宵不厭遊人影倒移波底月
山先曲抱樹中樓珍珠源湧繁星散鸞鳳聲同萬籟收

待到五湖踪跡徧還將煙景傲中州

贈謝元城澹石

數載無聞杜宇啼一官萬里別巴西嘉陵山水圖中見
劍閣風煙夢裏迷花到醱醖誰作釀人如鸞鳳尚卑栖
元城不數宣城蹟褒召行看下紫泥

鮑乃茲以詩見贈步韻酬之

回首詩囊遍歷時浮鷗天地總安之樓臺海市忘家日
簫鼓江關隔代思先大伯權關維揚先七叔
筮仕蓬萊乃茲皆同遊白髮有情
還戀舊青雲無路漫相期乃茲贈余有一官已拜新恩
重萬卷還從舊業期之句
開樽且醉池邊柳濯濯新添雨後姿

王 睿

贈許堯文寅長

一麾典郡盡雄藩封事傳家青瑣垣千騎東方驅騶駟

三春南國采蘭蓀

二月六日陪公較士

聲名良牧稱黃霸詩句長

城屬許渾婁上由來壇坫舊因君尺素寄梅村

時梅村貽札

寄彭思菴門年兄除魯山令

魯陽城內有琴臺 帝簡壺蘭子佩來山號崆峒曾問
道河由箕穎可流杯紫芝眉宇偏相似於蒔詩歌好自
裁卻媿疎狂遭放廢匡時淡望濟川才

孫昭令同小阮子操訪友三山枉道過署次韻

五載停雲思不禁忽聞清嘯出幽岑不圖命駕輕千里
始信神交共一心九鯉僊真應倒屣八壺煙景足披尋

荒齋媿乏郇公饌流水高山自古今

孫纘祖

金閫雜咏

閒攜雙屐向河橋綠野青塍入望遥幾處鶯花連粉堞
一川煙雨送輕橈傭春人去名還在響屨塵空恨未銷
無限吳宮零落盡空城猶上伍胥潮

郭外招提敞客蹤青冥樓閣蔭深松銀濤聲咽風前笛
玉杵燼沉霜後鐘天半落霞低去鳥夕陽高檻倚孤筇
家山渺在長湖外凝望偏嫌樹影重

過瓶隱道院次王愚谷韻

仙宮樓閣俯平川碑碣荒殘不記年蟲剝篆文緣畫幔

雀依玉殿啄苔甃野花蝕雨青瓶澁古樹蟠根翠蓋連
獨倚斜陽看故壘春風不到洞門邊

登燕子磯觀江

蒼崖高枕大荒流絕頂躋攀攬勝遊哀峽暮雲吹濁浪
長天朔吹試清秋魚龍自信寒江穩關塞遙含落日愁
悵望煙波無限思古來天塹本悠悠

褚硯耘林曙堂讌集同查伊璜黃九煙劉澹軒

經年憔悴悵離羣此日相看意自殷把袂登堂指別恨
銜卮聽雨坐宵分樓臺寒迴催殘漏水樹煙淡宿暮雲
漫喜清狂猶夙昔醉中攜手重論文

題玻璃泉

言苑 卷之二 二十七
雲液流甘護竹廊奇靈似有鉢龍藏汲當曉雨和煙潤
烹試松花帶澗香石髮凝寒疑乳竇碧潭涵月蔭繩床
清冷一酌煩襟滌品第應先錫麓傍

漫興

幽栖長日罕經過隱几蕭蕭對薜蘿石室松杉迴鳳嘯
空江風雨暗漁蓑蒿蓬寂寞求羊少門巷荒蕪鳥雀多
好事何人頻載酒子雲辭賦媿蹉跎

寄懷王聲遠楊草亭

憶自風塵杖策遊祇餘冰雪臥山丘夢殘孤鹿空身世
春到雙魚接唱酬芳草漸青楊子宅梅花欲白仲宣樓
懷君東望棊樽地鶴渚波寒起暮愁

張彥之

贈顧翊南

老去玄言莫過從扁舟誰問五湖蹤故人猶有憐張載
名士應知識顧雍夜坐秋光垂薜荔波聲落日滿芙蓉
衡廬久托烟霞遠寧戀荒城一夜鍾

送子山北遊

偕隱西山未見才浪遊聊自溷塵埃悲秋欲作窮愁句
野戍空餘旅客哀白草寒雲徒嘯傲黃河落日重徘徊
故園知己情何限應有相思尺素來

金閭

吳楚東南宿草淒金閭門外夕陽西征衣曉拂鶯雛弱

浣女春逢蛺蝶迷繡戶萬家臨翠柳青衫千騎落紅梨
王孫欲識當年意寶瑟斜聞酒正攜

上巳前一日同友人虎谿公讌

黃鶯聲欲起烟蘿白馬來成子夜歌萬里交游勞夢寐
千秋詞賦滿山河雕梁掩暎依春麗畫鷁飄揚向晚多
斗酒頻傾梁苑飲相看落日未蹉跎

游陸子敬園亭

敞亭四照逼流鶯遙望千章夏木清自有山川成逸事
到來風雨一含情草堂話舊人誰在詞客哀時賦未成
垂老交游情不淺喜添紅燭慰生平

九日韻閣登高同諸子分韻

萬里風吹金井涼側身天地又重陽霞紅古苑茱萸冷
露白寒林橘柚香落帽群公同嘯傲登高我意更飛揚
樽前倘憶西京事醉話興亡益感傷

過徐穎光青來堂

青山翠壑鎖烟蘿此地清幽足嘯歌江樹鳥啼紅葉亂
秋風人醉夕陽多逶迤城闕游思健徙倚山林客夜過
叢菊愁中猶未晚東籬不復畏蹉跎

歲暮寄篆鴻

長林靜坐三冬暮偏憶寒溪獨爾來明月欲隨孤鴈起
故人何自草堂迴星高應論千年事酒醒驚看十倍才
山水早知幽興熟春風莫滯野人盃

錢牧齋太史過雲間有作賦和

煙霞巖壑未能同
今夕高堂尚古風
馬上愁思梁苑客
第中得句浣花翁
蛟龍蟄動秋濤白
燕雀棲驚落日紅
薄暮金樽須再滿
豈無佳會傲江東

靜叅鹿苑說無生
却憶鑪煙遠漢京
玉樹隼高長史墓
珠簾楓冷闔閭城
衣冠入夢悲三楚
象緯驚人逼五更
莫道窮途無涕泣
酒闌愁見暮雲平

送計子山禹州之行

相對離筵悵落暉
洛中山水又相依
井傳巢父風猶在
道訪崆峒鶴未歸
江上千砧聲自急
門前五柳葉初稀
閨中新服針纔製
忍使秋風遠寄衣

黎允中

字靜夫南海人

鄭仙巖次韻

爲訪仙巖最上關
橫將雙屐翠微間
紫芝曾啄當時鶴
寒瀑猶鳴去後山
似聽雲衢釣樂近
欲攜明月踏歌還
澗邊蒲節依然在
豈必燒丹始駐顏

扶筇欹磴叩靈關
笑弄煙嵐碧落間
羽駕何年騰白日
松濤依舊洗空山
澗逢老衲分泉冷
鳥逐飛雲向夕還
試問蒼蒼崖上石
更誰從此換塵顏

谷文光

字電非寧波人

瀟湘峽

溪流浩渺接江流
好借天風送客舟
落鴈自空堪寄字

詩苑 卷之二 三十
啼猿入夜最添愁
漁燈澹澹渾如晝
寒雨瀟瀟半似秋
鄉思日繁歸未得
夢回吳岫路悠悠

短棹

短棹栖遲晝似年
支離瘦骨不成眠
旅懷已薄南州路
鄉夢嘗牽北郭田
夾岸鶯聲催暮雨
平林春色接遙天
畏看芳草江頭綠
排悶還須仗酒權

蔣延齡

字眉岫茂名人

遊芙蓉山庵

漢康真人
脩煉處

振履芙蓉最上峯
深林何處覓仙蹤
乘雲去後留丹竈
化鶴歸來認碧松
城郭已非前漢代
江山幾改古虞封
至今惟有巖泉水
長與巖花洗翠容

答友見訊旅况

久客歸思未易裁
多季不上越王臺
懷人千里勞相訊
賓鴈三秋莽自哀
底事悲歌長拭劍
殊方天地獨銜盃
故交零落傷遲暮
回首楓林夕景催

鄴中

漳流秋晚夕陽斜
立馬西風看落霞
鼎峙河山分魏國
豆箕兄弟競曹家
歌臺已沒鴛鴦瓦
疑塚空殘翡翠花
回想壯圖皆不見
祇餘寒樹數聲鴉

因梁素子寄懷陳元孝

天外懷人意愴淡
朔風黯澹粵江陰
才名恍醉中山酒
風韻如聽太古琴
腸斷蓼莪篇已廢
覓銷湘水賦難沉

可憐一片西山月長照孤臣孽子心

沈浩然

友人齋看虞美人花

君欲留賓我欲眠光風轉處見嫣然
花開楚漢春秋後名共韓彭菹醢傳
蔓草紛紛孤自舞芳蕓漠漠晚如旋
忽驚潦倒生涯在廣武寒蕪直際天

送別趙二火遊楚

老去煙波有唱酬惜君無計把君留
人逢五郡皆兄弟帆向三湘近斗牛
披草獨尋王粲井臨風誰共岳陽樓
蒼茫漳浦迷雲樹却望鄉關谷水頭

答尊客和工部偏側行見懷之作

曹垂璨

初夏園居

清和纔脫木棉衣來往松風坐釣磯
添得爐煙方細細飄來花片故飛飛
闌邊鬪鴨波紋縐溪上看雲落照微
老去只餘詩興在迂疎常覺世情違

一榻攬榆老黑甜興來揮麈月窺簾
朱樓燕絮梁泥落石徑鶯穿柳線黏
新綠堦前如戀玉疎篁池上又添尖
嵇狂阮嘯閒消遣靜對書城架滿籤

閒居

風亭水榭翠煙濃長日鸚鳴細雨松對鏡
已衰添鶴髮登山猶健未龍鍾池邊銅雀魚吞吐
花下金壘友過從

老去幽尋仍不倦
紆迴曲徑有扶筇
雨淨苔衣石徑幽
竹搖新粉綠香稠
山從斷處雲來補
春欲歸時鳥解留
簾捲朱樓延月入
柳舒碧斝帶煙流
攜琴坐愛風光好
培菊籬邊待晚秋

山房

花下高歌月又弦
烏藤白恰且隨緣
偶因摘菓方勤步
除却看山只愛眠
樹密宜亭雙睡鶴
童閒灌菊數聲蟬
顏巒疊谷幽溪瀉
棋局敲殘手一編
容膝松龕好結跏
一雙鴻鴻浴平沙
甯成白酒邀隣叟
栽得青松噪晚鴉
屋角桐疎延素月
橋邊水曲帶輕霞
聊題短筭湘簾捲
半閣分爲燕子家

馮樾

過陳留

天邊鵠影客心傷
落日驅車及外黃
誰具艸蔬邀郭泰
自慚名姓賞中郎
巴河風起荒烟黑
博浪雲開遠樹蒼
明發梁園舊遊地
十年潦倒媿行藏

偶過沈叅藩漢章署中留飲

山城步履客尋歡
冰署風生五月寒
盛世行藏偏懶慢
異鄉天地此盤桓
晴雲移席流鶯過
落照憑軒借鶴看
爲道官閒稱吏隱
壺觴終日對琅玕

遊太原崇善寺

相傳寶刹創賢王

寺爲晉藩創造

臺殿巍峩冠此方
檜老虬枝

停雪古碑殘鴻篆點苔蒼意珠光逼天花墜忍艸晴滋
法雨香鐘動一聲流夜月重檐遲步落清霜

和沈太史過趙州留寄施緩宜別駕并呈緩宜

燕嶠千峯接趙州驅車春盡此淹留雨餘荒榭棠梨發
日落孤城芳艸愁才子風流煩佐郡吏人清晏好憑樓
三年猶憶江干別爲借郵傳一唱酬

九日同六益武宣掌奇諸子飲忍齋竹深書屋卽

席次韻

木葉蕭蕭鴈度稀疎簾風送菊香微一堂賓從娛佳節
九日壺觴醉夕暉急管過雲催落帽寒砧敲月擬添衣
追陪不淺萸囊興倚和猶慚白石磯

徐軋學

送宗鶴問之吳興

十年詞賦重三都託興烟霞五嶽圖曾共張華遊上洛
還因桺惲過西吳同心幸結江臯佩好句頻撰象罔珠
况有湖山看不厭烏程日問酒家壚

贈李研齋太史

十載江湖穩釣磯跨鞍絕塞欲誰依草荒白帝家何在
瓜熟青門事已非著作千秋身未老悲歌萬里客將歸
弁州風勁霜如雪送爾離亭淚滿衣

贈程周量中翰

憶共征裘薊北霜相看此日又重陽仙郎久擁青綾被

倦客猶慙白袷裝卷幔輕風吹薜荔推篷細雨濕枕椰
因君命駕輕千里乘興先期醉百觴

懷馮謙在獄

五郎才筆勝諸昆遭難俄驚獄吏尊誰為解驂存國士
可憐一飯困王孫蟬吟織室秋聲靜劍沒豐城夜色昏
媿我賃春廡下任祇裁短札濕啼痕

柯聿

復漢光武廟祀

城南三十里為白水村漢世祖發跡於此

漢火方炎鼎忽傾幸逢真主應圖生赤符伏處開龍塚
白水流來擁鳳城當日雲臺將玉佩祇今畫壁拂霓旌
春秋俎豆長新地父老猶傳長厚聲

西谿小築

卜居西郭半村中幾曲清谿一權通度壑鐘聲蕭寺外
穿林塔影小樓東樹因初植偏宜雨竹自新移却畏風
倦起偶來松下坐農歌處處屬年豐

得王敬哉先生特簡宗伯之命

見說圖書尊一統遙知錫命自三台南宮禮樂咨元老
北斗聲名重曲臺雉向明堂陪作位鳳依仙律按初來
康時更切彈冠喜咫尺還同拜舞回

遊習家池

每羨山公興若狂攜樽策馬過高陽鷓鴣杓底花光淺
鸚鵡杯中日景長楚賦易愁工挾瑟吳歛含怨擬調箏

欄街誰唱銅鞮曲歸去應教問葛疆

雨後偶感

西山萬疊擁晴空曉映芙蓉禁苑通過雨翠浮丹鳳闕
迎秋涼入玉華宮雲間樹色原無暑石上泉聲自有風
在笏相看念搖落欲將歸思問南鴻

西谿小築初成偶拈

小閣凌空枕碧虛四圍青翠襲人裾飛來帆影開簾過
聽徧田歌趁雨鋤檻外投竿思飼鶴籬邊課僕學栽蔬
莫言高隱閒無事每日勤繡種樹書

立夏日郊園雅集

剝啄聲喧到草堂共攜樽酒續高陽佩來赤玉知迎夏

撥盡冰絃羨繞梁興劇欲為河朔飲詩成誰似謫仙狂
送春不用愁春去猶剩梅花點額妝

用韻贈吳準庵龔聞園樊再郭

時三子下第丁亥辛丑相繼捷南宮

縹緲長征九折灣應占紫氣聚函關探珠久已驚南國
抱玉猶將傲北山此日放歌孤棹晚他年喜看錦車還
奚囊早貯煙雲句攜手香飄鳳閣間

高暉 字蒼儼襄陵人

櫻桃

垂垂結實似星繁寢廟先嘗進大官漢殿映盤同赤日
秦人逐彈得金丸春風點絳偏憐小曉月流鶯未許殘
更喜紅顏常可駐仙家何事九華丹

萍

水衣箇箇碧池中五月花開組繡同採擷盈筐尸季女
澗溪登俎薦王公飄流最恨三秋雨擲逐遠隨一夜風
杜叟充飢枉自憶東家剖食久成空

重過洞庭

洪濤萬頃蕩塵紛望裏煙巒幾派分湖水繞山山繞寺
樓臺連樹樹連雲風催林葉秋聲起雁叫寒空落照曛
欲問仙槎舊消息莫釐峯下許同羣

求材兩過洞庭東忽訝桃源在此中徑僻每由松下路
香來到處桂花風桑麻歷落穿雲綠橘柚玲瓏透日紅
獨向最高峯上立萬山水浸碧天空

從西山至鄧尉青黎攜尊朝元閣看桂卽席得雞

字

一櫂看雲鄧尉西山山落日向人低濃華溼露空追昨
零落幽香尚滿蹊高閣燈橫月初上虎橋人醉酒重攜
夜闌猶共催題句擊楫臨風待舞雞

董

閻

字方南吳江人

榕庵二兄招飲卽席分得文字

相招尊酒共論文體擅吳均獨出羣適意季鷹嗟旅官
壯心思道歎從軍披襟縱飲風初靜散步高吟日已曛
良宴窺園榮夏木主人何用賦停雲

贈趙尊客

才子今稱趙倚樓當年荔浦擅風流談詩海內皆知已
作客天涯半舊遊狂似步兵宜縱飲清如洗馬善言愁
蕭然只有書千卷柳上峯青好放舟

江上聞鄰舟笛聲

蕭蕭木落暮江頭汎汎雙飛水上鷗忽聽一聲吹短笛
遙知三弄出鄰舟梅花曲引他鄉怨楊柳歌生故國愁
欲向桓伊同載酒風颿已過白蘋洲

賦得九日尊前有所思

九日尊前有所思高堂遙望菊開時一官守拙親朋笑
數口甘貧父子知佳節毋逢愁裏過好花頻向客中移
明年應把茱萸酒長向庭前進紫芝

九日尊前有所思登高兄弟夕陽時已知風雨空三載
還惜茱萸少一枝望月獨悲南去遠看雲共憶北歸遲
何堪離別他鄉淚兩地黃花對酒卮

九日尊前有所思深閨千里夢同時黃花已發悲秋老
白雁初來覺漏遲五夜砧聲常獨聽三年錦字未全知
傷心只為長安客愁對楓林月滿枝

吳聰 字思庵休寧人

秋懷

蕭蕭落葉滿江城遊子天涯旅思驚人在湖山花下別
愁從砧杵月中生乾坤容我非無意魚鳥親人似有情
一卷離騷初讀罷西風腸斷夜猿聲

誰家笛韻晚風前不禁羈人自黯然
骯髒江湖虛白日飄零跡問青天
百年只合持螯醉萬事惟憑枕石眠
濁酒荒亭誰可語悠然對菊却無錢

吳江道中有懷

瀟疎暮雨阻行舟楓冷吳江動客愁
無奈懷才空抱璧可憐多病獨登樓
黃花應傷妝臺寂紅淚懸知翠袖留
回首鄉關魂欲斷未知何日典鸚裘

鳳湖晚眺和金于民韻

垂柳參差繞郭西風光不讓浣花溪
灘流夕照聲偏靜山映殘霞影漸低
小艇忽隨征雁去疎鐘時雜暮鴉啼
會心無語凝眸望烟靄迷離萬木齊

酈蜚煌

暮春陳睿之邀同張澹生子山游吳園

郭外尋春何處宜攜樽吳苑正芳菲
層層花逕樓臺出曲曲溪陰水石圍
魚鳥聲中開碧嶂藤蘿影裏見朱扉
耽幽不覺多畱戀緩整歸鞍看落暉
散髮憑高紫翠環花香鳥語媚人閒
銜杯况是逢良友晴日兼之看好山
似我疎狂添故態凭誰到此亦開顏
倚闌四面皆圖畫綠野平泉伯仲間

寄懷任丘殷擴四

帝城九月酒微醺屈指相將半載過
寒食烟深雙岸柳白蘋水暖五官河
交仍我輩誼如舊詩較從前句更多

離緒只今曾否憶江雲渭樹漫婆娑

南陽舟中

青山點點隔重雲路入南陽草樹芬掠水燕鷓頻拂羽
鳴榔漁子漫為羣荷花十里香無盡柳影千家綠共分
此際客懷禁領畧村醪莫自惜微醺

渡楊子江

風靜天空日正明渡江偏喜此時晴峰廻京口潮聲壯
船近金山塔影平巖壑蒼茫僧院澹魚龍寂寞客帆輕
一葦已渡詩剛就市舶遙聯酒旆迎

蕁閣詩藏選目

漳浦趙 炎二火輯

武昌王澤弘涓來 晉江丁 煒鴈水

嘉善魏學渠子存 淮陰楊才瑰賦臣 定

周亮工 施閏章

曹 溶 朱 錦

曹爾堪 張惟赤

張錫懌 柯崇樸

孫 郁 施埏寶

柯維楨 曹國桀

毛頰美 楊際會

顧理美

葉霑

宋際

錢士賁

柯鄧枚

張世源

吳晉蕃

宋慶長

鍾期賚

馮守真

魏坤

魏哲嗣

孫藻

張世定

郭展綖

唐采

周規

施鴻

黃元峻

徐揚高

尊閣詩藏選目

終

尊閣詩藏

漳浦趙炎二火輯

武昌王澤弘涓來 晉江丁胤焯雁水

定

嘉善魏學渠子存 淮陰楊才瑰賦臣

周亮工

丁亥除夕獨宿邵武城樓永夜不寐

河山渺渺獨愁予
吹角登陣夕已除
陸海百季同汨沒
浮生此際識居諸
荒城戍柝三更盡
孤燭鄉心萬里餘
永夜懸知兩地淚
能歸勝寄故園書

舟中與胡元潤譚秦淮盛時事

紅兒家近古青溪
作意相尋路已迷
渡口桃花新燕語

詩苑 卷之三 一
門前楊柳舊烏啼
畫船人過湘簾緩
翠幔歌輕紈扇低
明月欲隨流水去
簫聲只在板橋西

送徐存永遊大梁

七千里路苦相依
三月長安雪更飛
共歎偕行人又去
心憐卽別未成歸
塵沙北寺羈臣夢
風雨黃河客子衣
莫向梁園詢故事
鄒枚詞賦近全非

人日雪霽冠五傳
芝麓和予詩至冠五語
予從驢背上讀之
歡喜欲墮

快雪時晴正七日
枯樹撐屋老氣新
池邊看梅猶昨夕
牆頭過酒夏何人
却欣好風早晚吹
徒憐絮語慰藉真
開門忽傳驢背字
把之失喜淚滿巾

施閨章

彭蠡阻風二十日

北風一月聲淒淒
彭水勢壓匡山低
客子無衣看落木
愁人欹枕聽鳴雞
眼前五老招不得
夢裏雙溪去欲迷
滿地江湖無鳥道
杖藜何處可攀躋

家叔歸江南

一身歸去二千里
細雨飛花三月時
拙宦生涯疎骨肉
長江戰地滿旌旗
春殘暮色還催髻
客裏新詩好對誰
搔首家山舊知己
數行書札淚如絲

再補比部作

潦倒三季狎野鷗
重來西署復清秋
官槐繫馬枝皆盡

言苑 卷之三 二
老栢啼烏人自愁，舊友半違青瑣闥。浮名空占白雲樓，
夜闌讀律仍含淚。夢到雙溪蘆荻洲。

青州道中

草色青青攬轡遊，馬頭見說古營丘。荒邨老樹聞鶯少，
舞絮驚沙攬客愁。霸氣尚留齊海岱，微言誰問魯春秋。
登臨預擬蓬萊閣，好倚扶桑到十洲。

中秋大寧客舍孫煥吉畱飲卽事賦懷荔裳顧庵

繹堂西樵周量阮亭說巖方山崑崙諸公

雙旌日暮出孤城，造次移樽十載情。岐路客逢佳節會，
中天月爲故人明。鄉心露坐衣從溼，驛樹烏飛夢自驚。
白首高歌還北望，舊遊詞賦滿神京。

曹溶

送鐵厓先生遊錫山兼懷伯成令君

歲月離多每繫情，春江復送錦帆行。愍荒鄭俠能無繪，
擊楫劉琨舊有名。徑入酒壚聯座密，喜聞津吏稅愁輕。
二泉亭上松濤好，臥聽當令客感平。
潛蛟石竇裂冰花，穀雨甌香照夜槎。直爲猪肝傳治譜，
肯將鴻爪滯年華。篋中句得山光助，艦畔盃隨帽影斜。
煩語行春賢地主，嚶鳴休怨友聲遐。

吳郡秋思

山外高樓俯夕曛，五噫嗣咏正離羣。寒濤不見橫江錦，
沙艸時搖鎮海軍。槎滿吳淞天畔落，秋連鳧雁客邊聞。

長驚竹箭彫疎甚谷口何年盡白雲

語溪夜泊

春水西迴拍岸水重裘不寄冷難勝心窮進退兵戈阻
行遍燕吳歲月增宿鳥依人喧過檻烟巒作雨暗孤燈
千年霸國今存否自向漁樵數廢興

朱錦

中秋墊泊和子璧韵

共君明月讀君歌墊渡維舟良夜過獨樹風疎依碧漢
長空雲靜見天河灘聲不覺樽前入戍鼓偏來枕上多
誰道庾公情興淺登樓無計奈愁何

泊吳門

錦帆香徑是吳宮千載繁華俗尚同遊女競梳雙蝶鬢
酒船斜對百花風萬家燈火星河裏十里樓臺歌舞中
明日擬從河蕩泊直堪銷夏待秋楓

崑山

馬鞍山色望中賒不盡樓臺照水涯塔影吞湖三百里
山根接市幾千家辟疆別墅空啼鳥壽夢殘基徧墊花
祇愛帆前疎雨過高城滴翠落輕槎

細林山過乾一別業

細林峯色雨中看自古神仙隱煉丹雙輦遊來銘石爛
五雲高處閣松寒箕山曾不離堯地茅氏偏能棄漢官
美爾宦情如脫屣園林卜築傍黃冠

寄宋蓼天大司成

翰苑文章重 帝京今推有道作司成
朱衣自異鸕班 色蒼珮平臨石鼓聲
每愧花磚趨紫極 空餘藜火照青
檠何如王儉談經處 日對芙蓉揮塵輕

秋興二首

生平不解學悲秋 老去身名自覺浮
作客豈忘鱸膾想 結廬宜傍杜蘅洲
浦陽江上清風遠 文選樓頭暮雨愁
苦憶舊時供奉伎 殘膏剩腹愧當酬

倏然避俗到林丘 極望翻添今古愁
桂樹浮香疎雨斷 蓮衣夜落墊塘秋
陰山鴈陣連漁浦 茂苑砧聲上戍樓
多少秦時男女去 尋仙不返夢悠悠

曹爾堪

送同年錢介之任成都太守

百花潭碧錦江清 熊軾褰帷萬里行
自愛山川連沃野 何殊岳牧寄專城
蠶叢叱馭風雲壯 藥市攜尊父老迎
亂後新開亭榭好 放衙人靜恰聞鶯
橙材溜雨劍門西 八陣圖荒野磧低
揖讓文翁還舊俗 驚飛望帝啄春泥
觀畱遺箭尋孤鶴 灘落孤舟臥石犀
蜀郡諸生來問字 雲亭淡處草萋萋

秋日南還畱別西樵阮亭次來韻

白髮餘生刀俎餘 酒鎗藥裹送居諸
竟消皂帽游荒塞 淚盡青衫念舊廬
一塲遠隨羈客棹 雙魚期損故人書

孤臣引分江干老賦就閑情傲子虛
相看豈復舊時顏曾玷承明玉筍班
縱解收羝憐漢節偶聞市駿入燕關
何妨滄海同鷗汎却勝遼東化鶴還
爲報藍田知近狀濃陰十畝憇桑間

同年程周量職方賦詩贈行依來韻畱別

高會偏愁別後稀冰絃彈罷手頻揮
橋邊楊柳從人折江上菰葦爲我肥
甲第五侯翻奕譚鎧曹三畧練軍機
大名諸葛資籌策莫送歸帆便說歸

每食無魚歎此身棲遲丘壑謝風塵
秋垂野菊攜書卷曉上寒潮拂釣綸
伍相祠前多病客荆卿壚畔和歌人
著書忘老松鱗蛻醉倚瓜廬斫角巾

張惟赤

癸卯夏五赴

闕登金山和王阮亭同年壁間韻

嗟峨孤嶂插中流萬古金山水上浮
西劃江形排雪浪東撐地軸湧丹丘
空中翠壁鰲爲柱雲外花宮蜃作樓
獨向南溟瞻北極君恩未許戀滄洲

高閣憑虛俯碧波朱闌曲榭繞山河
帶傳畱玉懷人遠賦擬縱金有客過
吳楚雲山圍畫檻乾坤天塹倚瑯戈
卽看崔顥題詩在江上空愁好景多

庚戌暮春宿紫陽山孫子奇山房和韻

綠蘿蔭下草堂餘有客乘槎訪隱居
虹跨斷崖通翠嶂魚吞倒影出清渠
君能長嘯追高致我已歸田賦遂初

永日相將無箇事碧牕坐對自清虛
愁看雙鬢點霜華誰道仙源路不賒學語雛鶯狎柳絮
梳翎瘦鶴啄梨花山容漠漠常含雨朝暈微微欲帶霞
幾度登臨想姑射却疑此處有丹砂

重遊西山和武昔趙子康侯陳子元韻

來從拓落漫爲官爲愛秋容眺遠巒魏闕鐘聲初地迴
漢陵柳色夕陽寒朋儕共有煙霞癖僧供唯餘苜蓿盤
此際清光殊可戀尊羹還憶鹿皮冠

秋林寒氣逼高臺紺宇蕭森桂自開可有孤懷如我輩
早知萬事屬浮埃兩河鳩屛渾無計中澤鴻飛盡可哀
虛負 聖明宵旰日此身端自媿重來

張錫澤

七夕寓石亭寺

旅館棲遲暑氣清忽逢佳節倍含情人間羈客瞻銀漢
天上雙星會玉京鐘鼓頻傳秋夜永笙簫微度晚風晴
年來此夕多離別惆悵明河波浪生

別同季王印周學憲

信宿淹留此息車相逢把酒共踟躕豐城夜動雙龍劍
靈鷲秋遲白鴈書絳帳燈明遙羨爾碧溪木落正愁余
懸知兩地相思切惆悵離亭夕照疎

中秋夜抵江州

好月仍從天際看江邊倚櫂獨盤桓風聲自挾秋濤壯

山勢遙連地軸寬北渚氤氳宿鴈南樓彷彿見鳴鑿
更亮樓應知此日淡閨裏處處清光坐夜闌
在城內

贈若蘭較書

秋風落葉下江津清簾疎簾映玉人窈窕漫誇秦女鏡
輕盈疑是漢宮身中宵歌動三山月綺席香傳四座春
無那客愁渾未減臨風舞罷轉逡巡

中秋後二日偕朱會清陸鳴五集鹿游署中歸舟

玩月

扁舟聊爲故人留錦席俄開足勸酬永夜聽歌難作客
清秋見月欲登樓攜來叢桂金波碧坐對冰壺玉露浮
興至醉看天一色蒼茫還動古今愁

婁東弔吳梅村先生

盛季簪筆擅詞壇俊及聲名海內看稽古桓榮重被詔
哀時庾信強彈冠故知親在身難許欲報君恩淚未乾
南國只今耆舊盡西風酹酒獨盤桓

贈魏叔子次帶三叔韵

招尋酒伴復登臺傾蓋忻逢作賦才絃管風清吳岫出
帆檣月白楚江來聲名漫逐浮鷗去文字還從絕壁開
縞帶欲投相見晚夜闌執手重裘侗

八月十五夜攜尊虎丘招集魏叔子宗子癸姜學

在丁會公吳苧庵朱雪田沈賁園許葵園端臣

張玉行朱氏則家梅崑思咸時帶三叔許賡臣

偶恙不出芋庵卽席賦詩率爾次和

明河如練下微風樓閣參差一望同人醉碧山秋已半
詩成白雪月方中凌霄鶴去名還在說法臺存悟亦空
四海襟期交乍合側身懷古意無窮
問月偏宜載酒呼狂夫名姓動江湖百季歌舞餘陳迹
此夕風騷屬我徒綠樹蕭森連碧漢白雲縹緲散平蕪
只今雅集堪千古拂石題詩作畫圖

槎谿夜泊

薄暮停橈傍曲阿茂林修竹近如何到來古屋煙光暝
望去平橋月色多漁艇乍歸紅葉市酒帘斜颭白雲窩
却憐一片槎谿路偏向清秋夢裏過

柯崇樸

維揚夜泊

艤檝津亭日已曛竹西歌吹正紛紛檣燈密密聯星綴
市語戎戎到曉聞文選故樓空茂草繁釐舊館只寒雲
如何廿四橋邊月猶自吹簫出錦裙

贈晦山大師

昔聞黃鶴題詩句余亦登臨媿後塵萬里從游那可得
十年追慕此相親江潭聽法魚龍出林壑聞鐘虎豹馴
炯炯寸心誰更識采薇當日是逋臣

舟次維揚喜遇魏水叔朱錫鬯程穆倩越宸六

欲從上國趨庭對暫向維揚訪舊遊征路只愁同調少

郵亭偏喜客星留
鄒枚詞賦千秋業
吳楚風煙萬里收
別後相思何處是
數聲哀鴈起汀洲

送沈中立入都

關前北雁已南行
江上南帆又北征
橘柚夢中霜似錦
葡萄杯底玉爲羹
金門獻賦誇枚叔
酒市狂歌識馬生
東閣賓朋誰得並
雲山無限故人情

聞雁有懷翰周弟在江右近思弟在山右

鴈聲嘹唳斷雲間
日暮臨風憶旅顏
南去乍經彭蠡澤
北來應過太行山
雪飛代郡寒偏早
水落洪都道亦艱
兩地相思煩寄語
梅花春信定須還

人日集曹彞士齋次丁燕公韻

欣看風景入春晴
庭院松聲雜鳥聲
促坐論心當七日
銜盃問月到三更
典中白雪皆同調
望裏青山動遠情
勝會南皮猶可續
未教斗酒負平生

黃河卽事

大河日夜走風雷
堤障年來苦欲摧
每發萬金歌瓠子
誰陳三策上平臺
挽漕競渡洪濤急
征騎時過曲岸迴
極目茅簷成水國
麥秋難望使人哀

閏七夕同燕遊諸子雅集寓園

新秋風日滿京華
餘閏重看北里花
湖海才名多上客
園亭勝集自吾家
人間剩說雙星會
天路先乘八月槎
深坐不知更漏短
高樓銀漢已橫斜

銀燭清尊興最饒傳聞七夕又今朝依然綺席陳瓜果
重擬星河渡鵲橋北斗闌干秋渺渺長安宮闕夜迢迢
梁園詞賦鄒枚在猶得追隨大雅招

孫郁

登岱

蒼壁青珪出尚方神靈百代競趨蹌燔柴有典來虞帝
風雨無情逐始皇鞭石曾聞除輦路占雲何必紀芝房
偶來弔古探奇勝萬仞峯頭坐夕陽

細雨濃雲晝不冥石龕羽客寫金經銀河倒挂千峯白
翠嶂平分六郡青遼勝偏能逢地主題詩端不愧山靈
窮幽坐對危巖下澗底笙簧細可聽

施埏寶

九日白溝道中

燕臺佳節又重過匹馬斜陽渡日河萬里關山增慘淡
九秋風物漸嗟峩故人京洛憑樽酒游子天涯感薜蘿
日暮解鞍方暫息鳴笳相迫竟如何

送朱韶九歸里

歲寒尊酒共天涯何事雙旌獨到家媿我久遊忘日月
羨君早去話桑麻朔風萬里催征騎臘雪千巖映客車
此日暫歸歌白苧他時重看上林花

趙州署中有感

十年浪跡總無端匹馬燕南佐郡難白髮老親違定省

言苑 卷之三 十一
青閨少婦囑加餐豈因薄祿輕千里若爲蒼生戀一官
聞說鄙城古趙地平原遺跡願相看

和張淵裕中秋獨酌

碧梧初落月婆娑客裏啣盃可奈何一片清光增慘淡
半生青鬢老風波愁聽戍鼓聲聲急况是飛鴻夜夜過
我媿寒官常寂寞那堪仲蔚亦悲歌

署中秋雨同友人吳衛公夜話

九秋風雨棘城寒客子三年道路難醉後頻添鄉國淚
病來轉覺宦情闌東籬叢菊猶能憶南浦飛鴻不忍看
盡日逢君話離索獨憐短鬢已將殘

送梁菊園之楚

君去三湘秋正涼洞庭八月水聲長仙槎夜泛樽浮白
玉杵閒聽柳變黃異地相思人未遠各天書信鴈應忙
慚余亦有西山役同日分飛淚幾行

桐月吟和朱蒿菴都諫

銀床夜靜怯深秋百子流蘇帳掩鈎小鳳不來花自舞
宿雲空度夢偏浮明珠影落仙人佩橫玉光寒少婦樓
搗藥渾如彈鴈柱姮娥清切不勝愁

風落高枝玉簫秋真珠斜捲掛銀鈎光侵羅襪波紋亂
寒映冰肌麝氣浮子夜新聲吟幾曲楚天素影上層樓
廣寒應有吳剛斧桂兔淒涼伴爾愁

期張笠仙包子園不至

二子扁舟競早歸，留余江上獨依依。豈忘秋後芙蓉老，不念天涯霜雪飛。旅夜幾聽更漏永，客中誰寄薜蘿衣。數聲烏鵲空傳信，時復呼僮啓竹扉。

鴈峯有感

片帆幾過此峯來，偏我逢君獨可哀。家隔洞庭秋更濶，書傳衡岳鴈先回。寧因薄宦風塵苦，祇為高堂鬢髮催。今日故鄉歸未得，春陵明月自徘徊。
時有賫捧之役，役道南歸不果。

元日

未逢春日先元日，人在天涯又一年。花放寒梅梅尚瘦，雪侵殘鬢鬢堪憐。辛盤苜蓿成佳味，時攝鐸芝城逆旅孤燈照獨眠。曉色乍來題詠好，枯腸搜索和新篇。

柯維楨

渡江

征帆疊鼓下揚州，擊楫當年憶壯遊。旌旆臨風空自捲，烟花入暮迥生愁。江迴春漲峨眉雪，地坼濤鳴楚澤流。迢遞客程今漸遠，那堪回首故山樓。

涿州道中追悼二兄作

自憐多病客天涯，詎是春時玩歲華。一望歸鴻連朔漠，幾行清淚染黃沙。晴川過雨通征騎，芳樹籠煙噪晚鴉。猶憶往來同此地，鵲鴿今日倍傷嗟。

桂山探梅

不是春遲二月梅，待邀嘉客草堂開。幽香自不殊官閣

白雪何妨上嘯臺影落笛中人別去香流杯底鳥銜來
勝情喜得逢知己媿乏揚州水部才

寄鄭大培

君從北闕遊三晉我向西江泛五湖絕塞早寒生代郡
秋風落葉滿洪都鄭玄談易同門少玉粲登樓旅思孤
春到相思聊問訊狂來幾度醉當壚

贈晦山和尚

支公白社本風流杖錫靈山象外幽澗狹飛泉穿亂石
林疎仙梵出層樓法堂夜月清光滿講席鑪煙香氣浮
莫道雷何非舊識玄言應許數相酬

柬徐武令

郊園春半百花开置酒嘉賓喜共來媿我邀歡纔永日
羨君作賦有清才林間白社離懷遠湖上青山逸興催
假館不須賢地主長齋自傍五雲隈

春暮送周青士

入春春半百花开良友乘春放棹來花爲春歸偏早落
人當春去却回回三千遠道他時夢九十韶光此日哀
把酒送春兼送別勸君且盡故人杯

三峽橋觀瀑布

飛濤舊說匡廬瀑遊屐今過三峽橋金井一泉穿亂石
銀河懸溜下層霄聲疑秋雨雷仍出色上重巖雪未消
最是留人無限意松杉清韻晚蕭蕭

經大孤山

鄱陽秋漲滿晴湖湖上青峯指大孤塔影插雲浮碧落
鐘聲度水入虛無山連吳楚傳烽埃地控荆揚走舳艫
白雁丹楓正蕭瑟煙波何處是歸途

和陳雲銘見贈原韵

登樓旅客欲思歸到處尋人未可依鄉夢不曾疎遠道
秋風偏自逐征衣西園叢菊花仍發南國清江雁獨飛
還羨良辰多雅集春來攜手莫相違

路入龍門第一關溪雲巖樹總閒閒片帆徑渡三江水
千里來尋九疊山共爾登臨違素願憑君詩句解愁顏
空庭雪滿餘冬釀斟酌應期旅客還

曹國渠

雙寂齋

因邨築室懶求工野色雲光啓牖通湘竹映空隨意綠
安禱照眼盡情紅塵氛欲靜軒當水暑氣難成戶自風
休服丹砂貪黑髮此間不礙白頭翁

灌圃

開軒數畝碧如煙苦習園丁漸自然漢老忘機勞抱甕
杜陵除架費唵篇嘉賓每食俱稱適兼味皆蔬但取鮮
剩有此間戎馬遠時當攘攘獨堪憐

庚辰春日同族人省墓歸飲岳山

東臯風景異當季亂後農安始力田春但有二將及半

歲無滿百莫憂千水邊寂莫探幽句松裏淹留待夕煙
拜墓吾宗須盡醉開襟但願子孫賢

春日泊公安遇僧紫珍漫賦

片帆偶過泊江湄耳目皆驚異昔時一縣荒桃空照水
諸園怪鳥亂啼枝幾朝聖蹟逢僧述故里文星見石知
有碑刊袁中郎故里予本有懷難免淚風流零落竟如斯

雨集笠庵同王季豹帥君卜朱璞庵蘇王在劉衍

蓀隈韻

疎籬却喜四無鄰雨久琳宮自遠塵座上主賓難世合
山中骨相半詩貧鳥因院靜閒啼柳花待晴薰欲照人
共立竹扉看綠野一聲牛笛過前津

贈太守袁籜庵

一舫追隨罷釣竿漁人禮數幸君寬久傳樂府如花艷
但聽清言當玉餐才大堪驚休怪世奕閒可樂不宜官
客裝雖盡交知滿入坐何常廢宴歡

園暑

幽居事減北窗涼野客來傳種樹方病葉下階閒蝶趁
墜蟲粘網暮蛛忙竹邊月上池畱影籬外風來稻有香
何法可能消毒暑此心無累對垂楊

毛穎美

送王離非之上猶時吾邑筇紫慧官此

布帆遠映足幽尋一葉瀟湘一褱琴石上水邊三日語

尊前花底十年心江南風景詩兼畫今古憂愁位與金
此去歸期應未定尺書好爲寄來音

鴈字詩

振羽修翎到碧天長空萬里寫雲煙聲音已是開闢後
點畫還疑摩盪前纔看人形來鬼哭始知鴈影起龍眠
蘭亭真本流傳少飛向昭陵紀舊季

楊際會

字元次枝江人

與舅氏翼公訂遊山之約

夢到名山也破顏於今猶自阻躋攀雨中正練青溪水
雲裏雙鬟紫蓋山舊有仙翁遺藥井新添詩客叩荆關
來季不負三春約載筆囊琴任往還

顧理美

已酉十月曹顧菴學士歸自武昌示秋懷詩踵和
蕭森極目總離愁莫遣空庭夜氣幽山鬼傍人三楚月
野漁知已一沙鷗驚看殘粉芙蓉暮倦聽哀絲絡緯秋
只有雲峯還未老好將篔簹笠伴歸休
南溪樹老石如磐點點秋來作紫瀾邀月江樓方踞坐
浣花錦水不生寒夢回鳩鵲催簪筆歸去珊瑚拂釣竿
黃鵠山高連夏口空餘戰壘夕陽看
北來雲氣正鴻蒙聞說旌旗泰岱中嶽麓五花屯蜀紫
平原萬鏃飲猩紅南飛木葉如驚鵲夜霽關山急斷鴻
不獨相如能諫獵只今瑣闥有遺風

煙霞爲築石爲籓祇許羊求到小村麴號尚書原不賤
詩逢仙客自言尊連宵雨氣昏河鼓十月龍腥過海門
搔首問天時一嘯何當碧漢落金盆

和歌客歲暮雲平前輩風流最有情許國並誇雙妙絕
東阿重令四筵驚竹深大滌秋俱靜帆轉潯陽月自生
此地偏能畱學士黃州隔岸武昌城

葉 霑

少年行

錦衣驄馬出長楊常帶吳鉤百寶裝渭水乍經春草綠
章臺又見柳絲黃從軍河北隨驃騎結客天涯典驕驍
醉向五陵風月夜鳴鞭何處聽笙簧

宋 際

早步海塘

秋蛩催夢故柴關獨望滄溟曙色閒雞犬依稀聞越嶠
煙雲縹緲見金山張融作賦才真健徐福求仙去不還
却怪怒濤偏激岸誰能強弩射波間

闕里

闕里從來入夢思于今書劍得栖遲宮墻自是高千仞
瞻拜何能贊一辭檜樹敷榮畱手植杏壇設教憶當時
皇圖帝業終磨滅日月雙懸萬世師

寄伯尚木

麟符熊軾出幽燕屈指于今已八季鱷去檄搖滄海月

言苑 卷之三 十八
珠來光燭九秋天竹林侍燕人千里官閣揮毫賦百篇
黃霸勲名應入相莫言歸種鹿門田

贈交州蔡使君翼章

分符東國古諸侯河濟雙縈碧玉流花滿陽和迎劍珮
象懸霄漢映奎婁車書猶仗鍾離護清白應爲善果留
賓佐琴樽明月夜嶽雲樓是庾公樓

登書雲臺

望雲卜歲有高臺振策登臨落照開松檜千尋洙水上
煙霞百里岱宗來折腰自愧陶潛隱觀樂誰同季札才
數月羈栖真孟浪欲隨飛燕向南回

渡河

蕭蕭襍被下黃河千里蒼茫入望多無數漕艘輸玉粒
有時釣艇發漁歌長虹映日橫青嶂雙鷺隨風戲白波
愁絕夜來高濁浪揚舲擊汰意蹉跎

贈周釜山先生

解組歸來白苧城九峰山色照顏清春風笋蕨僧厨飯
秋水蓴鱸漁父羨棋局有時移別墅賦詩無暇問蒼生
慚予疎陋遲陪侍可許攜樽聽曉鶯

送族叔荔裳入朝

紫泥新 詔下明光整佩將趨日月傍楊柳風和喧歌
吹桃花水暖送牙檣蒼生引領思安石 天子臨軒爵
宋昌自愧枋榆遲遠道遙從雲際望翱翔

錢士賁

次歸元公病中雜詠

秋高落鴈菊初黃有客衝泥過草堂拂石彈碁忘世久
連吟閱史引盃長人稱阮籍迂偏怪獨喜嵇康老更狂
問字何須揚閣裏得君揮麈飽奚囊

題子猶拙逸堂

竹光團影蔽幽居短檻疎花興有餘世入鄭園爭夢鹿
我臨莊濮已忘魚柴桑逸致同元亮丘壑高情羨幼輿
三尺釣竿百壺酒不教君拙定何如

題張忍齋先生祖德堂

澎湖東去卽浮家樓閣叅差隱夕霞衫袖重黏柔碧酒

詩題簡料小紅花應劉入座催班管蠻素徵歌隔絳紗
報道涼蟾光欲滿後庭准擬茁新葩

同孫昭令先生遊谿默分韻

烟煖沙青艸色回忽驚排闥故人來穿籬影亂初橫杖
隔水香傳未盡杯綺句豈輸東閣遜柔情已倒玉山裴
最嫌村叟無詩料浪把調羹誦堊梅

泊采石懷曹顧菴太史

石色玲瓏江水寒蒼茫烟雨似輕紈空山落月懷人夢
疎樹聞鐘任客鞍難擬列仙風御冷漫同賈島字吟安
峩眉亭畔愁心劇攬勝何妨行路難

和錫山鄒流綺元韻

狂歌快飲別離輕坐聽疎欄落葉聲斜照漸隨秋水淺
殘樽還對晚山傾季膺志迥鱸魚釣司馬名高座客驚
此日旗亭兩分手不堪帆影逼蕪城
楓葉初黃寒色輕閒庭幾尺雜秋聲情知王粲登樓劇
酒擬陶潛對月傾吳樹片帆孤鴈影越船暮雨曉猿驚
慚予牢落衡門晚爭羨君才五字城

風雨匝旬兀坐荒齋惟庭中叢竹數枝日夕作伴
蕭然之况人與物同焉賦此以自解

傲骨冰心世罕知清齋蕭瑟兀居時烟籠古翠逸鶯路
雨襯寒光入墨池招友不來仍獨臥聞鐘強起又催詩
參差常伴堦前影只有交情似此宜

柯鄧枚

懷友

菰廬有客舊爲羣別我音書杳莫聞人隔漫同千里月
鴻飛如失萬重雲秋江露冷楓全落大澤天空水不分
若向長安仍賣藥姓名應已早知君

過魏孝儀園居畱飲賦謝

勝絕名園結構新羊何賓客讌遊頻曲池水落移蒼嶼
隙地林疎補翠筠謬以葭莩容款謁敢因游眺見情親
醇醪既醉歸途晚更憶梅花隔歲春

送別陳煉師訪道勞山

憶昔茅堂結構時仙人採藥意遲遲幾年學道寧無得

此日攜筇何所之
丹訣傳來應自慰
白雲深處遠相思
盧耽漫惜今長別
跨鶴歸逢諒有期

送別寓匏大兄翰周三兄入都

共道長安行樂地
看君挾策自驅馳
金臺雲繞連秋翮
玉漏聲高對紫芝
燕市月明他日夢
胥江雨夜客中詩
趨庭若問家園事
爲報平安慰遠思

鄂王廟

檜栢森森繞墓垂
短墻猶護向南枝
湖山不解中原恨
風雨如聞北伐師
澗水潺潺樵子下
楓林片片野雲吹
悲歌莫問當年事
憑弔遺忠只在斯

九日遊北山草堂和張闇公之作

吳晉蕃

同朱且漣冷泉亭玩月

風動疎林雜管絃
石臺人靜遶飛泉
偏因山色皆成醉
爲愛松陰不欲眠
磬響雲留述古寺
花香月上悟逃禪
與君未盡登臨興
散步長吟翠壁前

秋日道經福山有懷

邊海波濤月倍明
涼風瑟瑟塞鴻鳴
山河慘淡寒烟滿
城郭蕭條秋草生
沙畔健兒朝射獵
軍中少婦夜彈箏
那知獨醉葡萄酒
采菊尋山更有情

送友人入都

醉攀楊柳贈同心
一曲鸚歌情倍深
鸚鵡洲邊曾化雉

芙蓉巖畔舊鳴琴
片帆南浦述芳樹
匹馬燕山聽暮砧
聖代由來崇卓異
行看特擢重當今

雨中雪峯過訪留飲

淒淒風雨暗江城
綠樹空階烟霧生
幸有故人投縞帶
詎無濁酒共尊羹
千峯翠色簾前滿
萬壑濤聲檻外鳴
握手莫忘鷄黍約
玉壺叩罷不勝情

同張越九梅崑南湖舟中賦贈馬校書

扁舟容與對芳菲
共泛金樽坐不歸
皓齒乍分寒玉細
黛眉輕蹙遠山微
鴛鴦顧影湖邊出
蛺蝶尋香座畔飛
爲惜傾城難再覲
流鶯啼處柳依依

虞峯道中喜得王李二子新詠

高峯遠眺憶良朋
幸獲瓊章似少陵
才壓雲霄詞俊逸
氣吞江海勢飛騰
清風樓畔思王粲
夜月溪邊念李膺
何日碧筒相對飲
長吟白雪共疎燈

南郊訪菊

得豪字

金英浥露徧南臯
瀟灑東籬秋正高
爲愛孤芳穿曲徑
還憐幽艷泛輕舸
臨風屈子餐新蕊
對月陶君醉濁醪
乘興長吟叢菊地
滿頭斜插共揮毫

賦來青樓海棠

一庭紅影繞飛觴
濃淡芳枝春恨長
樹接雲霞凝曉露
花垂樓閣映斜塘
睡容故向風前舞
醉態偏宜雨後粧
爲惜芳菲不忍去
清歌幾曲斷人腸

送張蓼匪夫子赴任秦中

天書初下未央宮，百二山河保障中。
樽酒暫同江上月，片帆相送驛亭風。
隴雲朝度旌旗遠，渭水遙迎車騎雄。
此日撫綏多壯畧，佇看博望著奇功。

山居秋望

誰家砧韻徹簾櫳，流水潺湲聽不窮。
幾處秋風寒薜荔，數聲微雨濕梧桐。
江天萬里驚鴻度，雲壑千重蕭寺空。
索寞不堪愁裏望，開樽漫飲碧溪中。
露下風高行路難，秋光萬里接江干。
城中暮笛吹霜冷，溪上殘潮帶雨寒。
楓落樓臺迷碧渚，身依雲樹隔青巒。
獨憐人事淒涼日，躑躅天涯不忍看。

宋慶長

登金陵憑虛閣

憑虛高閣出風煙，遶郭青山四望邊。
玄武故湖波渺渺，臺城遺址草芊芊。
登臨不盡興亡感，俯仰頻傷戰伐年。
王氣寂寥形勝在，空餘霞刹禮金仙。

同金蓬山宿葉謝渡

薄暮維舟古渡邊，碧雲紅樹晚晴天。
江湖滾滾寒逾急，仙梵微微遠更傳。
白苧故城應入望，黃龍極浦更相連。
與君乘興看明月，夜半烏啼客未眠。

錢葆勳澹遠堂雅集分韻得嵐字

清秋高會恣雄談，彩筆分題酒半酣。
神駿自能空冀北，

詩苑 卷之三 二十五
才華應不讓淮南涼
颺入苑催丹桂素月臨山靜翠嵐
醉後欲騎黃鶴去白雲淡處覓蘇耽

中秋無月

颯颯涼風催落葉
可堪薄暮亂層雲
堂空尚有孤樽在
埜曠惟餘一鴈聞
自別長檠誰共語
淡憐短褐久離羣
夜闌猶是殷勤望
何處清光炫露文

八月十六日獨酌懷兄峩修

康樂羈栖白苧城
銜盃獨酌不勝情
露華更覺今秋重
月色猶同昨夜明
黃入梧桐枝漸老
紅催橘柚實還成
庭前徙倚一長望
塞鴈參差北斗橫

送吳日千

玄宴先生真我師
閒齋數載喜追隨
歸心鴻鴈南飛日
祖帳梅花欲放時
話舊只憐燒燭短
談詩不覺舉盃遲
別來應有瑤華句
尺素時傳慰別離

金陵旅思

白下栖遲意若何
鳴鳩飛燕落花多
春風酒肆黃金柳
細馬胡姬紅錦靴
鍾嶺晚雲開綺繡
秦淮夜月簇笙歌
羈人自是多歸思
懶向長干振玉珂

送兄峩修之任曲阜

伯兄高苑絃歌日
仲氏褒成典樂時
南國桓山嗟獨鳥
東方玉樹喜連枝
馳驅賴爾光前業
溫清憐余仰至慈
河濟江淮同一水
鯉魚時望慰相思

長至前一日辭家

高堂置酒夜霜嚴明日懸知綵線添
序啓一陽偏話別
祿廿五斗不妨廉山川自此經過遠
骨肉從今夢寐兼
若到天門望吳會白雲應在九峯尖

贈吳門湯石舟

朔風獵獵渡汶河爲訪伊人感慨多
家在闔閭城下任
年從鄒魯客中過遙知程邈書無敵
轉羨長康畫若何
爾我乾坤行役者屢憑歸夢越烟波

鍾期齋

寄慰季給事謫所

霜花秋冷逐臣衣矯首榆關祖道稀
折檻已難邀
帝

眷望雲何處問庭幃莫將諫草逢人示
好把音書託鴈
歸此日單車辭故國啼鳥空遶掖垣飛

廣陵懷古

邗江日暮泊輕舟惆悵遙悲帝子遊
煙鎖垂楊新戰地
鳥歌殘苑舊迷樓雷塘豈是來時路
玉樹空留異代愁
爲報當年陳後主韓擒虎亦不封侯

景州道中

廣川城外水凝竅九月天寒雪作花
野戍馬嘶滄海路
秋風人度衛河沙叅差漫折條侯柳
寂寞猶憐董相家
悵望南皮應不遠舊時賓客祇咨嗟

迴龍庵雨懷

茸城秋氣正蕭森不盡寒風撼暮林孤館醉眠時聽雨
故人星散少談心潮生古渡扁舟急日落橫山大漠陰
憔悴自慚方外侶休將短髮問浮沉

簡臣枉駕賦贈

短逕萋萋草遶廬故人相見漫踟躕已隨細雨登溪閣
更遣涼風送鹿車懶性我應同叔夜賦才君合比相如
休嫌世外煙霞僻有鶴能攤種樹書

尊客見貽冷鷗堂集賦酬

風雨聲深夢寐天鬚眉寧肯受人憐荔枝信杳期同調
蓴菜羨香憶古賢白苧城西遲蠟屐黃花逕畔繫漁船
懷君耿耿如明月珍重瑤華寄數篇

馮守真

穀日集六益梅花書屋同峇山雙白研銘閱石蒼
水葆芬文子友聖分得寒字

冬來積雪似梅攢喜邁晴春話歲寒瞥眼條風當穀日
賞心艷蕊動林端勝情上苑風猶在清影羅浮月欲殘
正是負冰魚味美可知貧缺爲誰彈

送陸孝曾赴徐蘭臯司李之招

幾回握手共依依別思紛紜夕照微吳市尊開楓葉下
燕山人到雪花飛不愁逆旅逢冬日自有交情念客衣
聞道上林春信早苑梅先寄一枝歸

登西寧海岳樓同張憲副蓼匪賦

天空落日共登臺，徒倚層軒海岳迴。
客夢久懸萬里外，音書誰寄數行來。
丹山白雪寒相對，紫塞黃雲黯不開。
痛飲葡萄消旅思，那堪虜策更生哀。

行經華陰

華岳岌嶷出半空，停驂遙望帝京雄。
黃雲萬里低秦樹，清渭千潯繞漢宮。
曙色曉臨仙掌動，春光晴散石蓮通。
武皇祠廟蕭條盡，昔日繁華想像中。

河湟早春次范樹鏃韻

西域延清烽火通，千峯殘雪度歸鴻。
氏羌拜朔知傳曆，村社迎陽繫彩虹。
邊國論心尋舊雨，中原攬轡動春風。
迴轅莫後山花發，漢寧論文已薦雄。

時樹鏃將往都門

九日鄯州城樓登眺

天畔危樓覽四荒，蒼茫獨立鷹千行。
西羗日落清砧急，北塞秋深畫角長。
澗靜碧流疏宿雨，山高紅葉暎殘陽。
隻身異地多憔悴，愁對茱萸憶故鄉。

送張紫垂計偕北上

丹楓白苧朔風初，惜別臨歧悵望餘。
夜雨蓬牕三寸管，夕陽驢背一囊書。
張華博物來京國，司馬凌雲奉屬車。
明歲看花燕市暖，先分春色到荒廬。

秋日感懷

孤城秋色散斜暉，萬木凋傷掩竹扉。
海霧江雲晴亦擁，丹楓白鴈夜還飛。
一身天地今蓬鬢，十載風塵此布衣。

憐我滄洲棲獨穩莫愁搖落壯心違

蕭蕭木葉下空山遙憶嚴親淮楚間坐對芙蓉當夜落
行看桂樹及秋攀江湖漂泊孤身老南北馳驅兩鬢斑
愧我未能承菽水碧天凝望白雲還
維揚自古繁華地憶惜經過半艸萊隋苑樓臺兵後火
吳宮羅綺劫前灰瓊花斷絕秋風冷碧柳參差夜雨哀
最是笙歌無限恨大江千里盡東來

贈閩中趙雙白

七閩獨步有斯人寄跡萑鄉作比隣開徑友朋知其賞
連床吟嘯喜相親九山蠟屐雲霞麗百代持衡意氣真
莫道秋風催旅鬢鷹行循績動 楓宸

魏坤

秋懷

萬里經年事鼓鞳秋深戰苦陣雲迷鐵衣霜重驚寒早
畫角風清入夜低使者乘槎空泛海將軍奉詔又征西
請纓未遂終生志總有微言類滑稽

天涯回首悵離羣獨酌高歌倚夕曛萬里懷人愁入夢
十年作賦憶凌雲鄒枚此際真無侶屈宋當時僅有文
一自秋風搖落後不堪羈思日紛紛

秋風燕市正蕭條霜滿高城木葉彫羌笛吹來山月澹
羽書馳去海天遙五陵俠客空彈劍三輔雄才媿射鵰
天上更傳乘八駿周王西採白雲謠

言苑 卷之三 三十
贈慧潮上人

當年白社早知名汗漫從師事遠行曾向祖山畱半偈
重來蕭寺說無生禪心清絕疎鐘夜詩思閒銷落葉聲
想見西川杯渡處一灣秋水蓼花明

魏哲嗣

送虞山蔣謂公還里

碧檻清樽對夕陽停罇便欲唱河梁鶯啼上苑春風早
雁度江臯秋雨涼笛裏花殘驚客夢山前葉落滿歸裝
琴川煙景清如畫他日相思舊阮狂

除夕有懷家大人

冬盡偏愁客舍寒天涯誰薦五辛盤雲連巫峽猿吟香
雪滿衡山雁度難栢酒醉當春色早梅花開向驛樓看
年來宦跡多畱滯空憶追陪此夕歡

泛湖值雨

千巖迴繞向溪流共泛扁舟遣暮愁細柳營前調戰馬
藕花叢裏狎沙鷗山頭日隱雷鳴壑檻外雲生風滿樓
羈客同耽湖上酒閒看落葉萬峰秋

寓中秋懷

偶乘青雀入湖遊湖上晴峰翠欲浮樹色微黃初染露
荷衣盡褪已含秋紫簫吹罷歌樓暗白鷺驚飛漁網收
不是良宵容易度畏人重說故鄉愁

雲臯姪同余客武林感疾兩月未痊詩以訊之

纔別雲山臥薜蘿近來伏枕更如何已驚九辯霜風入
偏是三秋客病多書案晝閒花影亂孤燈夜永雁聲過
遙知老母應憐汝珍重加餐起舊疴

、和白谷禪師贈當湖陸鶴田先生韻

細雨澄江促去程如君道法甚崢嶸故人舊是廬山侶
殘夜猶看璧月生水繞珠樓帆影動雲離雁塔衲衣輕
能將空鉢添香粒時鶴田贈師玉粒 繾綣還存支許情

、九日柯翰周招同諸友宴北山草堂

是處秋光足遣愁良朋相訂草堂遊到來三徑松陰合
坐久千峰夜色浮雲隔高天分雁影霞明古渡亂漁舟
勝情令節恒難再對酒當歌屬吾儔

孫 藻

、擬萬壽節應制

南山積雪晃龍旂列伏嵩呼率舞遲瑞葉乍開初月柳
好花爭發萬年枝金莖賜去霞為珮青鳥飛來玉作池
此日昆明叨侍從夜珠應照曲房芝

、走馬燈

蕊珠蘭燼漏初殘不夜城邊戰未闌魚陣恍從天外落
馬蹄偏向醉中看為憐奔走驅人易不信風雲出塞難
宴罷華堂佳興愜猶留清影照春寒

賦別吳門姚茵湄曹介昭

木蘭舟上惜分攜歸路遙從香水湄夜雨難忘金谷聚

客程無限柳條垂五湖春草孤帆遠百里風煙尺素遲
此去懷人難命駕支硎山色繫相思

澶署花朝

河朔鶯花總寂寥夢回不省是花朝
簾櫳曙起寒仍峭
堦砌陰多雪未銷
杏雨寄愁空脉脉
柳煙殘醉更迢迢
銀箏畫舫胥塘畔
想見輕紅徧野橋

九日登雞鳴山

秋日平原蔓草荒故宮何處問宣房
河吞廢壘愁雲白
城擁寒沙落照黃
天外鄉心隨去雁
檐前晴菊佐飛觴
獨憐醉裏還扶帽
翹首關山正渺茫

送郁遜膚表兄之任永豐

才名久矣重三都此去褰帷望更孚
紫綬新看迎竹馬
銀魚初綰試仙鳧
江連彭澤遙通楚
樹引潞城近接吳
到日定知饒治行
徵書早下慰葭葦

張世定

送友人遊燕

十載悠然臥薜蘿壯遊京國意如何
聽雞曉趁吳關月
走馬寒經易水波
客是季心能任俠
人逢燕士擅悲歌
匣中久動星辰象
紫氣遙看鳳闕多

咏雪和韻

開閣重陰滿四荒
長空飛絮正茫茫
輕餘洛浦神妃態
寒入盧家少婦堂
錦石千門催擣素
桂枝五夜欲傳香

臨風一奏桓伊笛吹落梅花轉斷腸
半撲瑤階半薄幃玉臺曉日靜含暉已過蓬島誇珠樹
更入龍堆暎鐵衣積素但能隨物化重陰何用假寒威
梁園有客偏能賦莫問繩樞巷裏飛

湖心亭

水上層樓曲檻低湖光草色遠離迷屏開翠嶂千重繞
雲擁孤城萬堞齊載酒客歸殘照裏采芳人去畫橋西
舊遊樂事渾難憶只有雕梁紫燕棲

風

無端初起洙波紋何事閒吹嶺上雲鵬羽扶搖應借力
柳花飄蕩總隨君輕迴趙帶翻新舞斜拂荀衣散夕

只有離筵倍惆悵蕭蕭壯士不堪聞

郭展縱

宿金山寺

寄榻茲山興倍幽微茫燈影見揚州烟迷兩岸江疑合
浪拍孤峯地欲浮客夢驚殘松逕雨鐘聲暗帶海門秋
聊將舟楫平生意試向長空問碧流

遊橫雲山

錦帆春色泛江晴隨意尋芳結伴行石畔危橋雙澗水
樽前落日一林鶯謝公不淺登臨興陶令原無簪笏情
太息麗秋荒蘚在有麗秋堂舒章先生所創草堂人往月空明

都門有感

西風攬轡上金臺使我雄思萬古開短褐年來還失意
長楊賦就孰憐才酒家醉臥人難覓山寺狂談夕未回
南望故園征鴈斷白雲紅樹不勝哀

泛泖

呼朋載酒狎鷗羣日冷風高木葉聞數里萼香孤艇路
一湖秋色半峯雲漁歸渡口吹寒笛塔倚天邊倒夕曛
最是臨流無限意烟波渺渺望中分

歲暮寄懷趙尊客

知君心跡類羊裘垂釣高吟少可儔無米且炊三泖雪
有花能遣一年愁清樽欲對嵇康鍛明月思登王粲樓
寄語東風梅發後好攜襪被共扁舟

唐采

和友人姑蘇懷古

梅里人歸風漸華荆南復見霸圖奢香飄響屐千門月
煙落吳宮幾度花石室馬嘶悲范蠡水犀軍沒笑夫差
那知越絕書成後羅綺傾城已萬家

別粵妓鸞翠

伎善箏

雪下紅樓香夢遲唵仙恰爲秦娘癡半床翡翠聯雙翅
一枕芙蓉小折枝風便掛帆神女浦沙乾把酒竹郎祠
蘆花灘上今宵別未識彈箏又幾時

宿龍汀驛

殘蟬嘒嘒復啼蛩月隱溪南人罷春燕子晚潮隨浪起

龍江春酒撥醅濃虹垂絕巘遺秋艷雨過羣山倩碧封
送盡行人離別恨驛樓曉鼓夕陽鐘

泥美人

想像風儀亦自佳亭亭纖影落空齋馬嵬墮粉還生艷
響屣遺塵復作娃巫峽水長終怯渡黃陵廟遠又誰偕
為看泥絮心須冷休妬屏間十二釵

殘春

遊絲芳草澹斜曛繡被無煩覆鄂君筓長迴廊容翠繞
花飛小院任紅紛悠揚竟似溪邊蝶去住身如夢裏雲
陰就便垂閨閣淚花牋疊寫斷腸文

追悼

風拂晴楊絮作塵暫於懽笑久於顰空梁泥濕來新燕
小院花開失舊人彩管多情猶在夢紅兒去我更無春
神傷奉倩哀陰在莫是今生托後身

紅兒指公室侍婢也

周規 字象員上海人

九日

西風吹老鬢蕭騷喜得登臨有我曹古寺看花忘作客
斜陽對酒笑持螯吳楓處處開丹嶂湘竹家家擁翠濤
醉倚碧天歌未罷半輪寒月雁聲高

感事

花枝寂寂燕來時又向花枝起舊思催去有潮黃浦晚
話歸何處碧山遲酒腸易滿愁中月客鬢頻驚夢裏絲

小憇半窓寒雨後誰家橫笛一聲吹

施鴻

別竹

連江學署窓前小竹數十竿搖風弄日意態親人嗟覽之餘侶此而已將別不勝惓然

種得窗前竹數竿蕭蕭嘗作古人看風能弄影顏如舊

雪欲披枝體不寒沙嘴千頭穿曲徑溪南半里傍前灘

白沙有竹數千曲逕臨水江南鄭簡心所居有竹半里傍小溪予嘗攜友一再遊之對君免學丹

陽尹七載於今嘯咏寬

遊鄭一水簡心昆玉別墅賦贈

翠竹千竿傍水涯幽深斜引入疎籬潮平潮落漁人信

花謝花開野老知閒寫數行商我友久畱斗酒慰君飢

煙蒼月黑門將閉攜手行來不覺遲

題雙白蓴廬

幽居何必在山林門掩城西一水深詩徑文園邀素友

田家漁艇託清音盤桓暫與湖雲對鞅掌還將蓴菜尋

強欲居卑師柳下為君今又起歸心

黃元埈

鄭孟章訪余雲間不遇賦答

鄭原署寧州篆

君愁索米向長安我笑鮎魚滯一官舉世浮雲眼自白

當譚對酒月更團屐移南國徒懸榻人在西江憶授餐

相過不須題鳳字興來宛在剡中看

燕邸守歲

用前輩劉漁公韻

儼住金臺豈夔嶧一燈微逗曉春寒羞看蒯劍鋒猶在

醉聽天家漏未殘此夜人將旋磨蟻明朝事孰當門蘭
懸來桃梗倘能語荏苒知非意已酸

遷次猶然見舊官陽關暗疊夢中看鄉儻市舞寧忘夜
馬跡風蓬且暫安問訊不知三徑竹隨人應對五辛盤
春風歲歲嘗無味霜鬢何關心尙丹

癸丑元旦

漁公原韵

幾度春光旅夢餘十季不調意何如吞雞有術疑浮誕
駕鶴誰人上碧虛雲物隱然知蜡臘鬚眉不自認權輿
相思椒酒遙分歲薊北江南一雁書

雪中渡黃家嘴

附大工甫就旅人未許從岸

維江有汜夙會謔此日迴瀾喜若何倦馬春淡騎白雪

孤帆雨急亂黃河人皆爭渡誰居後心若防堤自息波
不用負薪勤 廟算樂成况是客中過

徐揚高

曉達山塘投端如上人精舍

碧霧初開曲徑通半塘斜入梵王宮扁舟客自烟波至
蘭若僧原意氣同影散玉除明月落香飄金粟曉雲空
不緣塵外有知己此日何來虎阜東

陳椒峯表弟以學文堂集寄往維揚賦贈

因君負笈向江天散帙隋堤綠浪邊上客繇來東閣聚
清音應到廣陵傳子長文自名山出天寶詩同信史編
知爲救時多述作不將月露屬連篇

毘陵客邸同叔姪兄弟九日讌集

盍簪九日蘭陵客本自烏衣凋謝家原上詩成秋既晚
竹林人醉月初斜故園堪對華亭鶴岐路偏親陽羨茶
有叔分居陽羨偶會旅中漫把茱萸惜分手明朝猶恐各天涯

游楊氏園聽伶人歌

客裏淒清老歲華偶來金谷柳棲鴉曲池環碧垂虹影
朱閣藏陰結綺霞楊子亭中歌玉樹桓伊笛裏落梅花
高王蕢酒梨園會聲伎今誰似內家
唐王之渙等三人會梨園於旗亭

成咏

澄江十信庵晚眺庵係故宦別業同人指點慨然
僧伽籬落傍蓉城籬外平疇曠望清柱渚含暉纖月起

遙林成錦落霞明烏臺舊苑霜鐘度虎旅精藍畫角鳴

山門有汛兵守宿

好似新亭風景日興言往事不勝情

秦郵道上哭沈大雪峰

故園風物迴蕭蕭一寸心隨草木凋去國關山徒淚盡
感時花月總冤消嵇康視影分陰後向秀尋聲舊侶遙
此日北徂愁思切攜葉空對廣陵潮

自鴛湖重經茗水

一路清霜點客船去家百里思依然宵歸夢破南湖月
晚泊寒生震澤煙荻岸吹花搖白雪楓林倒影瀉紅泉
秋江景物傷心麗採菊誰將鶴髮邊

十月朔夜因夢追悼

塵汝東峰白石磯多季黃葉夢猶歸羅浮山下穿花似
華表雲中化鶴非節到小春人未返心傷寒雨蝶還飛
泉 我有雙親在好侍温清莫暫違

遇富秦公卽事賦贈

霜落嚴城客未還寒花滿眼鬢添斑
轅駒苦局風塵裏野鶴欣逢雲水間
採藥空傳徐福島垂綸應傍富春山
多君有術能遺世樽酒探奇一破顏

題半塘寺閣

講樹傳來晉代遙歸然高閣尚凌霄
平臨茶墓峯頭月俯對鴟夷江上潮
黃鶴渾疑吳苑起紅霞不共館娃消
只緣蓮雉畱雄勝憑弔何堪數六朝

尊閣詩藏選目

漳浦趙 炎二火輯

泰興季振宜滄葦 華亭王 楨微士

曲阜孔胤樾心一 上海葉尋源丹需 定

周茂源 許 友

何元英 許 賓

稽宗孟 盧元昌

王士祐 周宸藻

施維翰 錢邦芭

許朝礎 王日藻

田種玉 王日高

富鴻業

李贊元

秦松齡

洪士銘

徐 緘

蕭 震

宋慶遠

紀映鍾

顏堯揆

陳昌國

周 綸

王頊齡

王九齡

史大成

魏學渠

徐 惺

陳維崧

李振宜

鄧漢儀

閔 瑋

許 旭

沈道暎

唐 采 再見

錢以埴

路雲彪

瞿之衡

戴本裕

郭登龍

林 芄

鍾 且

張光鴻

沈亦孟

尊閣詩藏選目 終

詩藏

七言律

尊閣詩藏

漳浦趙 炎二火輯

泰興季振宜滄葦 華亭王 楨微士

曲阜孔胤樾心一 上海葉尋源丹需 定

周茂源

同盛珍示進士為夏考功夫婦合葬

岡頭刺眼杜鵑花手為披榛覆淺沙媿我餘生非杵臼
多君執義類侯芭荒祠麥飯經季缺破冢魚燈此日賒
堪歎平陵松柏在國殤歿後久無家

宋荔裳觀察邀集南園分歸字感懷直方中丞

小苑春郊隱翠微壺觴如故主人非繁花錦石空堂在

羽節文螭幾日歸度曲愁聞新白紵圍碁尚有舊烏衣
哲兄那禁亡琴恨我亦山陽老淚揮

東張蓼匪西寧備兵六十初度

隴月洮雲萬里行西來善馬貳師城歸田止帶紅榴種
入塞先吹玉笛聲客滿城樓將進酒花飛曲榭正啼鶯
赤松隱處家山近莫怪辭封去漢京

首夏集農山齋卽事

右軍亭子麗譙西共泛蘭船過笏溪謝豹聲中花信晚
吳蠶浴處桺煙低酒無大戶寬監史詩賴長城慎品題
織月初生帚屐散畱髡不住惜分攜

隣叟邀看芍藥

風定江邨白日斜相攜朋串過隣家山翁滿酌醪醪酒
野圃晴開芍藥花巢慣軒楹來舊燕聽殘鼓吹有新蛙
知君手註農書久我亦東陵學種瓜

張繡山之任修武

鑄書成後再鳴琴王屋山南沁水陰乞地丹砂堪吏隱
譚詩白雪見臣心三河驛路垂楊滿六月津亭翠竹深
他日蘇門聽鳳嘯可能屏騎共招尋

輓門人王嶽文

時八月十五夜飲徐
叅戎幕中無疾而逝

爭說才名定勝藍閒居尤喜共清譚長先一日予真忝
文可千秋爾不慚痛哭人琴惟有弟虛畱紙筆更無男
最憐舊約同耕釣未得移家到浦南

山陽笛韻久難聞那忍悲麟又哭君埋玉千春無白日
修文九地有青雲大招穎禿吳中士哀輓聲喧海上軍
倘遇童烏應一笑生天鸞鵠好同羣

社中以南郊訪菊詩索和

諸君訪菊在高秋予亦江村物外遊信馬閒過黃葉寺
微陰獨倚夕陽樓俄驚尺素催詩句惜未東籬共酒籌
開到此花花欲盡爭教霜鬢不添愁

城隅晚眺感懷

當年臺榭瑁湖東此日驚看戍壘雄燕子初歸春雨後
桃花半老夕陽中身居故里還如客天許閒人竟作翁
抄得方書嘗禁酒獨將心事寄枯桐

許友

載酒江頭別用始重遊粵東

亭亭畫舸倚寒津斗酒同君起數巡劍氣每分虹電骨
文章敢負雪霜身一江梅雨歸殘夢兩地荔枝憶故人
閒記昔季曾到處驛樓村店句猶新

送鄭一作客

苔繡銀刀佩古囊雞聲勒馬著衣裳揮杯滿日皆朋友
亂世何人在故鄉斷岸孤舟千里夢曉天殘月萬家霜
悲予獨自看花後春柳淡深冷艸堂

何元英

寄友

長安雪盡解征袍擊筑悲歌處
士豪短缺未能窺幸舍
新愁大抵付醇醪白門曲就
耽佳句薊北花開貯彩毫
此地相逢俱潦倒不妨頻過
話蘭膏

送楊武部奉使交趾

甲帳雲從象郡開日南驚喜
使星來披誠自有珊瑚樹
懷遠猶存馬援臺澤徧雕題
蠻獠舞檄傳浪泊鼓鐘迴
佇看萬里圖王會漢殿真需
諭蜀才

許賓

送孫古喞之任南靖

綠波春暖錦帆新載得琴書
到古閩策奏祥雲煩史筆
天留甘雨待車塵小童百里
迎三異大帽雙峰翠四鄰

聖主臨軒問撫字銅章先以
試儒臣

嵇宗孟

婺州晚泊

東婺孤城倚暮霞西風羣雁
立晴沙雙溪日落人歸馬
八詠樓空夜聽笳龍隊長橋
舟楫濶鶴明華表月光斜
凭闌極目思千里獨館寒燈
正放花

桐廬有感

澄江一碧靜無垠荇帶藤絲
數極真野濶羣山遲曉日
霜清古樹變陽春村墟人寂
半半臥估客船開橘柚新
欲訪桐君煙壑杳溯洄好問
打魚人

蘭谿

言苑 卷之四 四
月明烏鵲三河戍霜冷綈袍一葉舟水下澗溪連太末
地分寶婺接東甌清宵畫角山城靜比屋紅蘭氣象幽
雞犬渾然存古意使君高臥亦風流

西湖漫興

湖半荷花香半舟高山四匝水中流飛飛簾外催詩雨
站站波心狎客鷗白苧紅牙天上座畫樓翠棋鏡中浮
大江日夜悲吳越獨有西泠不載愁

秋盡去武林留別官雪湄年丈

鳳山胥嶺大湖東炎宋威儀在兩宮烟樹萬家春雨綠
晴川九月渚蓮紅美人政暇樽常滿才子官貧詩益工
別去高齋明月夜雪兒檀板與誰同

盧元昌

春雨吟

春風拂簾春雨斜五十老翁傷歲華江國欲歸未歸雁
山樓一聲兩聲笳潮來尺波綠過鴨醉後雙頰紅於霞
閒倚胡床弄銀笛梅花翻落驚亂鴉

軍營看菊兼訪楚客顧文學

西塞角聲何日靜東陵瓜地一番新孤城久作黃花戍
細柳何來皂帽人臨水登山秋尚在蘭橈桂櫂客堪親
我家老圃無多路遲爾明朝漉酒巾

野望

五茸城外短長亭強半離家別淚零猛虎嘯寒千里月

哀鴻飛動一江星，循良有傳思黃霸。長往無緣覓蔡經，安得蓬萊便咫尺。手攜妻子入青冥。

春日郊行

城闕春陰野草多，東風吹徧黍離歌。尙書宅廢花還發，都諫門寒雀可羅。謝氏印郎穿犢鼻，霍家奴隸擁珂。百季隨分高陽侶，拚得蕭條兩鬢皤。

丸髻翩翩過我門，典型夙昔有誰存。何人尙識西州路，幾處還開北海尊。風物依稀陶士行，才名夢想陸平原。行吟偶見鬪雞者，我已窮居老樹邨。

唐有鬪雞供奉

仲夏偶興

桃摧於世已無求，王霸閒居萬事休。自喜先生能織屨，

却看兒子半蓬頭。五湖人老荒蕪宅，八口家懸風雨秋。不道生涯便如此，百季心事水東流。

同董蒼水和曹唐病馬詩

名馬相傳產渥洼，曾從西極度流沙。牽來漢殿春風動，鳴過長楸日影斜。老去茂陵生野草，夢寒驃騎擁高牙。秋原一任烏鳶啄，誰識當季是五花。

建業懷古

臺城繫馬一長嗟，屈指興亡幾歲華。暗想靈和來植柳，那知叔寶去無家。銅駝雨急聞啼鳥，玉樹春殘有落花。江總銀魚依舊佩，幾人能種故侯瓜。

王士祐

渡楊子江

長江不盡來荆蜀天塹平分控五州地近沈舟悲戰伐
人從擊楫想風流波開雲日諸峰出浪湧魚龍夾岸浮
况值丹楓搖落盡三山縹緲欲忘憂

潤州懷古

甕城秋色連天碧近帶京江萬里遙落木高原空壁壘
橫波砥柱見金焦雲嵐泱泱通三楚人代興亡感六朝
晚向石公山下望潮聲東去海風驕

廣陵和宗梅岑韻

迢遞三秋悵索居相逢春草正離離何當隋苑啼鶯處
又是河橋折柳時媿我蕭條成浪跡多君繾綣賦新詩

相思應逐東原路珍重梅花對酒卮

周宸藻

秋懷和錢仲芳年伯韻

息機何必說窮愁塵俗都捐事事幽身世渺然看一鷺
浮沉無計學羣鷗行吟澤畔芙蓉冷招隱山中桂樹秋
莫道長安棋局似謫居早已號休休

羣芳搖落滿荒塍欲上高臺望幾層是處江山多白髮
有時風雨對青燈悲來往事同飄絮看去人情似涉冰
踪跡蕭條何所有不妨雲水學閒僧

賦懷秋水許莊蒙烟景江南似夢中閣外官梅霜下白
橋頭燈火月邊紅垂雲在昔瞻高鳳鍛羽於今附冥鴻

寄語竹西堤畔柳蕭蕭我獨對悲風

幕府雄威控兩藩風清霜肅滿江村秋聲不斷秦淮水
夜月還傾北海樽佳麗至今悲六代豪華依舊自千門
建牙此日供談笑我亦歌呼爲叩盆

莫向生涯問有無浮萍聚散歲時徂不教填海空成拙
漫擬尋溪亦號愚倚杖何妨衣薜荔投簪久待采茱萸
壯心搖落西風裏好趁烟帆入五湖

憶昔曾看禁苑花恩深寧敢效懷沙病收陶令三秋菊
貧賣青門五色瓜丘壑道存惟我輩江湖歸老已無家
不堪往事空搔首獨立蒼茫起暮霞

多累難將擬尚平欲遊名岳復關情烏衣不願時流羨
鴻筆誰傳海內驚風雨秋山悲倦客琴書舊業屬諸生
蘭芝莫道階庭滿未許人專五字城

木葉紛紛萬籟號臨風舒嘯步東臯閑隨白社尋詩酒
交散青雲自節旄鐘鼎任人光日月鐵船容我渡波濤
衡門從此堪歌咏片片苔紋苔翠毛

施維翰

研山江南華亭人

送沈青城歸養

侍臣端笏去承明新柳牙檣度曉鶯觀母應陳天鹿草
論文終霸闔廬城鳳條久見荀郎穩鶴樹難畱少傅情
獨使 至尊愁丙夜幾時宣室問蒼生

張洮侯客武昌有詩見寄奉酬

故人客裏念離居。江漢郵筒一載餘。自擬蕭朱慚結綬。更同叔夜嬾酬書。停雲谷水懷春草。兼懷漢度走馬燕臺戀釣磯。聞說比來才益健。題詩曾到武昌魚。

錢邦芭

開少江南鎮江人

梅花

幾向空山蠟屐尋。詩成驢背暗香侵。月明千里懷前約。春到三湘繫遠心。冰雪清華天地淨。衣冠高潔性情深。憐他玉笛橫吹久。飄落寒枝怨不禁。香雲千疊覆吾廬。嘯傲條然見古初。石上橫琴清自許。溪邊洗鶴意何如。掩關終夕遲新月。對子有時開異書。冰骨稜稜絕塵艷。肯容凡卉伴山居。

茅無識
遠過青丘

王日藻

薊門雜詠

古刹喬松偃蓋青。坐來高閣畫亭亭。色空夜月留清影。濤瀉秋風度寶鈴。龍臥自看金闕靜。鶴巢常見白雲停。當時花雨隨天女。想像瑤池駕翠駟。蠟屐尋山返照重。岩堯晴望削芙蓉。天寒雲擁諸陵樹。寺迴風清萬壑鐘。曲澗東迴朝太液。層巒西向接秦封。披襟不盡懷今古。筇杖還攜到別峰。

咏菊

冶容花貌辨誰真。簾捲西風黛色新。徙倚迎人如獨笑。低徊裛露似含嚔。香窺對月偏宜夜。翠袖生寒別有春。

幾度盈盈窺麗質東籬鬢鬢是東鄰

美人容

孔雀飛飛集露臺幻身花影獨徘徊幾看白雁衝寒度

不逐青鸞銜信來籬落祇堪扶策玩錦堂豈為射屏開

瓊林華萼人爭羨日倒金樽引綠醅

金孔雀

田種玉

公孫遜庵直隸宛平人

送王農山先生給假歸里

澄清海內羨登車拂袖於今正歲華弟子扶風依絳帳

尊罍粟里對黃花天空放鶴山城外月白觀濤江水涯

愛國祇憑回首處玉珂常傍五雲斜

歸里還朝總國恩季來江左重于門功名盛世夔龍會

譽望清流模楷存雪後白綸吟隴上風前珠履醉平原

山林廊廟均攸賴進退還看吾道尊

王曰高

登孺北山山東茌平人
槐軒詩集

上元前二日雪中赴友人田德昭之約

閉門披覽華山圖剡曲扁舟興未孤咏絮何須搖綵管

辟寒祇愛瀉瓊壺玉堂高會添佳話金馬將迎盡酒徒

直欲登高為卜夜小鬟燕市正當鑪

阮亭弟司李廣陵志別

險阻邦關千里餘因風好寄數行書三春花鳥耽吟興

五月江城憶索居文選樓中高白雪平山堂下泛紅蕖

當年梅閣還如舊一夢池塘一起予

登岱

天作雄藩鎮大東五雲深處現穹窿萬靈受命歸元后
四海來賓呼上嵩狩始震方柴望蚤秩先河瀆禰祠隆
登封七十何堪譜虞典曾傳輯瑞同

洞天縹緲望中開北斗平臨切上台御帳還從龍峪出
白雲時繞日峰來秦皇避雨碑無字漢帝乾封禪有臺
遙想翠華巡幸日山靈瑞靄自追陪

富鴻業

晚泊

荒郵繫艇王程迫此處年來已數過空際晚山雲影薄
尊前秋水月明多長途客路憑舟楫幾處人家近薜蘿
極目蒼茫身世外眠鷗浴鷺滿晴莎

寄題友人別墅

謝公別墅泖峰間勝日登臨屐齒閒幾曲迴廊修竹蔭
千層石徑點苔斑虬龍老榦雕墻外蛺蝶微花曲水灣
俯仰不須尋各口由來此地卽東山

李贊元

夜過楊子江

輕舟帶月渡江濱楊子江頭夜色紛寺影都由烟裏過
濤聲半在夢中聞懸知南北長河限遙憶荆吳一水分
白露蒼茫無處盡寒鐘已濕滿江雲

都門感懷

古寺寒鴉帶露鳴河橋綠樹落秋英將軍射獵花邊過

公子彈箏月下行陸博場中多識面黃金臺上孰知名
漸離故塚蓬蒿滿何處臨風聽筑聲

漁舟

數葉輕航江上過閒將短檝漾清波魚梁木落驚秋夢
烟雨舟迴起棹歌晚簾只堪明月到早帆惟挂白雲多
羣鷗日夕沙邊宿繒繳未工奈若何

過烏衣巷故里

衰個往事欲傷神闕闕銷沉淮水濱屋有夜烏啼樹冷
梁無舊燕落泥新空聞江左衣冠地不見風流王謝人
寄語行人休歎息晉家陵寢亦灰塵

秦松齡

太白酒樓

文章舊日留東國風采於今重古臺秋水不知供奉去
暮雲猶爲秘書來唐碑漫滅孤烟斷魯殿蒼涼幾鴈迴
我亦江南詞賦客夕陽登眺一徘徊

伍相國祠

興亡終古恨難消伍相祠堂對寂寥烏鵲歌殘吳苑月
鷓夷怒長浙江潮無心芳草年季合不定靈旗夜夜飄
何處水犀曾轉戰湖山一半入漁樵

過富陽

輕舟早過富陽城雨後飛泉衆壑鳴烏柏樹齊青旆出
杜鵑聲歇布帆行松陰露滴仙人井山色晴開玉女屏

却羨村家近江住柴門日夕看潮生

抵嚴州

睦州風物未凋零城郭烟巒問已經割漆人稀蠶正熟
焙茶香透酒初醒花涵水氣千重白雨洗山根一帶青
此地不曾樵牧夢竟翻自憶西泠

洪士銘

和蔡梅人水中鴈字詩

颯颯秋高萬瀨低參差濯羽畫鉤齊客心篷倚長勞慕
詩思囊開半未題杳渺何能娛故壑慙慙猶憶諗前溪
黃雲時戒浮沉侶尚有迴封帶紫泥

巴西新正馬上作

窮鄉鄙屋即春城斗酒雙柑便聽鶯短笛閒從牛背出
輕衫不向馬蹄行寒暄未愜三冬志僂僂寧忘太室盟
自是風光催歲急陽春一曲和難成

徐緘

禹陵

蒼梧愁見九峰疑高空千年護會稽畫棟蛟龍生霹靂
金函科斗貯虹霓萬家煙樹迎秋早百折飛流到海齊
問道行歌堪避世鷓鴣仍向酒杯啼

上城山

西施艷色早知名歌舞相傳舊土城載酒花深逢解珮
凭闌日落惱啼鶯澄波曉黛千家入野火秋陰萬壑生

何處神仙猶有窟只今戎馬忽縱橫

蕭震

丁未春闈同董康侯諸公登明遠樓和姚書岑原

韻

西山爽氣亦悠哉不盡憑高此日來三命鎖闈為試士

辛丑丙午并是科三次內監試八年侍史媿登臺離光隱現天何際夜

色蒼茫月欲催極口恩波無寸補臨風懷抱幾時開

駿骨猶云自古哉追風疑向五雲來甘闈勝事留今日

北闈積玩日久丙午之役疏凡十二上連十餘晝夜不交睫至是執事悲傷內外肅然萬丈文光

繞露臺天上玉衡渾一氣人間銀箭已三催暗中知有

夔龍在筆底春花次第開

宋慶遠

廣陵懷古

煬帝東巡駐彩旌六飛縹緲下蕪城貔貅十萬鑿輿肅

粉黛三千錦纜輕芳樹畫迷金屋影畫橋晴咽玉簫聲

只今輦路知何處寂寞垂楊嘯暮鶯

飲同年葉丙霞齋中

羨爾髻髻入禁林晚歸雲閣坐譚心鳳凰池上詩先就

鸚鵡杯中酒共斟小立迴廊看月色微醺移席傍花陰

曲江宴裏同鄉幾七子南皮重可尋時在座同鄉同籍者七人

太和殿謝恩恭紀

新皇御極志旁求策士臨軒早借籌鐘動禁林星影曙

香飄宮柳露華浮六龍仙仗陳丹陛五鳳雕闌隱畫樓
鵝鷺追隨同拜舞微臣何以答 宸旒

姑蘇懷古

寥落吳山染碧苔城頭高對舊胥臺官人昔妬鴛鴦枕
過客今浮鸚鵡杯廊下空傳珠屐響江邊不見錦帆開
霸圖惟剩寒鴉隊安得當時萬乘來

金陵吉祥寺探古梅

偶逢山寺探春葩老榦扶疎曲檻遮素影一簾秋月動
暗香十里午風斜拜梅有客書黃絹庵額曰拜梅焦弱
侯陳仲醇有碑記
題壁何人護碧紗錯認六朝遺粉澤俗稱六朝梅蓋梅
有六叉聲之說也
壽陽裝束競紛華

攜酒登雲陽望湖亭

亭臨練河俗稱開家湖

孤亭隔水立山巔把酒登臨意灑然僻地有香吹茂草
平湖無際接長煙松坡小翠畦丁業荻畔輕鷗漁父船
聞道曲阿淵注好風流猶似永和季丹陽古稱曲阿晉
謝萬經此曰故當
淵注停著
納而不流

贈趙尊客

高懷騷屑異人姿犖落名場不偶時交際澹如彭澤菊
旅中愁絕杜陵詩春風荔樹家千里秋雨蓴香酒一卮
趙壹自來多坎壈可能重賦疾邪詞

七夕立秋

載咏郊風大火流夜涼微月宿雲收宮妃私語長生殿

侍女穿針乞巧樓天上雙星聯舊好人間一葉報新秋
乍凋楓樹砧聲急此際應添宋玉愁

咏水仙花

冰綃霧縠出新裁仙子凌波去不回玉腕乍分和氏璧
金莖中捧漢皇臺瀟湘帝子風飄忽洛浦神妃雲往來
更有清香吹不盡小春先占嶺梅開
繇來仙骨本輕盈十月凌霜已吐英影動菰波疑出水
操傳蓬島更移情一簾晴色嬌姿遠幾度香風午夢清
解佩江臯羞粉黛蛾眉澹掃自傾城

紀映鍾

贈邵季威次韻

荒塗渺渺友聲求文舉曾知有豫州屠狗可憐長結客
爛羊終日聽封侯如銜石闕難爲語屢卸金貂不破愁
六代風流誰可續好吹鐵笛到江頭

次答黃天濤留別

首夏江鄉一片陰櫂舟曾入浦雲深每懷把酒來禽地
都付臨岐折柳心覽物情隨香草遠岸冠詩對晚山吟
春風結伴過淮楚獨客天涯思不禁

顏堯揆

宿邯鄲

家家霜杵動寒聲策馬經過古趙城杳靄叢臺疎柳外
縱橫白鴈片雲平山描翠黛秋容窈月冷空庭旅夢清

回首黃梁仙蹟近窮愁尚可問盧生

舟泊錢塘

六和塔畔暮停舟疎雨蒼烟接水流九折江湖雄可射
三春桑圃綠初柔數聲嘹唳歸巢鶴幾點浮沉隨意鷗
貫得濁醪尋一醉家山夢斷却消愁

陳昌國

同里傅石漪別駕見訪有詩時予以他役相左踵

韻寄嘲

為從繁水返荒城庭暎寒光素雪晴梅發連枝逢信使
鶯鳴一曲感同聲孤征歲晏誰為侶
宦天涯空復情
春樹暮雲遙望斷何時剪燭話平生

周 綸

上施愚山先生

仙郎詞藻擅應劉此日才名滿帝州故里乍來青雀舫
守官還臥白雲樓相逢意氣多傾蓋獨媿生涯着敝裘
歲晚秋風正搖落幾回握管不勝愁

懷智先作令岑溪

嗟君垂老適南荒地屬蒼梧路渺茫豈為一官淹驥足
却從百里望鸚行人家瘴雨迷春晝縣舍炎風溼午牆
莫傲丹砂勾漏近好將歸棹釣滄浪

與既庭

問君習隱竟何如寂寂真同揚子居憶在長安共文酒

幾季於越只音書天教白社淹名士人戀青山懶曳裾
我亦近忘榮與辱儒冠老却笑吹噓

七夕有感寄季友

忽憶去季今夜月與君同醉赤山秋那知天上雙星會
不散人間萬斛愁牢落風塵看失馬蒼茫雲漢話牽牛
乘槎欲泛河源隔無事重封博望侯

飲郝太宰宅賦謝

當年清譽動楓宸曾奉 先皇獎勞頻啓事心懸霄漢
迴憐才座與薜蘿親靜琴花外宜忘暑涼月軒前屬飲
醇公輔只今翹望切可容醉吏辱車茵

楞伽山望太湖

梵王香界鬱雲中膜拜言看士女同儘有笙歌流洞壑
爲憑杯竿立秋風山光斜影長天碧水色遙吞落照紅
勝地可容我輩在登臨詞賦幾人雄

岱嶽

層巒疊嶂劃爭開矗立天孫瞰八垓越觀近疑吳練接
海門夜湧日華來盤旋鸛鶴秦松外照耀星辰帝座隈
自昔東封誇望幸太平父老頌春臺

懷吳漢槎

汝承嚴譴去遼東萬里蕭條泣路窮投分弟兄形影外
故鄉景物夢魂中紅顏共老龍沙月白首同披毳幙風
不學虞卿空怨別幾回目極嘆飄蓬

寄陳其年

陳生傾蓋十季餘到眼詞人總不如天地悠悠雙鬢改
江湖渺渺一尊虛每從獻玉交遊在便賦停雲問訊疎
病後慎須資藥餌朔風珍重爲愁余

漫興

晚雲和雨度亭臯登眺移時引濁醪人事乾坤雙白眼
生涯涕淚一綈袍交遊向自尊龍腹通籍差應哂馬曹
落落江潭憔悴客十季回首夢魂勞
望邊蜀柳又如絲起傷溪頭倒玉卮無數啼鶯春歷亂
幾行浴鷺晚參差孤峰突兀橫雲秀野渡蒼涼返照遲
長嘯垂綸且歸去尋陽漁父足吾師

王項齡

偕友人飲旗亭

城河煙柳日初斜策馬經過舊酒家俠客解裘看蹴踘
燕姬隔水奏琵琶開窓喜對西山月夾道爭傳油壁車
帝里風光真爛熳莫辭淺酌負寒花

發宿遷縣

遺竈頽垣空薜蘿蕭條歸路此經過山連東魯峰巒峻
地入江南煙水多草綠原頭驅野犢天晴馬首見黃河
上林春色知無限獨對東風發浩歌

慈仁寺看松

三季一到慈仁寺愛聽松風坐石闌偃蹇虬龍仍作舞

芳菲花柳恨將殘
冶遊雜沓新車馬
蓬鬢蕭條舊鵝冠
向夕忽看人影散
唯餘鳥雀噪林端

秋日田髯淵先生張硯銘招同魏惟度趙雙白徐松之吳六益董蒼水沈彥澈張徠遠弟子武季

友宴集賦此

名流何減漢君宗
斗酒論心蠟展從
曲徑霜華催橘柚
方塘水色澹芙蓉
天涯賓客同司馬
地主文章得士龍
興劇頓忘宵漏短
棲鳥驚起隔城鐘

登岱

瑤壇霜雪五松寒
帝輦巡遊事渺漫
幾見山河移漢鼎
誰令風雨護秦官
千巖雲氣封中出
百道泉流鏡裏

看斷碣殘碑難可問
蕭條憑弔日將闌

人家結宇翠微間
巖石誅茅曲徧山
夾澗李桃風自舞
入雲雞犬夜知還
巖頭月掛千松靜
杖底鐘鳴萬壑閒
興劇欲探仙洞去
採芝斲木駐朱顏

送宋荔裳觀察入都

相逢孔李並從容
下食將軍幾度從
展散九峰侵薜荔
樽開五日狎蛟龍
論詩調入朱絃響
送客帆遮碧樹重
自是卑棲畱不得
蘭臺風雅世君宗

十年風采望長安
一日僊舟戒木蘭
廷尉道傍還結襪
貢公闕下欲彈冠
清陰白雪仙郎和
艷曲紅牙少婦彈
回首江南波路濶
菰蘆倘念布衣寒

贈趙雙白

亂後移家谷水隈
艸堂斜抱碧溪開
陽春未許千人和
窮身能令萬古哀
海國秋高霜葉晚
閩天瘴盡鴈行來
聞君欲卜陶公宅
籬下同傾酒一杯

時雙白欲移居南村

寄懷沈繹堂先生

射策聲華滿
帝京幾季湖海不勝情
上林久識憐司馬
宣室新傳召賈生
鳩鵲日移天語細
龍蛇光動綵毫輕
懸知拂拭宮袍在
重聽蓬萊二月鶯

昨歲相逢燕市中
布衣潦倒怨春風
誰從趙壹悲窮鳥
獨有中郎惜鬢桐
霜淨吳江聞落木
雪深碣石斷飛鴻
感公臨別瑤華贈
驗到山窓燭影紅

王九齡

送兄顓士之京

秋高黃菊露霏微
忽唱驪歌入帝畿
北闕雲山雙屐迴
西牕風雨十季依
征帆遠掛天連水
匹馬衝寒雪滿衣
同是銜泥青海燕
春來獨繞上林飛

寄鷹垂

蹉跎三十二毛侵
何事閑居獨苦吟
塵世文章堪涕淚
布衣踪跡合浮沉
同遊共憶兒童日
岐路全違少壯心
愛爾彈琴多絕調
莫憑流水問知音

游李舍人舒章廢園

舍人別業有林臯
勝侶追游豈憚勞
石磴欲連雙澗斷

山窓低壓翠屏高文章珠玉成黃土樓閣雲霞長白蒿
二俊百季同恨事秋風柳上擁波濤

大雪

臘月無風夜獨冷園林不雨聲蕭騷處士伸足一睡覺
家僮報雪三尺高大樹小樹生玉筍千屋萬屋滾銀濤
嗚呼呼酒酒無力誰家突竈還啼號

有感和弟季友

橫海十季頻戰鬪於今節使護邊城水仙未奉扶桑國
金屋先開細柳營日夜健兒飛騎出往來將吏執鞭迎
誰填精衛滄波恨終古天池少弄兵

憶家兄下第南還

弟兄挾策逾南北失路俱爲慟哭人有玉豈應頻向楚
無金真悔浪游秦獨眠野店風霜惡回首天門雨露新
但使家園棠棣好宮花何羨鳳池春

登君山

雲峰日夕坐忘歸老衲支頤說是非江海幾年增戰壘
乾坤何處問漁磯天邊城郭參差見水面春帆斷續飛
終古名山還獨賞徘徊吟眺一沾衣

雨霽

江天雲豁殘雷歇煙鎖松梧一院陰香散晚風花片落
雨餘秋氣竹林深晴牕並坐斑鳩語虛館驚寒蟋蟀吟
泥濘蓬門賓客少焚香寂寞自鳴琴

潦倒

潦倒行吟天一涯
園亭無事日西斜
數椽舊植千竿竹
十畝新鋤五色瓜
雨颯紅蕖齊覆水
霜催黃菊半含花
滿園風景真堪賞
過眼浮生莫怨嗟

金陵雜感

建康形勢雄江左
後主南遷失舊京
烽火連天惟縱酒
干戈滿地竟傾城
瓊宮新闢金蓮步
畫角驚殘玉樹聲
歌舞寂寥秋殿閉
西風吹落井梧平

昨歲金陵我再過
側身長望意如何
烏啼望苑行人少
火照鍾山獵騎多
蔓草荒烟悲石馬
秋風冷月泣銅駝
興亡轉轂尋常事
到眼須憑一嘯歌

史大成

字及超號立庵鄞縣人

登北固望焦山

北固山前翠不窮
焦山鬱鬱海門東
林間梵宇秋雲掩
天際扶桑曉日紅
京口萬家驚草木
長江兩岫夾艨艟
登臨近作防邊地
瘞鶴何人問水中

清暘

紫陌香塵二月天
爭傳杏酪五侯前
薄衣寒食絲絲雨
細草春流處處煙
自有飛花承蹴鞠
誰家高柳過秋千
乘時獨見農夫意
為惜東風早種田

和洪暉吉元夜微月觀軍中煙火之作

倘是天心示太平
沈沈雨後放新晴
不因亂世星橋寂

為有軍中羯鼓鳴
鰲燧一時連北極
馬蹄此夜滿春城
還愁風鶴人驚慣
誤看東方燧火明

魏學渠

燕臺感舊

宮闕岩堯夕照開
登臨是處重徘徊
一行雁影南天落
萬里龍媒北極來
芳草萋迷埋石鼓
寒風蕭瑟上金臺
因逢燕市悲歌客
貫酒還聽畫角哀

經吳城

疎柳高梧傷客舟
闔閭城上角聲秋
風吹白紵清砧急
月上紅闌暮笛愁
草碧吳天迷北望
潮平越水向南流
行人無限滄浪思
幾處笙歌繞驛樓

送佺亭和尚住越州顯聖寺

手闢香林草莽中
祖庭又欲借神功
鶴閒本愛青山老
龍臥還期碧宇逢
江口潮生杯觸浪
海門霞起錫凌空
何時重理東吳棹
杖履慈雲是故宮

徐惺

入直御河見柳

昨夜春風入禁闈
重來繫馬舊平津
已知孤絮空依水
豈意長條又拂輪
一片宮雲棲宿鳥
三季鄉月憶愁人
相看總是青青色
薊北江南幾處新

宿趙州隱者家

風雨前溪問晚津
石橋秋水正粼粼
掛瓢何處無高士

荷篠空山有丈人雞犬一宵天外意雁鴻千里客中親
喜看種玉庭前樹遶屋森森映碧筠

陳維崧

贈宋尚木

幕府山前鐵騎圍舍人從此亦南歸獨憐畫省高名重
轉憶滄江雅志違金闕嶙峋流夜月玉珂駉裏映晴暉
十季內史傷心地頭白班聯在亦稀

贈侯碩膚

謝馬孫也先朝曾為錦衣

汝是同昌小鳳凰王家禁鬻姓名香金錢春講天潢禮
脂澤晨頒愛女庄事去青門蕭史老愁來朱邸沁園荒
誰憐戚畹何平叔曾作西京執戟郎

閔瑋

寄懷譚灌邨先生

十季視草漢明光沐澣旋歸晝錦堂桃李盡沾時雨潤
宮袍猶染御爐香夢懸北闕新恩重展滿東山逸興
長最是侯芭相念切吳雲楚水兩茫茫

送友人還秦

客子思家悵遠遊翩翩車馬向雍州尊前紅葉題詩句
匣裏青萍動斗牛玉笛淒涼吳苑月金莖寂寞漢宮秋
應知別後遙相憶兩地風烟各倚樓

楓林寒葉落紛紛盃酒旗亭一送君湖海風塵稀會面
天涯兄弟惜離羣卑車曲磴秦山出旭日晴川渭水分

此去不須愁遇合鵬程萬里自青雲

寄懷友人

黃菊丹楓照敝裘故人華髮迴添愁孤鴻夜度江城月
落日寒生海樹秋不盡雄心頻倚劍無端離思獨登樓
可能重理山陰棹濁酒相呼話舊遊

維揚懷古

蕪城昔日勝長安無限繁華轉瞬看楊柳陰移龍馭杳
瓊花香盡鳳圖殘美人橋畔秋雲黯帝子樓頭夜月寒
一一遺蹤難借問江濤猶自日漫漫

許旭

訪趙二火尊廬

學舍漳南路渺茫君來重說鄭公鄉當年直節凌丹陛

此日浮雲掩大荒

石齋先生

都講書成同夾漈半生癖在似

當陽故人嶺外無消息廿載憑君泪幾行

謂衡者

離亂無家早歲過生涯天地一漁叢仇疑北海臺卿似
窮比扶風趙壹多落落奇才原寡合飄飄獨客自高歌
相逢相惜風塵日五馬官衙酒半醅

沈道暎

九日憶弟

高原一望總蕭森短鬢偏驚節序侵鴻鴈難逢天外信
茱萸獨向醉中尋三秋旅思黃花瘦四野浮雲白日陰
愁緒况兼搖落後那堪杯酒此登臨

九月十九日軍營訪菊和趙荔民

連袂郊原訪菊來
沈寥秋序思難裁
荆榛角向荒城起
風雨花從戰壘開
今日插萸誰落帽
當年戲馬只空臺
不堪重作登高會
水國煙霜望轉哀

送顧偉南姑夫之江右

江頭離思亂垂楊
綠草春流正渺茫
帝子樓臺銜暮雨
仙人洞壑倚斜陽
鐘聲重聽東林下
劍氣還留南斗傍
手捫芙蓉真汗漫
看雲莫恨滯他鄉

花滿江潭放鷁初
片帆西去是匡廬
星辰地接三湘濶
烟水天涵九派虛
入幕彥先名自重
尋山康樂興何如
音塵遠道思遊子
莫說彭蠡少雁書

唐

采

再見

重登弘濟寺山樓

樓臨大江

弭棹攀蘿問舊遊
香幢高出水聲幽
花開古寺空王澹
木落長江獨客愁
仄徑僧歸虹外雨
寒林鶴睡竹邊樓
依稀重歷題詩處
霞冷雲癡碧樹秋

穆陵關曉發

僕夫催發束行裝
樹杪殘星逼曙光
馬首尙餘南國夢
關前微度北天霜
煙鐘暗動秋河澹
露鵲高飛曉月涼
莫笑孤唵歸去晚
萼絲已白桂初黃

臘夜

擬西崑體

臘入殘更酒一卮
空堦梅影下遲遲
梁慙月媚裁書夜

毳罽香寒憶夢時任俠長懷紅拂妓鐘情最惜綠珠兒
步香櫛髮人何在望古遙遙起艷思

醉醒擬晚唐人體

綠漲池西已合萍一泓洗耳漸消醒窺簾雛燕紅襟小
坐桺新鶯嫩舌輕腸斷無書賒去路賤香未譜俟來伴
石屏紙帳鴛鴦硯竟日春風送舊盟

秋晚姚通所方伯過予茶話至月上東臯而別得

臣字

柿葉紅稠巷不貧草堂開揖舊綸巾黃花庭畔懷高士
白髮江南重老臣時年九十有六響觸風廊雷莢細香飄玉乳
石泉新一圍海月芸窗濕話遍羣仙乘火真翁善導引

錢以植

送慈雲偃和尚在雲門顯聖寺

舊日南皮賦草傳交情兩世重高賢宗風並受曹溪法
蕊榜同題天寶季偃公壬午副車與先繼文同譜又同出三宜和尚門下曲水清
言知避世漆園妙解自談禪東林月上還相憶夜半寒

鐘古寺連

寺連春樹綠陰圓殿瓦松廳雨溜天一自法堂蓮座擁
從教高閣寶燈然翻經補註碑堪勒讚佛驗詩筆似椽
千載賢于誰得並丹成瓢笠便飄然

飄然折葦渡西興講席雲門振錫登梵宇舊編雞足傳
名山今在沃洲僧路連危石通秦望寺遶長松近禹陵

約待剡溪春雪裏好泉攜汲對禪燈

禪燈高照影堂藜愁絕傷心劍佩遺白社逃名悲靖節
青山埋骨哭要離文園殘稿餘千卷野樹荒原似九疑
得仗遠公垂法雨暮雲深處紀殘碑

臘月大雪追步東坡韻

霏霏何處辨穠纖寒在梅梢未解嚴捲入畫樓空舞絮
霑來珠箔宛凝鹽苔痕沒砌還迷展竹影低頭恰傍簷
喜見連朝暄色動前山微吐碧峰尖

蕭瑟愁陰叶暮鴉欲尋幽徑暫停車亂飄漁艇供圖畫
濕盡茶烟遍雨花帶笠衝寒遊客思鋤桑趁火野人家
山齊靜對渾無事呵凍題成手自叉

路雲影

且庵歸自楚粵畱余信宿快讀遊草兼悉彼處山
川人物之勝長夏無事漫詠數章以當臥遊

匡廬

星渚透迤鎖玉京匡廬黛色倚江晴簾泉晝歎松楸暗
鶴觀秋函鐘磬鳴躡屐再尋精舍迴題崖敢負紫芝盟
此中賸有柴桑侶攜手三梁遲羽笙

洞庭

西涉松滋足壯遊爲攜方竹更巴丘人生不歷三江險
客路那知萬里愁疊嶂雲埋糜子國片帆雨度岳陽樓
水仙窈窕滄波暝鐵笛聲聲起釣舟

石鐘山

彭蠡湖邊螺黛青
嵌空晴日走風霆
雲深欵鶴侵僧梵
樹密驚鼯竄客舫
無射聲傳蘇子夜
歌鐘音辨酈元經
聽殘更鼓江潭榭
一曲滄浪過笑亭

瀟湘

從來遷客傷心地
一路哀猿接九疑
春老幽蘭披楚澤
秋深班竹覆湘祠
戎戎波黑靈旗動
淅淅雲寒賈舶遲
料得長沙沽酒夜
微吟騁望不勝悲

南嶽

衡嶽危峯七十二
崢嶸最是祝融尊
玄纓簡出齊宮杏
六柱仙遊石室存
候夜松陰流溟日
摩空鶴背指天門

何當策杖探南紀
回鴈响屨次第捫

屈原宅

夔子城頭落日低
靈均宅在渚宮西
春歸故國蘼蕪路
竟斷空江杜宇天
衆女善謠因粉黛
重華欲訴隔雲霓
憐君獨醒偏遭放
溷世應須醉似泥

梧州

君行八月蒼梧道
度嶺踰溪登眺多
一自孤帆迴赤水
遂題雙井憶青蛾
地有綠珠
貴妃二井嵐昏古寺枕
榔濕月淡荒陂野
兕過何事鷓鴣畱
客住南來已是跼
蒼河

七星巖

重巖霧結晝陰陰
巖下哈呀榻磴深
秉燭蟻旋寸一線

捫蘿鳥度已千尋桂堂翠羽鳴秋樹元廟玄猿哭暮岑
何處洞簫催客淚黝然泓底作龍吟

巖前有龍隱洞

五羊城

羊城四望烟巒盡風物韶華滯客歸盧橘久栽司馬賦
木棉初照陸生衣山連庾嶺飛鸚鵡亭遶珠江坐翠微
此地開樽酌吳酎黃壚覺與故人違

彼處醇酒必自吳中去者

羅浮山

絕壁懸崖自可攀羅浮靈境迥人寰無端白首塵埃裏
却負青山霄漢間萬竹連雲丹井翳一枰敲雨石樓閒
自從鮑葛談玄後更有何人識九還

余昔夢遊一山有深竹數萬竿老梅

幾千樹中有二人對奕今聽且庵談羅浮之勝彷彿如前所歷

瞿之衡

茄牛

種自蘇門質已休青郊何事傍春遊犧尊不用隨文象
匏落寧甘釜土牛聶入鼎烹難作膾薦來繭栗似堪羞
身閒未放秋原老轉餉還輸借一籌

蘆花筆

豈中山業可耕偶因班管得嘉名濡毫荏苒書難就
漬墨淋漓畫不成岸雪謾隨江夢繞溪雲常伴卓山橫
生來不解封君意一紙可能下五城

蓮蓬人

忽觀當季河上翁紅衣卸却道家風冰綃製就天孫巧

霧縠新裁鮫室工。拋盡塵心微味苦。換成玉貌悟禪空。前身應入維摩座。妙蒂總歸蓮社中。

戴本裕

題張氏幽居

雲深徑僻少人知。溪水漣漪綠柳垂。屋結三椽茅作瓦。園開半畝槿為籬。煙霞繞榻名山近。花鳥當軒春日遲。客到正逢柑酒熟。相將痛飲復何辭。

哭陸寶南

木落爐寒三徑空。子雲院冷恨何窮。老親白髮悲長夜。少婦青閨泣晚風。舊侶衣冠逢地下。匡牀書卷鎖塵中。潛然徒有招魂賦。昔日琴樽不復同。

村居寄呈趙尊客

江聲來急鴈聲沉。人在柴關月在棊。秋水不遙勞我夢。白雲無恙識君心。蘭逢幽谷誰能操。山對高樓獨放陰。太白風流今已矣。滄洲何處可追尋。秋色東籬耐晚看。狂來短鋏向誰彈。不因四壁呻吟苦。聊慰雙親日夕歡。濁酒好教鸚鵡滿。敝裘休訝驢驢寒。天涯有客頻相過。擊鉢論文到夜闌。

郭登龍

虎丘

維舟閒叩蕊珠宮。澤國煙光今古同。帆影一江收暮雨。松濤十里響春風。池騰劍氣龍潛壑。臺落天花石悟空。

何事登臨生感慨看山今始到吳中

龍里城散步

山城一片半丘墟屈指乾坤幾代餘雉堞已成樵子徑
兔葵偏惹醉人裾馬嘶古道衝蠻瘴鴉背斜陽集艸廬
惟有野雲知宦况悠悠相對竟何如

石屏積翠次壁間韻

雨洗石屏交晚風依微翠色半虛空盤迴身道千山上
香靄人烟百雉中巖影倒涵流水碧澗花遙帶夕陽紅
拂衣此日誰知己自有高僧逸興同

留別同寅

灤河新水日湯湯欲買蘭舟返夜郎逢世功名羞我拙

匡時才畧喜君長楚江客賦三春雨黔嶺猿啼四月霜
遙憶鱸魚歸正好釣絲甘自老滄浪

張灣晚泊步夏禹臣韻

風起蘆花點雪痕寒生秋水戍樓昏人從薊北歸今夕
家寄江南當故園漁火度灘明滅近城烏泣月往來喧
維舟萬里逢知己遣興寧辭酒一樽

鄒縣曉發兼慰下第諸同年

烟樹重重出帝京曉風搖漾木蘭輕寒烏啼罷天將曙
畫角吹殘月尚明遊子自慙還浪跡故人休恨未成名
相看謾灑陵陽泪擊劍悲歌亦古情

廣陵別下第同季回閩

握手金臺惜別難
還隨書劍出長安
舟迴邗水濤聲壯
路過隋堤鴈影寒
才大劉蕡休失意
時清貢禹合彈冠
樽前莫灑天涯淚
重待秋風振羽翰

荔枝夢次林祖直韵

昨夜聞君夢故鄉
荔枝猶在枕邊香
嬌欺脂李垂金谷
艷妬楊梅蘊玉漿
月殿醉看妃子笑
霞林竟返狀元芳
共憐飄泊天涯久
誰不相思十八娘

狀元紅十八娘荔中之佳種者

同馬御彝薛六虛岳生兄遊弘濟寺

年來心事付江流
共叩禪扉雨後幽
懸壁雲堂僧課鶴
斷橋春漲客迴舟
看山偶與烟霞接
作賦還因花鳥留
惆悵不堪人欲散
朱門空對水悠悠

林 芄 字郎山

九日招同李經淵蔡方山登掛劍臺次韻

重陽同醉廢臺旁
秋色蒼蒼攬八荒
萬古已成泉下骨
百季肯負手中觴
關河霜早鴻先度
沙塞風高菊未芳
莫使羈愁頻悵望
與君聚處卽為鄉

題掛劍臺

分麾河上表荒塋
幾度祠前感慨生
日落草枯看兔跡
風搖樹吼聽龍聲
九泉尙有心來往
一劍何如國重輕
堪歎後人疎友誼
延陵千載擅高名

送馬旻徠主簿歸里

薰風吹草碧
萋萋送子還
家路不迷蒼狗無
心天上變

杜鵑何恨月中啼遙思仲蔚蓬蒿滿肯願仇香枳棘棲
此去收歸烟景麗詩囊克作宦囊攜

贈許雲石

采采幽蘭信自芳昔季風雨共徜徉不因脣舌誇樓護
好有胸懷比鄭莊綵筆更如金谷麗冰心頻映玉壺光
半塵媿我分河上未得同君薜荔裳

送劉爾樺北上省其祖國子丞景南

秋雲澹澹菊將黃相送河涯挂夕陽年比終軍懷更壯
才如司馬賦應長香飄丹桂風吹月冷入蒼葭露變霜
此去憑言君大父藜然太乙尚餘光

鍾 且 字方升龍溪人

同澹園鄭夫子遊虎巖歸採菊得微字

趁得籃輿到石扉談經侍坐自忘機徑溪人向疎松出
巖靜雲隨獨鳥飛訪菊乍同樵子至烹泉時值遠公歸
夕曛斜映千巒碧遙引清思入翠微

都門送侯搏夫年兄假回省親

離情暗縮河橋柳征馬先飛陌路塵何事獨乖他國淚
那堪重別故鄉人高堂晝錦遙相待遊子萊衣苦計旬
翹望金門春信曉還期並轡謁 彤宸

舟行

雁影橫空水接天一舟如葉思悠然歌臺風動千條柳
漁浦村生幾帶烟月傍東山秋色亂雲迷北關客心懸

前谿忽有疎鐘度無限幽情寄碧川

都門壽黃周士侍衛

年少心丹見九重勳門秋曉動歌鐘飛觴多是雲臺客
話舊還思虎寺榕鳥使到門花影亂官袍躡帶御香濃
自憐蹭蹬長安日叔度何時不過從

雲間次公韓兄韻

羸馬疲童自北來喜看花萼共徘徊三季媿食長安米
萬里空思舊嶺梅丘壑追隨靈運屐文章推許士龍才
漳江學舍烽煙隔暫與生公借講臺

王子武年兄招同諸子雅集賦酬

竹靄蘭廳入綺筵風流何似永和年離人腸斷關山曲

時事嗟成寶劍篇翠薄脩林情自遠銀盤玉鱸味何鮮
欣從義獻清言後覺我胸中乍灑然

張光鴻

字大業漳平人

津次阻風

人在蘭舟望帝畿石尤風急鳥南飛不堪一路秋聲亂
無盡長江落照微逆浪拍天驚客夢深雲蔽岸失漁磯
縱懷祖楫中原志此日淒然欲賦歸

答鍾子公韓

里中同調有鍾子江左英華歎所無失路何緣聞郢曲
不才焉敢賦吳都愁來長夜依禪侶夢近寒汀問釣徒
霜月溶溶相憶否醉看紅葉短筇扶

沈亦孟

字騶士吳興人

送董樗亭先生遊燕

漢代文章有仲舒十年前已拜公車祇期簪筆登薇省
豈為看雲臥草廬意氣多君凌海嶽疎狂媿我溷樵漁
壯遊莫便相如倦 聖主還應誦子虛

冬日過尊客先生齋賦贈

十年雅慕冷鷗堂此日論心對夕陽坐擁羣書杯斝滿
情深故國幔亭長千秋名教李元禮一代評衡許子將
同在天涯歸未得輸君竹素永流光

尊閣詩藏

漳浦趙 炎二火輯

崑山葉奕苞九來

無錫顧 宸脩遠

長洲尤 侗展成

華亭宋慶長簡臣

定

王 澐

字勝時華亭人

江行卽事

驟雨迴風度馬當孤帆破浪上潯陽荒邨敗萩留殘竈
山郭浮沙隱斷航津吏怪來關未啓洲民驚問客何方
推篷錯指吳門練寂寂空江照女牆

彭蠡湖頭秋水生傳聞狐火隔江明到來湓浦渾無恙
但說匡廬好避兵繫纜聽潮聲達旦挑燈話雨坐深更

羈人此夜心千折况復荆南事遠征
漉酒東籬別故丘楚山西去指黃州神鴟送客催歸櫂
鬼火隨風入戍樓自笑閒雲常出岫還如候雁又驚秋
相逢莫訝添蓬鬢江上危濤盡白頭
采蓴砍鱸老江鄉豈爲無魚過武昌春到官梅逢驛使
秋來明月滿河梁戈船組練凌風急甲帳烽煙入夜長
勞苦戎旃猶肝食漫憐詞客尙疎狂

卓人臯

字有枚號忠州仁和人

和從姪火傳登清流寺千佛閣韻

插竹編籬護曲闌枝枝栽就碧琅玕僧麾塵尾開蓮社
鳥啄巖花墮石壇定去堂空梵語寂月來霜警柝聲寒

幽人端坐無餘事惟有楞伽可耐看

閒登傑閣共徘徊極目郊原半草萊鷹隼呼風秋氣肅
蛟龍噓息海霞來蒼嵐靉靄凝煙合霧塔迷離拂曙開
更望最高雙徑是崔巍西並暮雲堆

卓天寅

渡江述懷柬同里諸子

強病支離放客船江沙滿路歎迤邐浪花朝捲千山雨
帆影晨開兩岸天榆柳恰荒征戍火荻蘆遙隔釣簑煙
浮槎正值招鳧節潦倒還思宋玉篇

東宋受谷

沿城宿霧蕩飛沙遊笈蹉跎興未賒柳色暗依千尺水
鶯聲淒絕六朝花煙含紅藥迎新簾雨洗黃梅放好茶

楚樹南雲愁不盡勞勞天壤問君家東王左平

相期大阮投林後白足青鞋過虎谿極目風波猶悵惘

諸天日月幾攀躋三衣未就人將老半偈垂成路不迷

却怪萍踪東隱下香臺縹緲失丹梯東山曉石菴二上人暨方水家叔

年年欲采芙蓉檝出岫孤雲願屢違寥落河山還未改

依稀簫管事全非溪邊子夜誰歌和江上天風有夢飛

念汝鶴鴿凝望切清流亭畔倚斜暉東巽子允誠思皇兼慰域基二子

董道權字巽子鄞縣人

東宋子猶先生

淪落悲秋作賦才祇餘鶴髮歎摧頽曾從梅福山中去

近學韓康市上來結伴幾人脩汐社登高何處當西臺

雪交夢到經行處依舊銀濤拍岸回

韓士脩字紫山成都人

南願園明府長署靜觀堂構成奉賀署乃故劉相國府第

宓子彈琴樂此方新為臥閣起雕梁燕來曾識烏衣巷

花落猶知綠野堂舊業江山空戰鬪前賢第宅有循良

政閑俯仰人間世魯殿秦碑亦渺茫

高樓懷古撫闌干天際登臨萬象寬豈謂洗心宜息慮

聊從寓目可尋歡閒雲去住依山轉雜樹參差入座看

還憶曩時劉相國暫將棲息肯求安

李予之字又何長山人

題靜觀堂呈南邑侯

荒城殘暑久蒿萊闢舍爲衙次第開綠野當年畱別業
青山此日俯堂隈萬家烟火憑欄出百里絃歌入座來
檢點簿書無一事知君饒有廟廊才

孫熙

字西山萊陽人

願園南使君新構靜觀堂賦贈

當年相府幽棲地今日琴堂臥閣成雪滿梁園人作賦
風清齊俗政多聲看山長白雲爲幕把酒斜陽水近城
何事山陰勞鼓棹南容一識慰平生
想像高軒結構奇主人心事月明知虛窓獨坐冰壺裏
深樹人來喚鶴時花下酒傾羣吏散簷前雲起數峯移
使君別自有丘壑一曲南薰向晚吹

丁燁

重陽前三日登元紫芝琴臺

危臺百尺倚天開雉堞蕭然曉雁哀芝宇不隨芳草歇
蕪歌猶起麴桐灰檻浮灤水秋雲遠簾捲嵩山暮雨來
吏隱莫嫌幽興淺還能重醉菊花杯

遊雲夢山

蘇秦張儀從鬼谷子學道處

山腰欲斷亂峯連皎潔孤雲入夢懸樹杪泉飛巖塔雨
鐘聲路隔水簾烟山有巖塔水簾之勝龍頭鏞老花皆藥鳥跡書
傳洞有天底事縱橫成計拙投簪應自悔當年

中秋夜宴歸有感

庾樓歸去興誰同落葉蕭蕭官署空萬里關河懸北斗

孤城砧杵亂西風
冰絃入夜流珠露
錦字經秋斷塞鴻
今夕月明何處是
教人霜鬢歎飄蓬

重遊西湖同韜汝弟賦

水光萬頃碧連天
載酒重來訪舊緣
珠閣遠巒環翠黛
畫橋疎柳漾晴烟
花迎遊女春航外
磬引歸僧夕照邊
簫鼓闐闐湖上滿
多情夜月半空懸

阮節庵明府攜樽同遊少林寺

天中梵宇重迦維
選佛開山紀魏時
貝種三花新寶樹
燈傳六葉舊禪枝
香厨磬響巢烏下
古洞雲歸遠岫移
莫笑當年彭澤令
到來白社一攢眉

黃琮

和張摩九姑蘇署中見寄秋興

竟夕茶香止自陳
夢回秋簟憶陽春
蕭條漫續江生賦
勞碌徒傷屈子神
明月無心逢按劍
寒氈何意久羈人
姑蘇臺上鄉心遠
爲我殷勤寄白蘋
塞鴈江雲望裏情
金風吹斷各分行
蘆中歌發山初暮
林外聲寒路不平
九鯉滌邊探秘跡
千人石上聽無生
黃塵擾擾愁難盡
擬逐漁樵謝送迎

送李厚庵太史假還省親

頻年載筆侍彤闈
此日承恩出帝畿
清夜共分天祿
火高秋獨曳
老萊衣樽前別緒
隨帆轉嶺外音書
盼雁飛
聖代祇今賢是寶
特虛講席待君歸

青士寄詩相懷步韻答之

憶從分袂出離亭，慙媿當時守一經。
羈思長懸閩樹渺，懷人嬾對夜燈青。
風塵伏櫪心能壯，斗酒高歌眼倍醒。
遲子十年猶未遇，侍臣如我敢題屏。

思家無計着歸鞭，珍重魚書意似綿。
堪笑螭頭供奉老，何如壺畔勝遊偏。
石渠著作看時輩，翰苑文章媿昔賢。
蘭渚故人勞問訊，新詞欲寄苦無箋。

長安端午有懷莆陽諸子

羈棲兩載忘佳節，忽見蒲觴憶舊遊。
南國烟深芳草地，西湖風送木蘭舟。
綵囊漫學兒童佩，菰粽多爲故事投。
回首昔年歌舞處，榴花刺眼獨生愁。

宋存標

慧泉

名山何處慰孤心，遐矚蒼茫誰共尋。
青草一簾留碧色，亂雲數點出幽林。
鳴泉雨後濤猶響，瘦鶴煙中病自吟。
方許臣心寒似水，流觴獨坐聽鳴琴。

讀史感懷

何須彈鋏歎無魚，江上聞箴識子胥。
未遇馬生曾代草，失時賈誼亦投書。
竹冠戴罷尋鳩杖，梁父吟成訪草廬。
讀盡殘碑無一字，始知莊老貴玄虛。

晚登清涼寺

獨嶺岩堯紫翠重，隔林斜照落長松。
天開洞壑疑無地，

山向招提別有峯
誓印禪心叅聖酒
旋教歌管答鳴鐘
莫將晚色催歸騎
遠浦烟光夕更濃

張子美游武林

君家本在鳳池頭
何自傷懷慕九州
蘇小墓前哀鶴至
鴟夷江上怒龍游
文章無價春風恨
花鳥多情秋月愁
滿目蒼茫不足道
夜深簫鼓自中流

上巳

攜朋郊野散春陰
玉澗桃花柳葉深
曲水成波開酒沼
踏青履上蕩游心
豈無雲幕張詞客
定有芳姿展素衾
漫說蘭亭修禊典
儒生何事抱鳴琴

傷秋

邊城鼙鼓動離情
劔浦星搖龍怒鳴
爲感開疆漢武帝
因思奇策趙營平
廟堂日月謀樽俎
湖海風雲畏甲兵
兼聽蛩吟悲露晚
蕭條四野盡愁聲

清明

繁絃急管夕陽中
滿地桃花泣落紅
但見草間眠石馬
不聞澗底飲銅龍
賜新幾陣村前雨
淘井數畝花信風
陌上香車莫惆悵
綵繩斜掛晚烟空

彭燕又自湖上歸卜居

紛紛詩酒醉相看
知己應憐一笑難
自昔仙家原有譜
於今才子半無官
真人重奏東行近
大吏誰言北闕寒
馬上長安都是夢
從君十日布衣歡

宋思玉

越州城上卽事

環城形似月初弦對面層山雲霧連烽火遠消蓬島外
舟車常接禹陵前九衢大道通高閣萬頃平畦間曲川
豈獨吳宮迷楚草越王臺上總淒然

會稽山

拳躋碧磴上層霄欲訪名踪問野樵古木凌空雙廟隱
高峯中立萬山朝乘春麋鹿穿幽徑傍晚麴麴戲碧條
髣髴已知宛委近相傳石簣在山椒

閏七夕客西湖

迢遙池館暮雲封獨把芳樽興自濃作客偏當雙七夕
登臨未盡兩高峰菱荷浮沼能銷暑烏鵲填橋喜再逢
風景蕭條何處好忍看樵採伐青松

舟次贛州

遊子長征正杪秋鬱孤臺畔暮雲愁高牙大纛臨開府
翠羽明珠問客舟章貢雙流城北合桂庾五嶺日南收
片帆千里隨風度渺渺遙看白鷺州

都門送林安國陪蔡侍郎使閩

離亭相對勸飛觴驅馬平原落日黃卿月暫辭燕闕迴
客星隨照海天長陳琳草檄征鞍就謝傅臨戎翰墨香
此去炎方多景色荔枝初熟待君嘗

同友人豐臺看芍藥

長安門外繫雕鞍
嬌紫嬌紅夾道看
一片胭脂鮮露滴
千重羅綺曉雲寒
似憐醉態供浮白
未解芳心侍牡丹
願得平原十日酒
恐遲芳信惜春殘

太宗伯王敬哉先生招飲青箱堂見惠手書詩箋
池上翩躚集鳳雛
連雲甲第帝城隅
世家翰墨宗義獻
今日賓朋擬顧厨
芍藥香風侵錦幙
葡萄紫液貯冰壺
尚書自古多奇字
彩筆凌煙入畫圖

桐江晚眺

蒹葭秋水夕陽開
漁舫張燈薄暮來
月滿晴江迷白鷺
雲封繡嶺溼蒼苔
無城不必愁聞柝
垂釣還須訪舊臺
為說桐君仙宇近
遙從採藥碧雲隈

張三異

九日

秋暮山寒徑路危
輕烟半染菊花枝
驢乘醉客駝殘酒
人補奚囊剩詩情
到俠時雲可饌飲
逢狂處月為卮
相從休問冠欹正
分付西風莫亂吹

次沈友聖九日韻

逆旅欣逢重九臨
解衣脫帽坐疎林
高齋花草迷三徑
近水池塘生半陰
殘照慢移前岸柳
涼風輕逗隔邨砧
今朝盡把閒愁遣
日落蠻江猶醉吟

次彭古晉韻

書劍飄零惆悵多
臺前戲馬看揮戈
風流豪俠窮愁減

歲月清閒離亂過斷壁頽床吹冷爨長竿短線釣晴波
倦來無事尋同調緩步攜僮伴葛蘿

偕彭古晉宜夢萊陳慕博訪維念上人

遠眺招提萬慮空法王宮殿漢時同飛泉夾路雲生壑

修竹環溪鶴唳風妙相西來瓔珞異僧有小西天活佛相紫衣遙

授梵音通有大西天紫衣三生夙具團圓性白足同看舍利紅

楹有舍利子

武林閒步

越山翠律鬱蒼蒼松柏蕭森夾道傍六合捨前波湧月
三生石上劍揮霜僧來東嶺雲拖衲鐘出南屏韻遶塘
日照靈湫寒氣徹滿城梅蘂逗春光

西湖

滿湖景色誰能繪不綴丹青自嬾然水繞山邊山繞寺
桃生柳畔柳生烟醉登孤嶼閒招鶴笑倚空亭嬾上船
蘭槳漫搖魚影亂波光蕩漾湛珠圓

集環綠樓次古晉韻

園開三徑菊初妍樓貯奇書浮碧烟博塞聯吟休問酒
狂歌脫帽總忘年山光送翠陰生壑桂冷飄香月到筵
好會由來難勝客喜君全列竹林賢是日坐有七客

芙蓉花發滿溪妍叢竹含秋嬾淡烟菊映頽顏羞短髮
酒因素友醉衰年香風忽至穿層閣險句初成驚四筵
已盡東南今日美昔人未許獨稱賢

九日同劉九來吳嗣宗鉉臣登山望西湖水漲
風零白露氣微涼醉挹湖田晚稻香媿我登山無海賦
喜他別水有霞觴近看疊巘雲穿岫遠盼流沙鶴舞裳
把酒不知天地大指揮如意自疎狂
臨嶂亭高影更涼翠微晚送橘橙香悲秋輸爾三湘賦
愛客羸予九日觴晴蕩波紋如縐綺風吹蘆葉似褰裳
任他牛馬頻呼至散髮披襟我自狂

次酬趙尊客

服官往事漫回思深信無才類繭絲敢道綬循懷保合
但存清白鬼神知因羞熟軟難追古甘蹈疎狂不逐時
幸有榕城吾子在相逢猶自口成碑

蔣伊

長至早朝

六瑄灰飛紫禁清珂聲徐覺曉風輕玉河水映珠星動
金闕鐘催璧月橫絲仗雲中雙鳳奏御爐烟裏一陽生
願將今日新添線歲歲絲綸祝 聖明

曉鴻

長空嘹唳洞庭羣萬里風沙曙色分孤影飛殘平野月
一行吟斷過江雲聲淒鼓角樓頭聽語怨關山雪後聞
玉塞金河消息杳只今疑訴李將軍

亦園詩和益都馮夫子韻

皇州欲問東山展共賦藍田別墅詩池映水心空漠漠

柳舒青眼已絲絲
閑栽紅玉編花塢
小綻黃金待菊籬
不獨雲亭多載酒
堂開綠野憶當時

鳳樓明月望中遙
一片清光到樹椒
喜有新詩同曲水
愛攜禪客過平橋
心空秋沼澄霜鏡
座滿春風剪碧條
燮理自能蕃草木
不須名記李文饒

輕風遶徑拂莓苔
初月娟娟上石臺
龍返小池春水暖
鶯鳴高柳曉烟開
翠微樹色晴中見
紫禁鐘聲夜半來
讀得朝川詩一卷
和歌難繼右丞才

草堂西去暮霞生
一徑垂蘿落翠輕
遠樹身啼深苑外
平原馬踏淺沙行
風飄弱絮千條碧
月照寒澌一鑑明
遊到柳濃溪白處
帝城亦自有滄瀛

送前輩徐健庵步李文正公騎字韻

天因惜別起寒颼
斗酒爲歡君莫辭
筆底蟾蜍迎月動
堤邊騾裹帶霜騎
白蘋正值橫江日
紅藥休忘宿省時
最是繫人吟望處
南州風範杜陵詩

亦園秋興和馮夫子韻

嵐影溪光亂落霞
金風微拂釣絲斜
關河慘澹江楓隔
原野蕭條澤雁遐
循吏幾人能賣劍
王臣一去杳歸槎
舉頭初月天如洗
坐聽昏鴉匝樹譁

隄邊一騎入煙蘿
還喜詞人抱瑟過
夕照欲披瀛海霧
秋聲直捲洞庭波
愁來謝墅供腸咏
醉拂吳鉤起嘯歌
長望九關思獻策
側身空自憶常何

西望山光映水濱，疎楊恰與落荷鄰。
 雲生薜荔裳初製，葉點莓苔屐過頻。
 秋渚晚來無射鴨，故磯烟裏有垂綸。
 禁中空自思頗牧，歸臥溪頭對白蘋。
 小榭涼添雨未收，遠山紅樹淡烟浮。
 一籬漫喜黃侵眼，雙鬢旋看白上頭。
 內地可堪多畫角，江干猶自擁公矛。
 幾回欲溯蒹葭隱，肯忘青青杜若洲。

和沈朗倩七十自壽

書城墨海靜相依，何事玄纁叩竹扉。
 船放湖頭攜月泛，屐尋山頂帶雲歸。
 不緣覓句愁腰瘦，却為抄書覺鬢稀。
 沈麟士年已過七十，桑落酒酣荷肉美。
 耆英好會莫睽違。
 尚抄書二三千卷

楊才瓊

再見

贈鶴

淮海追隨竟至今，何殊把臂入幽林。
 花晨翮奮聞雞舞，月夜聲悽扣角吟。
 緩步廳前閒覷奕，高蹲石上靜聆琴。
 雲霄無限翱翔意，都歛同余戀碧岑。
 吾道南來路已賒，棲皇獨不厭東家。
 元龍氣槩凌飛鳥，尼父春秋逐走蛇。
 俛仰拊髀嗟白日，踟躕適意眺青霞。
 素心一片能余共，三徑徘徊最惜花。

久客江臯悵影孤，雨朝風夕爾為徒。
 斑衣蓬室凌松羽，長嘯蘇門遶竹呼。
 察異有同直指使，司閭何遜執金吾。

余鶴見生客則鳴門啓則鳴
 歸來彈鋏知余恥，魚乏多年不悼無。

吾廬爾愛隱蒿萊門杜終朝未許開
繾綣梅妻時對月
綢繆石丈慣登臺
癯形皓潔凌寒雪
高調錚宏徹上台
旁若無人嘗傲睨
五松徒恃大夫才

自植盆景落成喜詠

飛來何處此峯巔
山海圖經未註詮
青玉案懸雲裏石
水晶簾挂雨中泉
谷通鳥道三千里
樹近星河尺五天
草室乾坤看嶽立
心鑪手鑄太行堅
文章事業總摧殘
坐對林丘興不闌
嫩綠春前浮渭樹
暗香秋後動湘蘭
峩峩雪積千年白
黍谷陰深六月寒
勿謂八公驚艸木
桃花零亂此中安
樹石丹青益是雙
蒼蒼一幅小林泉
依稀風雨來神女

隱躍樓臺坐偃佺
劍閣崢嶸嶮蜀道
句上林廣衍于虛篇
文心萬劫讐禪管
十指泥塗竟滌煙

一帶青峯峙碧虛
箕山穎水總吾廬
枕流月白高歌夜
拜石袍紅問字餘
旖旎漫言花隱署
菁蔥不羨木天居
惟慚無以酬楓陛
草卉甘同意愴如

任辰旦

字千之一
一字待庵蕭山人

郡歸卽事

行春何處最堪懷
江上王園十里梅
畫舫纔隨紆岸泊
玉樓乍見隔溪開
每逢月起花增艷
不藉風生香自來
鎮日俗緣愁未斷
芳菲相對一徘徊

鐸庵和弘軒韻

謝客東林結社難
勞人何幸此盤桓
香浮曲徑花臺迴
氣靜空山竹閣寒
高調那能追白雪
塵襟乍喜浥清瀾
閒庭樹有優曇在
次第春風好共看

韋人鳳

字六象仁和人

和卓子亮庵干佛閣原韻

夾岸清流遶曲闌
橫堦長倚碧琅玕
唯瞻烏鵲來香几
自有魚龍護講壇
萬戶秋荒雙杵絕
千帆曉去一江寒
今朝忽覩莊嚴地
歷劫還同靈鷲看
春郊倚杖獨徘徊
勝地何緣闢草萊
諸葛空吟梁甫老
維摩重到鹿堂來
雲扶寶閣天中起
浪湧珠林溪上開
最喜憑欄舒眺望
落花處處積成堆

袁國梓

庫公山

庫公石磴掩莓苔
千載陰符戰骨哀
鐵鎖任從田父得
玉書休爲道人開
三分舊數江東望
二俊終非馬上才
恨殺圯橋多授受
鬪他劉項至今來

庫公舊從黃石游

余山

溪堂剪燭話徵君
通隱昇平半席分
茶笋香來朝命酒
竹梧陰滿夜論文
知交倒屣傾黃閣
妻子誅茅住白雲
處士盛名收不盡
至今山屬余將軍

神山

紫蓋青童白鹿巾
細林仙館鶴書頻
洗來丹井千季藥

脫去靈蛇五色鱗洞起春雲招勝侶潭空秋月証前身
赤松早見留侯志何況商顏避世人

彭素雲鍊
丹山頂

薛山

薛公高臥始何年學士傳家有墓田在自布衣登侍從
長將巖壑讓神仙坐來石榻蒼苔冷採得溪毛碧藕鮮
最愛玉屏山下路月光橋畔五湖船

大陸山

蒹葭滿目鴈何依內史村邊弔陸機豪士十年貪隱遁
通侯三世累輕肥江山麗藻歸文賦京洛浮沉負釣磯
白裕未還青蓋遠辨亡書在故園非

橫雲山

季 嬰

花壽圖詩

歲癸巳馬齒週甲承親友以詩文壽余者多褒譽過情余不敢當有以畫幅壽

余者皆隨意壽圖余又未滿意因出臆見勞石城譚表兄筆大約以列仙與羣芳彙為一幅名曰花壽圖甲午正月始事六月乃成懸之草堂相知雅集如身入圖中喜而賦之

長夏山齋圖書開欣逢勝友共傳杯酒酣不減當年興
人老空懷昔日孩笑指神仙方畢集乍看鸞鶴欲飛來
蓬壺咫尺非虛羨隔斷紅塵好自猜

同王古臣遊西湖前後雜興

一棹錢塘洵有緣此身多半在湖邊浪遊不必量家計
適意常須帶酒錢路熟只因來既久興酣且喜病俱全
人生忙冗知何許好覓逍遙學地仙

年年一度過湖頭不是尋春便訪秋禾黍宋宮增感慨
松筠梵閣爲遲留偷閑放艇誠良策恣意看花卽勝遊
兼慕當年劉阮事山深澗曲漫探幽
武林踪跡久盤桓有客相同興未闌遊具一肩行李便
閑身廿載歲時寬兒嬉漫踏蘇堤綠仙跡時尋葛井丹
尤愛西谿風俗好桃源童叟古衣冠

具夏 過發祥祠同王古臣賦

國戚崇祠壯畫圖夜臺雕鏤盡金鋪共知物色古今似
誰識風煙先後殊遊客訊碑爭下馬斜陽無樹可棲烏
當時故物存華表惆悵春風燕麥蕪

季 木

寄懷陳確庵

高林一別到今年邂逅南湖二月天雁足北來春夢杳
龍光東表德星懸高人絕俗同雲壁野老安貧學圃田
屈指秋江憑短櫂好攜尊酒話平泉

過六益先生齋頭賦贈

端方曾不逐時趨高蹈東邨老足娛柳岸疎疎元亮宅
草亭落落子雲居風光老逐千場醉歲序閒消萬卷書
聲氣幸通蘭譜末延陵家學有璠璵

梅花書屋景清新風雨論心不厭頻柳影侵簾如伴客
鶯聲入戶欲依人泛蒲有約心先醉看杏難攀意轉親
自笑客踪寧易到清談半日卽仙身

菊窓小飲

小圃年來已就荒，秋深猶喜菊初黃。
枝頭殘月高開曉，檐際輕風緩送香。
酒癖自堪消寂寞，花神應亦愛清狂。
獨憐病影相看瘦，收取寒英湊藥方。

世事何堪獨怨嗟，呼朋把酒醉黃花。
杯銜纖月浮香遠，簾拂輕風遞影斜。
青眼漫存狂者癖，白衣誰憶野人家。
寒英瘦魄經年照，欲賦傷秋思轉賒。

嘉蔭堂避暑

名園嘉樹綠森沉，盡日蘭堂暑不侵。
亂石飛泉宜夏雨，蒼松蔽日似寒林。
墻低正放青山色，簾卷常邀碧月陰。
坐覺好風來萬里，引杯長嘯一開襟。

曹國維

字四張號逸庵青浦人

懷舊

間關千里遇知音，渺渺雲天共此心。
葭露有懷吳水濶，笠車無伴楚山深。
矜才直是連城壁，稱意無非賣賦金。
幾欲揚舲風未便，爲因良友費沉吟。

登海邑丹鳳樓

旅游城闕躡丹梯，俯瞰黃龍萬堞齊。
天際帆檣排浪入，望中烟火逐雲低。
何季陰雨流膏徧，到處哀鴻鍛尾啼。
知是九苞難一遇，高臺寂寞待重棲。

咏火魚

優游寸鯉樂逡巡，尺澤無波不礙鱗。
玉筍每羞比目態，

朱衣時露點頭身梧陰雨滴歎聲急荇帶風吹入水頻
靜裏涵濡生意滿由來行止不因人

馬廷桂

字丹谷號放庵常熟人

客舍

江臯祭酒恨途窮絳帳慚移是馬融楊柳虛垂當檻綠
石榴故放隔窗紅非關使者來何暮却笑先生刺未通
竟日淹留唯醉臥問奇獨有主人翁

泗涇道中

朔風獵獵到天明不敵寒威是酒兵野迳雪深入跡少
溪橋路滑馬蹄驚雄心既冷何時熱傲骨猶存敢自輕
聞說江干潮正滿好邀新月一琴橫

張傳

字汝傳婁縣人

秋夜

夜靜江潭月影空誰家砧杵動秋風淒涼蛩語黃花外
明滅螢飛白露中甲冷邊沙悲塞北蓴肥泖水憶江東
小山更有何人賦招隱還須問八公

新篁傳粉和浦南閨秀之作

名園脩竹繞林塘養得新梢未出墻借色只憐梅蘂淡
分栽不競李花香葉凝曉露疑勻黛籜解春風欲卸妝
高節他年誰可比碧烟蒼靄接瀟湘

九日

閒凭畫檻嘯南樓極目蕭疎景物幽三徑菊開當令節

半江楓落點寒流應知戲馬渾如戲乍見秋鴻始是秋
過隙韶華誰復在碧天無際白雲浮

和家昆季感懷之作

風景蕭條異昔年當歌對酒一淒然薪殘陶令門前柳
稅起顏家郭外田神劍銷沉終有合明珠晦昧豈常捐
且從嵩岳尋師去坐月焚香倚碧烟

題山陰女子雲和子龍潭競渡之作

若耶溪畔出名姝五月隨人在客途投贈每多青玉案
靚妝小貼赤靈符屈平遺恨留香閣蘇蕙裁詩入錦圖
爭似功成烟水濶不留形影在江湖

避亂張澤春半思家寄諸兄弟

幾簇雲山點畫圖凭闌東望是歸途花飛曲徑香窺冷
草暗閒塘旅夢孤燕子復來尋舊壘鴈臣將去別新蘆
郊原到處開桃李還似春風昔日無

和施母舅醫隱詩

傲骨峻嶒別九峯少微星象照高蹤長桑飲鵲功無敵
越石聞雞性未慵香國自堪君子佩散材不受大夫封
故園何用輕拋擲抱道應知世莫容

閱百練真傳題海烈婦

太華蓮花石上生移栽人世著芳榮縫衣密似天孫錦
繫練雄於秦女箏湘水遇波寒更澈秋霜着夜氣逾清
只今廟貌毘陵郡不負瑤臺舊姓名

詠雪美人和韻

澹妝贏得卓文君。翦霧裁冰宮樣裙。和月落梅憐共影。
因風飛絮憶同羣。渾疑姑射仙靈降。未許溫泉水氣薰。
長恨形消無覓處。天花散作不歸雲。
月鮮珠采本如君。一捻留仙天水裙。身似驪宮鸚鵡伴。
色迷江岸鷺鷥羣。梁王席上宜陪咏。荀令鑪邊不耐薰。
寄語朝陽莫相妬。流風應得勝停雲。

奉酬朱門大姊見示之作

林下高風咏絮才。箋揮蘭藻慧心裁。窮愁爾我傷搖落。
離別鄉城斷溯洄。此日相逢萱草謝。何時重對菊花開。
清光却羨天邊月。常得窓前照鏡臺。

步萼客湖上見贈原韻

雙峯積雨秀堪圖。三泖移舟訪大蘇。柳色依然青不改。
詩名到處價應無。愁邊春老栽蘿薜。客裏蒐銷聽鷓鴣。
見說甘泉重詞賦。可容窮鳥散江湖。

徐熙

重過章賜堂悵然有感

章賜堂前一再過。流風遺澤竟如何。千秋勛業光青簡。
萬曆衣冠隱碧蘿。春老啼鶉亡國淚。月明飲馬奏邊歌。
傷心往事憑誰語。芳草愁深玉帶河。

舟出青浦別三兄

水國烟深一櫂行。鶴鴒原畔獨飛鳴。寒花故傍西風發。

殘雪偏隨返照明
屈指郵亭愁短鬢
相依僮僕為長征
臨岐揮手非無淚
恐入吳江作浪聲

宿玉峯後舍

峯頭雨洗翠生嵐
遙見禪燈早挂龕
露冷梅魂依古砌
風迴雁陣落寒潭
離家翫月三更夢
對客焚香一夜談
隔院鐘聲天欲曙
蒼然蓬鬢不勝簪

夜次吳閶

闔閭城下片帆收
野樹荒雲帶遠流
歲暮不知身是客
天涯何處賦登樓
夜深笠澤漁燈細
鐘度寒山鶴夢幽
回首要離墳
畔月可能長照一扁舟
除夕喜三兄到梁谿同守歲

令節他鄉少弟兄
相逢相對倍含情
酒因竹葉杯浮綠
人為梅花坐到明
殘燭似餘孤客淚
遠鐘如報隔年聲
依依風景今宵共
來日扁舟何處行

毘陵晚泊

草色萋萋二月時
荒村流水艤舟遲
幾家沙嘴懸漁網
一樹斜陽映酒旗
燕子未歸春欲去
桃花將盡客猶羈
驚心故國殘燈夢
杜宇青山叫別離

露筋祠

蒼茫烟艇入斜曛
客子棲遲弔露筋
一片貞心歸夜月
百年古殿鎖秋雲
蟲書玉珮苔痕積
燕舞珠簾篆靄熏
徙倚庭中木葉下
悲風獵獵不堪聞

疎柳高梧水驛程異鄉風景最關情
津樓客散寒鴉集
漁市人歸野火明
萬里浮雲悲獨戍
一尊濁酒慰三更
淒涼旅泊惟孤枕
愁聽巖城擊柝聲

中元秋夕懷弟次珊

時予臥病

金井梧桐一葉飛
杖藜東望獨依依
他鄉未勝故鄉好
來日應知去日非
清夜檢書愁雁杳
嫩寒欹枕夢鱸肥
持杯聊自開懷抱
掩袂重嗟筋力稀

憶汝終朝及夜除
未知何日賦歸歎
病中吾往翻尋夢
月下人來不得書
三徑柳陰蟬噪晚
一庭梧葉鵲驚初
縱然遲滯刀環約
秋雨秋風慎起居

侯宗太

字邠望號谷隱諸暨人

讀五洩最嬾大師悔遊集賦贈

水水山山寄此身
荷衣松食不知貧
雨中黃葉埋蹤處
巖際青燈得髓人
五洩白雲今日臥
九峯青虎往時馴
悔遊詩卷攜相示
勝坐芸窗二十春

同克愚大師馥生上人遊五洩

天開圖畫勝蓬萊
能引騷人踏翠來
百道危湍爭馬練
千峯晴晝感風雷
身依列宿銀河墮
目放重崖錦障堆
此地喬松呼欲出
不妨支許共徘徊

曹紳

晚晴渡泖

欵乃聲聲入渺茫短曾相向滿湖塘晴霞着樹千峯赤
落照搖波萬丈光孤塔雲邊斜去雁疎鐘月下送歸航
僧翻貝葉時閒聽身世悠悠已兩忘

送友計偕北上

南國人文重洛陽行旌遙指建章旁書成白鳳三千字
宴賜紅綾第一香御苑春深濡翰墨彤墀日暖射光芒
青雲隨步須臾事側耳經綸煥九閭

書齋磬口臘梅試花

寒窗香度鶴聲幽玉磬連枝璧月浮弱質迎風如怯語
嬌姿緘口似含羞凌霜那許菊爲伴破臘遙催梅作儔
最是騷人無限意花間一步一凝眸

